

**Ammasumik ataatsimiinnermi oqaluuserisassat:**

- Imm. 01 Oqaluuserisassat akuersissutigineri**
- Imm. 02 Borgmesterip nalunaarutaa.**
- Imm. 03 Ataatsimiititaliani siulittaasut nalunaarutaat.**

**Paasissutissiissutit**

- Imm. 04 2010-mi tikaagullittassat agguaateqqinneri pillugit paasissutissiissut.**
- Imm. 05 2010-mi Japan-imut niuernermi angalanermi nalunaarusiaq pillugu paasissutissiissut.**
- Imm. 06 Qeqqani Inuutissarsiornermut Siunnersuisoqatigiit aprilimi 2010-miit juuni 2010-mut pisunik paasissutissiissutaat.**
- Imm. 07 Borgmesterinik borgmesterillu tulliinik kiisalu kommunalbestyrelsinut nunaqarfinilu aqutsisunut ilaasortanik il.il. akissarsiaqartitsineq pillugu Namminersorlutik Oqartussat nalunaarutiliassatut siunnersuutaat pillugu tusaniuteqarnermut paasissutissiissut.**

**Aningaasaqarnermut tunngasut**

- Imm. 08 Septembarip naaneranut 2010-mi kommunalbestyrelsip aningaasaqarnikkut nalunaarutaa.**
- Imm. 09 2011-mut missingersuutissat ukiunullu 2012-miit 2014-mut missiliuutissat siullermeerneru.**
- Imm. 10 Sisimiuni sanaartornermi naatsorsuutit.**
- Imm. 11 Missingersuutitigut malinnaatitsineq, konto 40 Akeqanngitsumik paaqqinnittarfinniititsineq.**
- Imm. 12 Missingersuutininik malinnaatitsineq, konto 41, meeqqanut ikiorsiiniutit.**
- Imm. 13 Missingersuutininik malinnaatitsineq, konto 43 Siusinaartumik pensionisiat.**
- Imm. 14 Missingersuutitigut malinnaatitsineq, konto 44 Meeqqanut akilersuutit.**
- Imm. 15 Missingersuutitigut malinnaatitsineq, konto 45 Pisortanit ikiorsiissutit.**
- Imm. 16 Missingersuutitigut malinnaatitsineq, konto 46 Isumaginninnermi aningaasartuutit allat.**
- Imm. 17 Missingersuutininik malinnaatitsineq, konto 47, Utoqqarnik sullissineq.**
- Imm. 18 Missingersuutitigut malinnaatitsineq, konto 48 Innarluutilinnut immikkoortorta.**

- Imm. 19** Missingersuutunik malinnaatitsineq, konto 49 Isumaginninnermi aningaasartuutit allat.
- Imm. 20** Illoqarfik qimannagu perorsaasunnngorniarneq Sisimiuni ingerlanneqartup august-imi 2011-imi ingerlaannassava, ilinniarnep affaata ingerlanneqareer-nerani naliliineq aallaavigalugu, Perorsaanermik Ilinniarfik, Sisimiunerssup.
- Imm. 21** Qeqqata Kommuniata inissiaataani immikkoortortanut 2011-mut missingersuutissatut siunnersuut.

**Suliassat nalinginnaasut**

- Imm. 22** Qeqqata Kommuniani kommunip susassa qarfiisa ingerlanneqarneri pillugit ileqqoreqqusap allannguuteqartinnera
- Imm. 23** KANUKOKA-p aaqqissuusaaqqinnera.
- Imm. 24** Qeqqata Kommuniani Containerinik inissiisarnermut maleruaqqusat.
- Imm. 25** Kommunip inissiat atugassarisai.
- Imm. 26** Meeqgeriviit akuerisaanerannut uppernarsaat.
- Imm. 27** 1. juli 2010-miit 20. juni 2011-mut Maniitsumi qilalugartassat agguaannissaat.
- Imm. 28** Ukiumut pissassiivimmu 1.7.2010-20.6.2011-mut qilalukkat qaqortat 26-t Sisimiunut pisassiissutit.
- Imm. 29** Oqaluuserisassatut siunnersuut – Isumaginninnikkut ikiorsiisssutunik pisartagaqartut, akiligassaat ilanngullugit tunniunneqartalernissaat
- Imm. 30** Oqaluuserisassatut siunnersuutit - Evelyn Frederiksen-ip oqaluuserisassatut siunnersuutai.
- Imm. 31** Aningaasanik ikisilluni pinnguaatinik ikkussuinissamut akuersissummik qinnuteqaat.
- Imm. 32** Tamalaat.

Ataatsimiinneq aallartippoq nal.

*Peqataasut:*

***Atassut***

***Inuit Ataqtigiit***

***Siumut***

*Nalunaaruteqarlutik peqataannngitsut:*

*Nalunaaruteqaratik peqataannngitsut*

**Imm. 01 Oqaluuserisassat akuersissutigineri**

**Aalajangiineq**

**Imm. 02 Borgmesterip nalunaarutaa**

**Aalajangiineq**

**Imm. 03 Ataatsimiititaliani siulittaasut nalunaarutaat**

**Aalajangiineq**

**Imm. 04 2010-mi tikaagullittassat agguaaateqqinneri pillugit paasissutissiissut**

*Journalnr. 72.01.01.01*

Tunuliaqutaq

Aalisarnermut, Piniarnermut Nunalerinermullu Naalakkersuisoqarfimmit ulloq 15. september 2010 kommuninut allagaq 2010-mi tikaagullittassat agguaaateqqinnerinut tunngasoq.

Maleruagassatigut tunngavissaq

Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 11, 16. juli 2010-imeersoq.

Pissutsit atuuttut

14. september 2010 Kitaani tikaagulliit 109-t pisarineqarsimapput taamaasillunilu tikaagulliit 84-t sinnerullutik.

Aalisarnermut, Piniarnermut Nunalerinermullu Naalakkersuisup KNAPK aamma KANUKOKA tusarniareerlugit aalajangiivoq tikaagulliit qamutilimmik pisassaniit 10-t qoorortuumik pisassanut nuunneqassasut.

Tikaagulliit 10-t ukununnga kommuninut tunniunneqarput:

- a) 5-t Qaasuitsup Kommunianut
- b) 5-t Kommune Kujallermut.

Taakkua saniatigut ukunani qoorortuumik pisassat sinneruttut allanngunngillat:

- c) 6-t Kommuneqarfik Sermersooq, Kitaani
- d) 3-t Qeqqata Kommuniani

Tikaagulliit pisarineqarsimasut naatsorsornerini 15. september 2010-meersumi takuneqarsinnaavoq tikaagulliit qoorortuumik Qeqqata Kommuniani pisassat pingasut pisarineqarsimanngitsut.

Sisimiuni marluk Napasumilu ataaseq pisarineqarsimanatik.

Tamanna tunngavigalugu Aalisarnermut, Piniarnermut Nunalerinermullu Naalakkersuisup tikaagulliit qamutilimmik pisassaniit 10-t qoorortuumik pisassanut nuunneqarnissaannik ulloq 15. september 2010 aalajangiinerani, Qeqqata Kommunianut qoorortuumik pisassanik tuneqqinneqanngilaq, Qeqqata Kommunianut pisassiissutit suli sinneqarmata. Qaasuitsup Kommunianut aamma Kommune Kujalleq qoorortuumik pisassaminnik tamakkerlugit pisaqareersimasut tamarnik 5-nik tunineqqa-qippat.

Napasumi piniaqatigiit tikaagullittassaminnik suli pisaqannginnerminnut tunngavilersuutigivaat, maannamut tikaagulliit takusartakkatik mikigisarsimagamikkat, piniaqatigiit ataasiinnaagamik gruppe-lersornikuunatik amerlassutsiminnut 17-inut sanilliullugu, tikaagulliit takusatik mikigisarsimagamikkat pisarigunikku pissarsilluarnavianninnamik, taamaammat anginerusumik takunissartik utaqqissussimagaluarpaat maannamullu tassa iluatsitsisimanatik.

Upernaaq april-imi 2010-mi sinerissami tikaagullittassanik agguaaassinnermi aqutsivik (forvaltnings-område) Maniitsumut qoorortuumik tikaagullittassiissutit pingasuusut kommunimit imatut agguaanneqarput:

Maniitsoq piniaqatigiit gruppe 1 pisassinneqarput ataatsimik, Napasoq piniaqatigiit pisassinneqarput ataatsimik.

Pisassaq sinneruttoq ataaseq Atammimmi piniaqatigiit gruppe I aamma Kangaamiuni piniaqatigiit gruppe I akornaanni makitsissutigineqarpoq. Atammimmi piniaqatigiit makitaanerisigut qoorortuumik tikaagullittassiissut taanna Atammimmi piniaqatigiit gruppe I-mut pisassiissutigineqarpoq. Taamaalilluni qoorortoorsorluni tikaagullittassanik april 2010-mi agguassinermi Kangaamiormiut pisassinneqanngillat.

Kommunalbestyrelsip aprilip 28-ani 2010-mi ileqquusumik ataatsimiinnermini aalajangiunneqarpoq pisasseqqittoqassappat piumasarineqassasoq, pisassinneqanngitsut salliutinneqarnissaat.

#### Allaffeqarfiup naliliinera.

Allaffeqarfiup nalilerpaa qoorortuumik tikaagullittassiissut sinneruttoq ataaseq ukiarpallaartinnagu pisarineqarnissaa pingaaruteqartoq. Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 11, 16. juli 2010-imeersumi § 24 naapertorlugu periarfissaavoq kommunalbestyrelsi najukkami aalisartut piniartullu peqatigiiffii tusarniaavigereerlugit aalajangiisinaasoq, akuersissut kommunip iluani tunniunneqarsimasoq allanut nuunneqarsinnaasoq. Taamanna tunngavigalugu Allaffeqarfiup nalilerpaa periarfissaq taanna atorneqartariaqartoq.

Napasumi aalisartut piniartullu peqatigiiffiani siulittaasoq ulloq 21. september 2010 aalisarnermik piniarnermillu siunnersortimit tusarniaaffigineqarnermini nalunaarutigivaa, pineqartoq peqatigiiffiminni eqqartorsimallu. Napasumi aalisartut piniartullu peqatigiiffiata pisassiissut tigungmiinnarusullugu kissaatigivaat, nuunneqassappallu tamanna 15. oktober 2010 pisinnaasoq avataata anorlerajussinera pissutigalugu pisariniarnissaanut piffissaqarusullutik.

Kangaamiuni aalisartut piniartullu peqatigiiffiani siulittaasoq ulloq 20. september 2010 telefonikkut tusarniaaffigineqarnermini nalunaarutigivaa, peqatigiiffiup pingaartikkaa tikaagulliup pisarineqapallannissaa. Kangaamiut eqqaani maannakkut tikaagulleqarpoq siunnersuutigalugulu piaarnerpaamik pisassiissut Kangaamiuni umiatsiaararsortunut tunniunneqassasoq. Piaarnerpaamik tunniunneqarsinnaanngippat kingusinerpaamik 30. september 2010-mi Napasormiut pisarinngippassuk pisassiissut taanna Kangaamiuni piniaqatigiit gruppe I-mut nuunneqarluni tunniunneqassasoq kissaatigineqarluni.

Napasumi piniaqatigiit tikaagullittassiissut 30. september 2010-mi pisarisimangippassuk kommunalbestyrelsip aprilip 28-ani 2010-mi aalajangiinera innersuussutigalugu qoorortuumik tigaagullittassaq ataaseq Kangaamiuni piniaqatigiit gruppe I-imut ulloq 1. oktober 2010 nuunneqassasoq, Aalisarnermik piniarnermillu siunnersortip innersuussutigivaa.

April-imi pisassiissutaasimasut sinneqaraangata Naalackersuisoqarfimmit ukiakkut pisasseqqinneqarnissaagaluq pinngitsoortarmat Naalackersuisoqarfimmi ukiakkut agguasseqqinnissaq nallertinnagu qoorortuumik tikaagullittassiissutit sapinngisamik tamakkerneqareertarnissaat Qeqqata Kommunianit anguneqarnissaa siunnersortip pingaartutut isigivaa. Arfernik angisuunik piniarnerlu pillugu kommunip ileqqoreqqusassaa 2010-2011-mi suliarineqartussaassaaq tassanilu kommunip iluani tikaagullittassiissutinik agguasarneq agguasseqqittarnerlu erseqqinnerusumik aalajanger-saaffigineqartussaassapput.

#### Allaffeqarfiup innersuussutaa

Allaffeqarfiup borgmesterimut innersuussutigissavaa, qoorortuumik tigaagullittassaq ataaseq Napasumut pisassiissutigineqarsimasoq ulloq 1. oktober 2010 pisarineqanngippat, pisassiisut Kangaamiuni piniaqatigiinnut gruppe I-mut tunniunneqassasoq.

Borgmesterip suliamik suliaqarnera

Kommunalbestyrelse sinnerlugu, innersuussutigineqartoq akuersissutigalugu septembarip 21-ani 2010-mi borgmesteri aalajangiivoq.

Kommunalbestyrelsi tullianik ataatsimiinnissaani aalajangiinermik ilisimatinneqassaaq.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

**Ilanngussat**

1. Aalisarnermut, Piniarnermut Nunalerinermullu Naalakkersuisoqarfimmit ulloq 15. September 2010 Kommunninut allagaaq 2010-mi tikaagullittassat agguateqqinnerinut tunngasoq.
2. Arferit angisuut pisat amerlassusaannik nalunaarut 15. September 2010-meersoq.
3. Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 11. 16. juli 2010-imeersoq.

**Imm. 05 2010-mi Japan-imut niuernermi angalanermi nalunaarussiaq pillugu paasissutissiis-  
sut**

*Journalnr. 66.15*

Tunuliaqutaq

Peqataasut:

Hansêraq Enoksen, Sisimiut Fish ApS  
Knud Lennert, Sisimiut Fish ApS  
Abel Berthelsen, Sisimiut Fish ApS  
Otto Berthelsen, Fiskerikonsulent Qeqqata Kommunia  
Peter Evaldsen, Projektleder Qeqqata Erhvervsråd

Japan-imut niuernarluni angalaneq pilersaarusionerqarsimavoq Qeqqata Erhvervsråd, Sisimiut Fish ApS, Sisimiuni aalisarnermut siunnersorti aammalu Tokyo-mi qallunaat aallartitaqarfiata suleqati-giinnerisigut. Qallunaat aallartitaqarfiani statskonsulent Katja Majbom Goodhew siuttoralugu Japan-imi suliffeqarfissuit ataatsimeeqatiginissaannut piukkunnarsinnaasut saaffigisimavaat Sisimiut Fish apS piumasai malillugit. Piginneqatigiiffiit assigiinngitsumik angissusillit anguniagaqartullu arfinillit ataatsimeeqatigineqarsimapput.

Qeqqata Erhvervsråd-p pilersaarusiamut peqataasimasut tamaasa qujassuteqarfigaat

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap septembarip 21-ani 2010-mi ataatsimiinnerani paasissutissiisut tusaatissatut tiguneqarpoq.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

**Ilanngussaq**

1. Japan-imut niuernermi angalanermi nalunaarussiaq.

**Imm. 06 Qeqqani Inuutissarsiornermut Siunnersuisoqatigiit apriliimi 2010-miit juuni 2010-mut pisunik paasissutissiissutaat**

*Journalnr.01.07.10*

Tunuliaqutaq

Qeqqata Kommuniata Qeqqani Inuutissarsiornermut Siunnersuisoqatigiillu kiffartuussinissamik isumaqatigiissutaat naapertorlugu, QIS qaammatit pingasukkaarlugit naanerini suliarisimasatik nalunaarusiortartussaavaat.

Maleruagassatigut tunngavissaq

Qeqqata Kommuniata QIS-illu akornanni kiffartuussinissamik isumaqatigiissut januaarip 5-ini 2010-meersoq.

Pissutsit atuuttut

**Aprili**

Apriliip affaani siullermi Artic Circle Race (ACR) ingerlanneqarpoq, tak. Qeqqata Erhvervsrådip ACR-imik kiffartuussinissamik isumaqatigiissutaa.

Qeqqani Inuutissarsiornermut Siunnersuisoqatigiit apriliip ilangaatsiaani Sisimiuni Maniitsumilu radiut, Sisimiut TV-at SivdleK'-llu aqutugalugit aallartitsinianik ilitersuisinnaanikkut periarfissat pillugit saqqummiussisaqattaarpoq, tamatumuuna aallartitsiniat tamarmik aallartitsiniarnerminni ilitersorneqarnissamik pisariaqartitsisut inuussutissarsiutitigut allatseqarfimmut saaffignittarnissaat siunertaralugu. Peqatigitillugu Sisimiut Tusaataatigut kiisalu Akisuasoq Radio TV-lu aqutugalugit toqqaannartumik aallakaatitsisoqarluni, tassa sumiiffimmi tamarmi tusaaneqarsinnaasumik peqataaffigineqarsinnaasumillu Inuutissarsiutitigut 2010-mut pilersaarut saqqumiinneqarluni.

*Takornariaqarnermut tunngasut*

(nalunaarusiap qaammatit pingasut tamakkiisumik imarivai)

Sumiiffinni suliaqartutigut paasissutissat pingaartillugit katersorneqarput, matumani Maniitsoq Kangaamiullu ilanngullugit. Maniitsumi suliaqartunut paasissutissanik katersuinermit peqatigitillugu takornariaqarnermi ineriartortitsineq pillugu tamanut ataatsimiititsisoqarluni, tamatumani peqataasut ineriartortitsinikkut pisariaqartitsiviit siunissamilu kissaatit saqqumiunnissaannut periarfissaalluni. Taama suliaqarikkut Ornitassaq Arctic Circle Regionimi takornariaqarnermi periusissanut attuumassuteqarpoq.

Umiarsuarnik tikittoqartarnerata piareersimaffiginissaanut takornarissallu umiarsuaasa tikittarnissaannik ataqatigiissarinissamut atatillugu apriliip 27-ni tamanut ammasumik tamakku pillugit ataatsimiititsisoqarpoq, tamatumani peqataasut piareersimanissamut tunngasutigut ilikkagaqarnissaat periarfissillugu. Tamatuma malitsigisaanik umiarsualiviit 2010-p aasaanerani tikiqqartussani tamani atugassatut allagartat tikilluaqqussutit pisarineqarput.

Aammattaq apriliimi allatseqarfiup Namminersorlutik Oqartussat inatsisitigut aalisartitsisinnarnermut, piniartitsisinnarnermut akuersissutinut tunngasutigut kiisalu heliskiing-imut suliaat killiffisivai, tamannalu sioqqullugu inuutissarsiutitigut soqutigisaqartut arlalissuit inatsisikkut pisariaqartitsinerinut naatsorsuutigisaannullu tunngasutigut oqaloqatigalugit. Namminersorlutik Oqartussaniit akissutisiassaq suli utaqqisaavoq.



QIS-ip pisinnaasaasa takussaanerulernissaat anguniarlugu suliap ilaatigut kingunerivaa, takornariaqarnikkut suliallit massakkut apeqqutitigut ilitsersorneqarnissamillu pisariaqartitigut assigiingitsutigut ataavartumik allatseqarfimmuut saaffiginnittalernerat. Kangaamiuni tikeraarnerup kingorna Kangaamiuni Takornariaqarnikkut Peqatigiiffik pilersinneqarpoq, tassanilu ilitsersorneqarnissaq pisariaqartinneqarluni, taamatullu aamma Maniitsumi Sisimiunilu suliffeqarfiit piffissami peqatigalugillu ilitsersorneqartarlutik.

*Suliffeqarfiit aallartitsiniallu ilitsersorneqarnikut:*

Sisimiut	9
Maniitsoq	1
Kangaamiut	1

### **Maajimi**

Aallartitsiniat salliutinneqarnikuupput, maajillu aallartinnerani inuutissarsiutitigut allatseqarfiup GrønlandsBanken kiisalu aallartitsinianik siunnersuisarfik peqatigalugit Sisimiuni kiisalu maajip naanerani Maniitsumi aallartitsinianik unnukkuat aningaaserivimmit attartortitsisarnerit il.il. pillugit (paasititsiniaallutik). Sisimiuni aaqquussineq taanna soqutigineqarluarsimavoq, Maniitsumili soqutiginnineq annikinnerungaatsiarsimalluni. Aallartitsinianut pikkorissartitsisinaanermik pisariaqartitsinikkut saaffiginninnerit kingunerinik, tamatumani inuutissarsiutitigut allatseqarfiup pikkorissartitsisinaanikkut sumiiffinnilu pikkorissaasinnaasutigut periarfissat misissuiffigivai.

Aammattaq inuutissarsiutitigut allatseqarfik Reykjavik-imi, Nunat Avannarliit akornanni pilersaarutininik ineriartortitsinermut tunngasutigut, NORA-mi ataatsimiinnermi peqataavoq, taannalu Norge-mit, Savalimmiunit, Island-imit, Kalaallit Nunaannit, Canada-p kangisinnerusortaanit kiisalu Skotland/Irland-imit peqataaffigineqarluni. Taamatut ataatsimiititsinerni Inuutissarsiutitigut allatseqarfiup peqataaneq kajumissaatitut nalilerpaa, pingaartumik nunat uagut sumiiffitsinni pissutsinut naleqqiunneqarsinnaasut eqqarsaatigalugit. Suleqateqarsinnaaneq attavissallu tamatumuuna pissarsiarineqartarput.

Qeqqata Inuutissarsiornermut Siunnersuisoqatigiivi maajip naanerani ataatsimeersuarput.

Siusinnerusukkuat suleqatigisimasaq Piorsaavimmiittoq kiisalu ATI-mi sulisoq ataaseq ataatsimeeqatigineqarput, tamatumani Kalaallit Nunaanni qeqquussat eqqarsaatigalugit periarfissanik eqqartueqatigiilluni, taannalu qeqquussanik nioqqutissiuulersinnaanikkut periarfissatigut ilisimasanik katersinerulluni.

Tuluit TV-qarfiat ”Trans World Sport” ukioq manna ACR-imi unammineq minutsinik arfineq-pingasunik takissusilimmik aallakatitassiarivaa. Trans World Sport nunarsuarmit 259 millioninik isiginnaarneqartarpoq, ilaatigullu TV2-p takinerusumik kiisalu naalisarlugu sisamariarlugu maajip 4-ni 2010-mi aallakaatillugu. Tamatumuuna Arctic Circle Race, Sisimiut kiisalu Kalaallit Nunaat pitsaalluinnartumik avammut nittarsaaneqarput. Aammalumi nunani allani tusagassiutit arlallit ACR Sisimiullu pillugit saqqumiussillutik.

Danmark-imi Eksportrådet-p sinniisai marluk tikeraarnikuupput, tamatumani Sisimiut Fish ApS-ip eqqusat suaanik avammut Japan-imut tunisassiorniarnernanik pilersaarutai pillugit ataatsimeeqatigineqarluni, tamatumani inuutissarsiutitigut allatseqarfik peqataavoq.

Sisimiut Fish ApS aallarnisarnermi poortukkamik ataatsimik Tokyo-mi Danmarks Ambassademut akiliunneqarnissaminik Eksportrådet-imut qinnuteqarsimavoq. Suannik tuniniaasussanik isumaqati-giissusiornissami Ambassade-p Sisimiut Fish ApS, avammullu tuniniaanermut tunngasutigut allatigut aqqissuussinissatigut ikiussallugu. Sisimiuniillu angalatitaa aamma Tokyo-mi inuutissarsiutitigut teknikkimullu tunngasutigut saqqummersitsineq peqataaffigissallugu, ilaatigut nioqutissiassatigut isumassarsiorfigiutagalugu.

#### *Takornariaqarnermut tunngasut*

Nuummi Takornariaqarnermut tunngasutigut Ulloqarnermik maaji aallartinneqarpoq, tamatumani GTE-p pisortaanertaavata Anders Stenbakken piginneqatigiiffiup nutaamik aqqissuunneqarnera nunalu tamakkerlugu suleqatigiinnissaq erseqqissarpai. Taanna anersaaralugu Ornitassaq Arctic Circle Region-ip ilaatigut Destination East Greenland-imik siunissami ilisimasatigut, isumassarsiatigut, nittarsaassinertigut nioqutissatigullu suleqatigiissinnaanermik oqaloqatiginninnerit aallartippai.

Maajimi sulialinnut nutaarsiassat aappaat nassiunneqarpoq, ilaatigut umiarsuit tikittartut piareersi-maffiginissaat pillugu allaaserisaqarfusooq, aammalu tunisassiat nutaat ineriartortinnissaat kiisalu attartorniarnermi qularnaveequsiinermut tunngasut pillugit paasissutissiinnissaq pingaartinneqarluni. Sumiiffimmi quppersagartaassap nutaap ineriartortinnera aallarnisarlugu paasissutissiiivinnik webimillu maajimi qinnuteqartoqarpoq, quppersagassallu nutaap ineriartortinniarnera takornaria-qarnikkut ineriartortitsinermik suliami nukipparujussuarnik tiguisuuvoq.

Inuutissarsiutitigut Siunnersuisoqatigiit takornariaqarnikkut suleqatigiissitaata isumassarsianik ineriartortitsinermi A Tast of Greenland TV-kut aallakaatitassiassaq suliaralugu aallartippat, taannalu sumiiffiup nittarsaanneranut annertoorujussuarnik sunniuteqartussatut naliliiffigineqarluni. Suleqati-giissitat isumassarsianik ineriartortitsinikkut GTE qanittumik suleqatigivaat, tassa aalajangiinnissap aningaasalersuiffiginissaatalu kiisalu suliarinissaata tungaanut. Tamatumalu ukiup sinnerani inger-lannissaa naatsorsuutigineqarluni.

#### *Suliffeqarfiit aallartitsiniallu ilitsersorneqarnikut:*

Sisimiut	5
Kangerlussuaq	2
Maniitsoq	5
Kangaamiut	1

#### **Juuni**

Inuutissarsiutitigut allatseqarfiup SAAPP-p siulersuisui paasissutissiiffiusumik ataatsimeeqatigivai, tassa Qeqqata Inuutissarsiutitigut Siunnersuisoqatigiivini ilaasortaanerup iluaqutissartai pillugit. Ataatsimiinneq peqatigiiffimmit tigulluarneqarpoq, pisariaqartitsinerlu naapertorlugu ataatsimeeqatigiissinnaanerit eqqartorneqarlutik.

Inuutissarsiutitigut allatseqarfik aalisarnikkullu siunnersorti peqatigiillutik aalisarnermut tunngasutigut ukioq manna piffissami oktobarip 7-iniit 9-anut saqqummersitsinissamat atatillugu POLAR FISH 2010-mut suliaqaqatigiippat. Saqqummersitsivissaq 18 m<sup>2</sup>-ritut annertutigisooq inniminnigaa-voq. Saqqummersitsivissami suut ingerlanneqassanersut, saqqummersitsinerullu saniatigut inger-laavartumik suut sammisassarititaassanersut pillugit aalajangiiffigineqassappat. ACR-i juunip 22-ni 2010-mi ataatsimeersuarpoq.

Arctic Circle Race 2011-mut atatillugu apeqquteqaatit takkussuutilereerput. Manna tikillugu Danmark-imiit, Tjekkiet-miit, Canada-miit, Schweiz-imiit, Australia-miit Østrig-imiit USA-miillu apeqquteqaatit tiguneqalereersimapput. USA-miillu apeqquteqaat soqutiginaateqaqaluni, tassa filmiortarfimmi suleqataasumiit ujakkaartitsinissamut tunngatillugu apeqquteqaataagami, taamaatumik suna tamatuma nassatarissaneraa takussallugu soqutiginassaaq. Imaassorinarporlu Trans World Sport-ikkut aallakaatinneqarsimanera, ACR-ip pitsaasumik isigineqarneranut iluaqutissartaqarsimasoq.

Tamatuma saniatigut inuinnaat piginneqatigiiffillu apeqquteqaataat tiguneqarsimallutik.

#### *Takornariaqarnermut tunngasut*

Quppersakkap ineriartortinneqarnera ingerlanneqarpoq, kommunillu paasissutissiivinnut tunngasutigit akuersereerneratigit tamanna massakkut isumagineqalerluni. Suliat ilaat paasissutissiivinnut tunngasoq oktoberimi 2010-mi naammassineqassasorineqarpoq, quppersakkamulli tunngasoq 2010-mi qaammatit siulliit pingasut tungaannut ingerlanneqartussaalluni.

Nunani Avannarlerni Travel Mart 2010-p Island-imi septembarimi peqataaffiginissaanut piareersar-neq, kiisalu Skotland-imi Adventure Travel World Summit oktoberimi peqataanissaq ingerlanne-qarput. Kingulleq tassaavoq takornariaqarnermik ineriartortitsinikkut misiliinermut tunngasut, tassa sumiiffitsinni nutaatut periusissavut misigisassarsiornermut tunngatinneqarnerulernissaat naatsor-suutigineqarmat.

Aammattaaq takornariaqarnikkut siunnersorti juunimi Qeqqata Kommunianut atatillugu Sisimiuni Amutsiviup illutaani matunik ammatitsisimalluni, tassa aggustimi/septembarimi Clim-ATIC pilersaarut WP4 aamma WP3-mut piareersarnermut tunngasut nalunaarutiginerinut atatillugu.

Tamakku saniatigut Sisimiut Kangerlussuullu akornatigit aqqusinissap pitsanngorsarnissaanut piareersarnermut atatillugu ataatsimiittoqarsimalluni – pilersaarutikkut ilaatigit aqqu tip ukiukkut qi-mussertarnerup nalaani atugaassinnaanera annertuumik annertuseriartissavaa, taamalu aamma isumannaannerulertissallugu.

Takornariaqarnermut atatillugu periutsit ingerlanneqaannassapput, aasaaneraniilu paasissutissat katersukkat misissuataarneqassallutik, tamatumalu saniatigut aamma sammisassat takornariaqarner-mut tunngasut misissuiffigineqassallutik, soorlu takornariaqarnikkut periutsit, nittarsaassisarnerup siunertaa, quppersakkamik ineriartortitsineq takornariaqarnermullu tunngasutigit ilisimaarisat annertusarnissaat.

Qaammatini pingasuni ingerlasimasuni tusagassiutit ingerlaavartumik attavigineqartarsimapput, tassa sumiiffiup iluaqutissamik saqqummiunneqarnissaa anguniarlugu. Taamaalilluni QIS-ip takor-nariaqarnikkut ineriartortitsinerata toqqaannartumik sunniutigisimallugu, tulliuttutigit oqalualaat saqqummiunneqarsimaneri:

- *Sermitsiakkut quppersagaatigullu*: paasissutissiivit pillugit saqqumiussat, akuerisaasumik akuerisaanngitsumillu angallassisarnerit, Itillimi umiarsuarlutik takornariaqartitsisarneq.
- *KNR-imi radiokkut quppersagaatigullu*: Kangaamiuni takornariaqarnermut tunngasut, assit Arctic Circle Region-imeersut.
- *SivdleK'*: umiarsuarunik takornariaqartarnermi ataqatigiissaarisarnernut tunngasut, kiisalu takornariaqarnikkut nalinginnaasumik ineriartortitsinerit
- *Greenland.com*: Arctic Circle Region-imi nutaarsiassat assit.

Tamakku saniatigut Qeqqata Inuutissarsiornermut Siunnersuisoqatigiivisa Facebook twitterimilu ilisaritilluni quppernerit pilersissimavai, taakkulu aqutigalugit nutaarsiassat ilisimasallu ingerlaavartumik peqataasinnaasunut amerlanerusunut saqqumiussorneqarput.

*Suliffeqarfut aallartitsiniallu ilitsersorneqarnikut:*

Sisimiut	6
Kangerlussuaq	2
Maniitsoq	2

Aningaasaqarnermut atatsimiititaliami suliap suliarinera

Aningaasaqarnermut ataatsimiititaliap oktobarip 12-ani 2010-mi ataatsimiinnerani paasissutissiissut tusaatissatut tiguneqarpoq.

### **Innersuussut**

Suliaq kommunalbestyrelsimut paasissutissatut saqqummiunneqarpoq.

### **Aalajangiineq**

### **Ilanngussat**

Ilanngussaqaanngilaq

**Imm. 07 Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik il.il. akissarsiaqartitsineq pillugu Namminersorlutik Oqartussat nalunaarutiliassatut siunnersuutaat pillugu tusaniuteqarnermut paasissutissiissut**

*Journalnr. 03.08.00*

Tunuliaqutaq

Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik il.il. akissarsiaqartitsineq pillugu Namminersorlutik Oqartussat nalunaarusiassartik tusarniutitut nassiuppaat, nalunaarummut atuuttumut nr. 29, decembarip 18-iani 2008-meersumut sanilliullugu § 4, imm. 2 nunaqarfinni aqutsisunut ilaasortat siulittaasutut taartaasarnerinut akissarsiaqarinnissamut allangortitsiniarnermut tunngasuulluni.

Tusarniummut akissutissaq Nunamut namminermut Pingortitamut Avatangiisinullu Naalakkersui-soqarfiup kingusinnerpaamik oktobarip 20-ni 2010-mi tigoreersimassavaa.

Maleruagassatigut tunngavissaq

Kommunit aqunneqarnerat pillugu Inatsisartut inatsisaat nr. 14, 5. december 2008-meersoq (aqutsinermi inatsit) kiisalu

Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik il.il. akissarsiaqartitsineq pillugu, Namminersornerullutik Oqartussat nalunaarutaat nr. 29, 18. december 2008-meersoq (akissarsiaqartitsinermi nalunaarut).

Pissutsit atuuttut

Akissarsiaqartitsinermi nalunaarutip § 4, imm. 2-a naapertorlugu, tassa ullumikkumut akissarsiaqartitsinermi nalunaarummut atuuttumut sanilliullugu nutaartaasukkut ilanngunneqartussatut siunnersuutaavoq, nunaqarfimmi aqutsisunut ilaasortaq, nunaqarfimmi aqutsisunut siulittaasutut taartaasussatut toqqarneqaruni taava § 7-imi imm. 2 naapertorlugu akissarsiaqartinneqarsinnaassasoq. Tamannalu imatut paasineqassaaq, nunaqarfimmi aqutsisunut ilaasortaq ulluni imminnut atasuni 15-imi siulittaasutut taartaatinneqassaguni, ASG-p oktobarip 16-i 1985-imi kaajallaasitaata § 2-a naapertorlugu akissarsiaqartinneqartassasoq.

Aningaasaqarnikkut allaffissornikkullu kingunerisinnaasai

Nunaqarfimmi aqutsisunut ilaasortap siulittaasumik peqannginnerani taartaasussatut toqqakkamut immikkut aningaasartuuteqartoqassaaq, nunaqarfinnili aqutsisunut ilaasortat taartaagallartitaasarneri qanoq annertutiginersut nalunaarsorneqarnikuunngimmata, allannguutip qanoq aningaasatigut naleqarumaarnissaa eqqoriaruminaappoq.

Qullersaqarfiup oqaaseqaataa

Immikkut oqaaseqaatitassaqaanngilaq.

Allaffeqarfiup naliliinera

Allaffeqarfik naliliivoq, ilaasortaq ilaasortaanaanermiit atorfimmumut qaffasinnerusumut taartaasussatut toqqarneqaruni, siulittaasup sivikinnerpaamik ulluni imminnut atasuni 15-imi amerlanerusuni luunniit peqataasinnaannginnerani ilaasortaq taartaasussatut toqqarneqaruni akissarsiaqartinneqarinnissaa pissusissamisoortoq.

Allaffeqarfiup maluginiaqqussavaa, akissarsiaqartitsinermi nalunaarusiariniagaq arlalitsigut tullu-  
angimmat, matumuunalu tusarniummut atatillugu aaqqittariaqaraluakkanik.

Nunamut namminermut Naalackersuisoqarfiup angalanermi piffissamut atukkamut tunngatillugu  
nalunaarutip § 9-anut, sulinermi annaasanut taartisianut, taamatullu § 9 malillugu ullormusianut  
nassuiaanera naapertorlugu imaappoq, angalanermi il.il. ullut atukkanut tamarmik sulinermi annaa-  
satut taartisiaqaataassapput, taamatuttaarlu ataatsimiinnernut atatillugu angalanerit ataatsimeeqat-  
taarnerillu taartisiaqaataassallutik.

Sisimiuni Maniitsumiluunniit kommunalbestyrelsisp ataatsimiinnerani najuulluni peqataagaanni,  
peqataanissaminnut angalasariaqarsimasut sulinermi annaasatik matussusertisinnaavaat, illoqar-  
fimmeereerlutilli peqataasut sulinermi annaasaqaatisisinnaanatik, tassa angalanermi ullunik atuin-  
nginnamik, taamalu ilaasortaqaatitik assigalugit sulinermi annaassarsiaqarsinnaanatik, ataatsimiinne-  
rimmi isumasioqatigiinnerit allallu nalinginnaasumik akissarsiatigut matussuserneqartarmata,  
Qeqqatalu Kommunia isumaqarpoq, taama politikkerinik atugassarititaasutigut assigiinngissitsineq  
imaalillugu allanngortinneqartariaqartoq, nalunaarutip qinikkanut tunngasut immikkoortitsinerta-  
qanngitsumik isumagissagai.

Siusinnerusukkut decembarimi 2009-mi Qeqqata Kommunia Nunamut namminermut Naalackersui-  
soqarfimmu saaffiginnissuteqarpoq, tassa Kommunalbestyrelsimi sinniisussat akissarsiaat pillugit  
nalunaarusiaq kommunalbestyrelsisp oqallisigivaa. Akissarsiat pillugit nalunaarusiap nr. 29-p  
decembarip 18-iani 2008-meersup § 9, imm. 2-ata nr. 2-a ima oqaasertalik: *”Ullormut akissarsiat  
akissarsiat § 2, imm. 1-imi taaneqartut 730-nngorlugit aggornerannut ataatsimut naapertuuttut  
inunnut, ataatsimiinnerup nalaani annermik namminersorluni inuussutissarsiuqarnermit  
aningaasarsiorfeqartunut, soorlu piniartunut, aalisartunut, savaatilinnut il.il., annertunerusumik  
isertitassanik annaasaqarsimaneq uppernarsarneqarsinnaanngippat.”* pingaartumik oqallisigine-  
qarluni.

Oqaaseq ”annerusumik isertitassanik annaasaqarsimaneq uppernarsarneqarsinnaanngippat” nalorni-  
soorutaalluni, tassami isertitassanik annaasaqarnermi uppernarsaatit suunuku pineqartut. Tamatumani  
sapaatip akunnerani, ulluni 14-ini qaammammiluunniit annaasaasimasut pineqarpat?

Taamaattumik Qeqqata Kommuniata kommunalbestyrelsiata Nunamut Namminermut Naalakker-  
suisoqarfik ilitersuusioqqullugu/malittarisassioqqullugu qinnuigissavaa, tassa ajornartorsiut  
kommunini allani aamma ajornartorsiutaarpalummat, taamaalillunilu isertitassaraluanik annaasa-  
qarnermi naatsorsueriaatsit assigiimmik kommunini toqqammavissaqaqqullugit.

Allaffeqarfiup innersuussutigissavaa, akissarsiaqartitsinermi nalunaarutip allanngortinnissaanut  
atatillugu siunnersuutigineqassasoq, oqaaseqatigiinnut piffissat suut pineqarneri ilanngunneqassasut.

#### Allaffeqarfiup innersuussutaa

Allaffeqarfiup aningaasaqarnermut ataatsimiititaliamut kommunalbestyrelsi sinnerlugu akuersissu-  
tigissagaa innersuussutigissavaa, akissutissatut siunnersuut ilanngussaq

Aningaasaqarnermut ataatsimiititaliami suliaq suliarinera

Aningaasaqarnermut ataatsimiititaliap oktobarip 12-ani 2010-mi ataatsimiinnermini allaffeqarfiup innersuussutaa akuersissutigivaa.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

**Ilanngussat**

1. Tusarniutaasumut akissut oktobarip 14-ani 2010-meersoq

**Imm. 08 Septembarip naaneranut 2010-mi kommunalbestyrelsip aningaasaqarnikkut nalunaarutaa**

Journalnr. 06.00

Pissutsit atuuttut

Atuineq/isertitaqarneq ukioq naallugu atsikkutigiissaartumik ingerlasimagaluaruni 75,0 procenti-miissagaluarpoq.

Qeqqata Kommunia 2009-mi juunip naaneranut	Miss. Ukiumoortut iluarsisat	Naatsorsuutitut ikkutat	2009 %-nngorlugu
Allaffissornermut tunngasut	91.628	65.589	71,6
Teknikkimut tunngasut	35.162	25.282	71,9
Suliffissaqartitsiniarneq inuutissarsiutillu	22.750	14.196	62,4
Ilaqutariinnermut tunngasut	110.255	92.301	83,7
Ilinniartitaaneq kulturilu	210.809	154.972	73,5
Pilersuinnermut tunngasut	8.088	6.442	79,6
<b>Ingerlatsinermi aningaasartuutit katillugit</b>	<b>478.692</b>	<b>358.782</b>	<b>75,0</b>
Sanaartornermi aningaasartuutit	91.387	23.669	25,9
<b>Aningaasartuutit katillugit</b>	<b>570.079</b>	<b>382.451</b>	<b>67,1</b>
<b>Ingerlatsinermi isertitat</b>	<b>-528.456</b>	<b>-375.500</b>	<b>71,1</b>
Karsimiittuutit nikerarnerat	41.433	6.951	
Killiffimmi nikerarneq	14.788		
<b>Katillugit</b>	<b>56.221</b>		

Kisitsisit (-) tallit = isertitat/sinneqartoorutit  
Kisitsisit (+) tallit = aningaasartuutit amigatoorutit

**Allaffissornermi immikkoortut**

allaffissornermi imm. (1.000 kr.)		Miss.	Imm.aning.	Akuersiss.	Atuineq	Sinneri	Atuineq
Konto	Kontop taaguutaa						
10	Qinikkanut aningaasartuutit	7.999	0	7.999	4.955	3.044	61,9%
11	Kommunimi allaffissornerq	74.895	111	75.006	55.915	19.091	74,5%
12	Kantiina	912	0	912	964	-52	105,7%
18	Akimoortumik suliat	7.821	-110	7.711	3.754	3.957	48,7%
<b>Katillugit</b>		<b>91.627</b>	<b>1</b>	<b>91.628</b>	<b>65.589</b>	<b>26.040</b>	<b>71,6%</b>

Allaffissornermi immikkoortuni aningaasaliissutinit 91,6 mio. koruuniusuniit ataatsimut katillugit 65,6 mio. koruuninik atuisoqarsimavoq. Atuisimaneq procentinngorlugu 71,6-miilluni.

Akimoortumik suliatigut taama atuvallaarsimannginneq patsiseqarpoq, kommuni sulii tamakkiisumik sillimmasiinikkut akiligassinneqarsimanngimmat, kiisalu INI A/S-ip sillimmasiinikkut akiliutissat akilereersimammagit.

**Teknikki**

Teknikki (1.000 kr.)		Miss.	Imm.aning.	Akuersiss.	Atuineq	Sinneri	Atuineq
Konto	Kontop taaguutaa						
20	Aqq., ikaartarfiit, majuartarfiit sanaartornerlu	7.729	-243	7.486	4.852	2.634	64,8%
21	Saligaatsuutitsineq aputaajaanerlu	7.319	-125	7.194	5.264	1.930	73,2%
22	Pisuussutit uumassusillit	292	0	292	124	168	42,4%
23	Kommunip suliffeqarfii assigiinngitsut	4.003	75	4.078	2.967	1.111	72,8%
25	Qatserisartoqarneq	5.875	0	5.875	3.956	1.919	67,3%
27	Teknikkikkut suliaqarfii allat	9.628	609	10.237	8.119	2.118	79,3%
<b>Katillugit</b>		<b>34.846</b>	<b>316</b>	<b>35.162</b>	<b>25.282</b>	<b>9.880</b>	<b>71,9%</b>



Teknikkimi aningaasaliissutinit 35,2 mio. koruuniusuniit ataatsimut katillugit 25,3 mio. koruuninik atuisoqarsimavoq. Atuisimaneq procentinngorlugu 71,9-miilluni. Maluginiarneqarluni nal.ak. aningaasarsiaasigut Sisimiuni entreprenøreqarfimmi annertuumik atuisoqarsimasoq, taamatullu asfalteinermi.

### Suliffissaqartitsiniarneq inuutissarsiutillu

Suliffissaqartitsiniarneq inuutissarsiutillu		Miss.	Imm.aning.	Akuersiss.	Atuineq	Sinneri	Atuineq
Konto	Kontop taaguutaa						
34	Suliffissaqartitsiniutit	5.036	0	5.036	3.358	1.678	66,7%
35	Piginnaangorsaaaneq	1.271	0	1.271	691	580	54,3%
36	Illunik inuutissarsiuteqarfiusunik attartortitsineq	-2.477	750	-1.727	-1.206	-521	69,8%
37	Kommunip inuutissarsiutitigut peqataaffii	4.131	-90	4.041	2.414	1.627	59,7%
38	Piareersarfimmi ilitsersuineq ilisaritsinerlu	13.090	1.039	14.129	8.939	5.190	63,3%
<b>Katillugit</b>		<b>21.051</b>	<b>1.699</b>	<b>22.750</b>	<b>14.196</b>	<b>8.554</b>	<b>62,4%</b>

Suliffissaqartitsiniarneq inuutissarsiutillu aningaasaliissutinit 22,8 mio. koruuniusuniit ataatsimut katillugit 14,2 mio. koruuninik atuiiffusimavoq. Atuisimaneq procentinngorlugu 62,4-miilluni.

### Ilaqtariinnermut immikkoortortaq

Ilaqtariinnermut immikkoortortaq (1.000 kr.)		Miss.	Imm.aning.	Akuersiss.	Atuineq	Sinneri	Atuineq
Konto	Kontop taaguutaa						
40	Sisimiuni akiliunneqarluni meeqqerivmiititsineq	260	0	260	48	212	18,4%
41	Meeqqanut ikiorsiiniutit	12.856	0	12.856	11.297	1.559	87,9%
43	Siusinaartumik pensionit	9.959	0	9.959	9.532	427	95,7%
44	Meeqqanut akilersuutit	403	0	403	31	372	7,7%
45	Pisortanit ikiorsiissutit	13.242	0	13.242	11.733	1.509	88,6%
46	Isumaginninnikkut aningaasartuutit allat	10.814	0	10.814	6.905	3.909	63,9%
47	Utoqqarnik isumaginninneq	50.821	356	51.177	42.106	9.071	82,3%
48	Innarluutilinnut tunngasut	4.737	0	4.737	7.026	-2.289	148,3%
49	Isumaginninnikkut aningaasartuutit allat	6.807	0	6.807	3.623	3.184	53,2%
<b>Katillugit</b>		<b>109.899</b>	<b>356</b>	<b>110.255</b>	<b>92.301</b>	<b>17.954</b>	<b>83,7%</b>

Ilaqtariinnermut immikkoortortami aningaasaliissutit 110,3 mio. koruuniusuniit ataatsimut katillugit 92,3 mio. koruuninik atuisoqarsimavoq. Atuisimaneq procentinngorlugu 83,7-miilluni.

Meeqqanut ikiorsiiniutitigut (kt. 41) atuiavallaarsimanermut ulloq unnuarlu inissiisarfinnut namminersortunut inissiisarnerit annertuseriansimaneramik patsiseqarpoq. Ulloq manna tikillugu piffissami pineqartumi ukioq kingullermut sanilliullugu 2 mio. koruuninik atuisoqarnerulereerluni.

Siusinaartumik pensionitigut (kt. 43) atuiavallaarsimanermut siusinaartumik pensioneqartut inummullu tapitigut atuiernerisimaneq patsisaavoq. Atuisimaneq ukiumut siulianut sanillullugu 0,3 mio. koruuninik atuisoqarnerusimalluni.

Sisimiuni Sarfanguanilu pisortanit ikiorsiissutitik (kt. 45) atuineq annertuumik qaffariaateqarpoq.

Utoqqarnik isumaginninnikkut (kt. 47) atuiavallaarsimanermut utoqqalinersiutitigut Maniitsumilu Utoqqaat Illuanni akissarsiatigut atuiavallaarsimaneramik patsiseqarpoq. Sisimiuni annertuumik napparsimmavimmut paaqquttarisarialinnik inissiinerit atorneqalersimapput.

Innarluutilinnut tunngasutigut (kt. 48) atuiavallaarsimanermut najugaqatigiiffinni atuiavallaarneq patsisaavoq, atuiavallaarnerli ukiumut 2009-mut sanilliullugu aamma taamatulli qaffasissimalluni. Mis-singersuutit misissortariaqarput naapertuunnerusunngorlugillu.

Ilaqtariinnermut immikkoortortamit immikkut aningaasaliissutissatut qinnuteqaatit oqaluuserisassani ilaapput.

### Ilinniartitaaneq kulturilu

Ilinniartitaaneq kulturilu (1.000 kr.)		Miss.	Imm.aning.	Akuersiss.	Atuineq	Sinneri	Atuineq
Konto	Kontop taaguutaa						
50	Ulluunerani meeqqanik inuusuttunillu sammisassaqaartitsineq	67.416	-995	66.421	48.317	18.104	72,7%
51	Atuarfeqarneq	119.357	-6.179	113.178	83.617	29.561	73,9%
53	Sunngiffimmi sammisassaqaartitsineq	13.582	276	13.858	9.184	4.674	66,3%
55	Atuakkanik atorniartarfeqarneq	2.161	0	2.161	1.707	454	79,0%
56	Katersugaasiveqarneq	2.819	323	3.142	1.735	1.407	55,2%
59	Kulturikkut sammisassaqaartitsineq paasissutissiisarnerlu	11.249	800	12.049	10.412	1.637	86,4%
<b>Katillugit</b>		<b>216.584</b>	<b>-5.775</b>	<b>210.809</b>	<b>154.973</b>	<b>55.836</b>	<b>73,5%</b>

Ilinniartitaanermi kulturimilu aningaasaliissutinit 210,8 mio. koruuniusuniit ataatsimut katillugit 155,0 mio. koruuninik atuisoqarsimavoq. Atuisimaneq procentinngorlugu 73,5-miilluni.

Sisimiuni Tusilartut atuarfianni (kt. 51-01-14) utertitassat tiguneqarsimanngitsut amigaataapput, ilinniartitaanermilu tapiissutinik (kt. 51-12) annertuumik atuivallaartoqarsimalluni.

Kulturikkut sammisassaqaartitsineri paasissutissiisarnermilu (kt. 59) annertuumik atuisoqarsimavoq, tamatumani kulturikkut illorsuarmut tapiissutinik tunniussisimaneq Sisimiunilu timersornermut siunertalimmik tapiissutissat 2010-mi tamakkerlugit atorineqarsimanerat patsisaallutik.

### Pilersuineri tunngasut

Pilersuineri tunngasut (1.000 kr.)		Miss.	Imm.aning.	Akuersiss.	Atuineq	Sinneri	Atuineq
Konto	Kontop taaguutaa						
66	Eqqaavilerineq il.il.	5.217	0	5.217	3.411	1.806	65,4%
68	Allatigut pilersuinerit	2.871	0	2.871	3.030	-159	105,5%
<b>Katillugit</b>		<b>8.088</b>	<b>0</b>	<b>8.088</b>	<b>6.441</b>	<b>1.647</b>	<b>79,6%</b>

Pilersuineri tunngasutigit aningaasaliissutinit 8,1 mio. koruuniusuniit ataatsimut katillugit 6,4 mio. koruuninik atuisoqarsimavoq. Atuisimaneq procentinngorlugu 79,6-miilluni.

Allatigut pilersuineritigit (kt. 68) atuivallaartoqarsimavoq, tamatumani Sisimiuni ikuallaavimmi annertuumik atuivallaartoqarsimanera patsisaalluni, tassa qaangiuttoornertigit, allanik sullinneqarneritigit, atortussanik pisinertigit ingerlatsinikkullu annertuumik aningaasartuuteqartoqarsimalluni, taamaalilluni ullumikkut ukiumut aningaasaliissutaasut 0,8 mio. koruuninik sipporlugit atuisoqarsimalluni. Missingersuutitigit nuutsinissaq aningaasaqarnermut ataatsimiititaliap oktoberimi ataatsimiinnissaanut oqaluuserisassanut ilaassaaq.

### Sanaartorneri immikkoortut

Sanaartorneri immikkoortut (1.000 kr.)		Miss.	Imm.aning.	Akuersiss.	Atuineq	Sinneri	Atuineq
Konto	Kontop taaguutaa						
70	Sanaartorneri aningaasaliissutit - illup avataanniittunit	18.904	2.944	21.848	4.592	17.256	21,0%
72	Sanaartorneri aningaasaliissutit - teknikkimut tunngasutigit	24.335	-523	23.812	7.653	16.159	32,1%
73	Sanaartorneri aningaasaliissutit - suliffissaqaartitsiniarnermi inuutissarsiutinullu	3.310	2.967	6.277	4.252	2.025	67,7%
74	Sanaartorneri aningaasaliissutit - ilaqutariinneri tunngasut	0	340	340	521	-181	
75	Sanaartorneri aningaasaliissutit - ilinniartitaaneq kulturilu	7.500	2.908	10.408	2.213	8.195	21,3%
76	Sanaartorneri aningaasaliissutit - pilersuineri tunngasut	3.000	2.605	5.605	1.450	4.155	25,9%
77	Sanaartorneri aningaasaliissutit - sanaartorfigissaaner tunngasut	14.360	8.737	23.097	2.988	20.110	12,9%
<b>Katillugit</b>		<b>71.409</b>	<b>19.978</b>	<b>91.387</b>	<b>23.669</b>	<b>67.718</b>	<b>25,9%</b>

Sanaartorneri tunngasutigit aningaasaliissutinit 91,4 mio. koruuniusuniit ataatsimut katillugit 23,7 mio. koruuninik atuisoqarsimavoq. Atgusimaneq procentinngorlugu 25,9-miilluni. 2009-mi piffissami tassani 24,3 mio. koruuninik atuisoqarsimalluni.

### Sumiiffinni atuiffiusuni atuisimaneq

Ingerlatsinikkut aningaasartuutit sumiiffinni sanaartukkat ilanngullugit	Miss.	Imm.aning.	Akuersiss.	Atuineq	Sinneri	Atuineq
Sted Sumiiffik						
Nunaqarfii katillugit	126.920	-3.172	123.748	63.379	60.400	51,2%
B KANGERLUSSUAQ	33.673	-1.078	32.595	19.780	12.815	60,7%
C SARFANNGUIT	6.736	-243	6.493	4.879	1.615	75,1%
D ITILLEQ	6.657	-10	6.647	4.891	1.756	73,6%
E Nunaqarfinni ataatsimoorussat	1.320	0	1.320	654	666	49,5%
F KANGAAMIUT	18.639	-382	18.257	11.804	6.453	64,7%
G ATAMMIK	7.869	2	7.871	5.069	2.803	64,4%
H NAPASOQ	4.475	-161	4.314	2.293	2.021	53,1%
J Ataatsimoortut	47.551	-1.300	46.251	13.979	32.272	30,2%
A SISIMIUT	284.137	19.150	303.287	210.046	93.241	69,3%
1 Allaffissornermut tunngasut	25.738	-230	25.508	17.475	8.033	68,5%
2 Teknikki	16.676	323	16.999	14.445	2.554	85,0%
3 Suliffissaqartitsiniarneq inuutissarsiutillu	9.468	-41	9.427	7.283	2.144	77,3%
4 Ilaqutariinnermut immikkoortortaq	55.308	354	55.662	60.635	-4.973	108,9%
5 Ilinniartitaaneq kulturilu	122.878	-2.745	120.133	89.869	30.265	74,8%
6 Pilersuinnermut tunngasut	3.636	0	3.636	3.024	612	83,2%
7 Sanaartornermut tunngasut	50.433	21.489	71.922	17.315	54.607	24,1%
I MANIITSOQ	142.447	597	143.044	99.013	44.031	69,2%
1 Allaffissornermut tunngasut	13.788	0	13.788	10.008	3.780	72,6%
2 Teknikki	9.125	0	9.125	5.677	3.448	62,2%
3 Suliffissaqartitsiniarneq inuutissarsiutillu	5.706	580	6.286	2.893	3.393	46,0%
4 Ilaqutariinnermut immikkoortortaq	48.387	0	48.387	37.298	11.089	77,1%
5 Ilinniartitaaneq kulturilu	57.306	-2.644	54.662	40.355	14.307	73,8%
6 Pilersuinnermut tunngasut	2.069	0	2.069	1.247	822	60,3%
7 Sanaartornermut tunngasut	6.066	2.661	8.727	1.536	7.192	17,6%
G Ataatsimoortillugit	-502.667	513	-502.154	-318.822	-183.332	63,5%
<b>Katillugit</b>	<b>50.837</b>	<b>17.088</b>	<b>67.925</b>	<b>53.616</b>	<b>14.340</b>	

Ingerlatsinikkut nunaqarfinni atuisimaneq naatsorsuutigisatut ingerlavoq. Sisimiuni Teknikkikkut atuivallaartoqarpoq, aammalu illoqarfinni marluusuni Ilaqutariinnermut immikkoortortami anner-tuumik atuivallaartoqarluni. Aammattaq Sisimiuni pilersuinnermut atuivallaartoqarnera maluginiar-neqarpoq.

### Erniat, tapiissutit nalimmassaarutillu

Erniat, tapiissutit nalimmassaarutillu (1.000 kr.)		Miss.	Imm.aning.	Akuersiss.	Atuineq	Sinneri	Atuineq
Konto	Kontop taaguutaa						
80	Inuit isertitamikkut akileraarutaat	-278.000	0	-278.000	-185.125	-92.875	66,6%
81	Selskabet akileraarutaat	-4.000	0	-4.000	-1.700	-3.998	42,5%
83	Tapiissutit nalinginnaasut nalimmassaarutillu	-239.285	10.105	-229.180	-171.899	-229.008	75,0%
<b>Katillugit</b>		<b>-521.285</b>	<b>10.105</b>	<b>-511.180</b>	<b>-358.724</b>	<b>-325.882</b>	<b>70,2%</b>

Qeqqata Kommunia akileraarutitigut, tapiissutitigut nalimmassaarutitigullu aningaasaliissutinit 511,2 mio. koruuniusuniit ataatsimut katillugit 358,7 mio. koruuninik isertitaqarpoq. Atuisimaneq procentinngorlugu 70,2-miilluni. Inuit isertitamikkut akileraarutaat naatsorsuutigisatut ingerlapput.

### **Isertitat allat isumakkeerinnissutillu**

<b>Isertitat allat isumakkeerinnissutillu (1.000 kr.)</b>		<b>Miss.</b>	<b>Imm.aning</b>	<b>Akuersiss.</b>	<b>Atuineq</b>	<b>Sinneri</b>	<b>Atuineq</b>
<b>Konto</b>	<b>Kontonavn</b>						
85	Erniat, aningaasaliissutit erniaat pappialatigullu annaasat iluanaarutillu	-12.976	0	-12.976	-7.886	-5.090	60,8%
86	Isertitat allat	-4.600	-800	-5.400	-8.943	3.543	165,6%
88	Isumakkeerinnissutit	1.100	0	1.100	53	1.047	4,8%
<b>Katillugit</b>		<b>-16.476</b>	<b>-800</b>	<b>-17.276</b>	<b>-16.776</b>	<b>-500</b>	<b>97,1%</b>

Qeqqata Kommunia ataatsimut katillugit aningaasaliissutinit 17,3 mio. koruuniusuniit erniatigut, aningaasaliissutit erniaasigut, illutit tuninerisigut, sanaartorfigissaanikkut kiisalu isumakkeerinninikkut katillugit 16,8 mio. koruuninik isertitaqarpoq. Atuisimaneq procentinngorlugu 97,1-miilluni. Sisimiuni sanaartorfigissaanertigut isertitat annertunerusimapput. Sermit tuninerini isertitat naatsorsuutitut ikkutaapput.

### **Ukiup naanissanut aningaasaatissatut naatsorsuutigisat**

**2010-p aallartinnerani aningaasaatit** **77.201.967**

2010-mi missingersuutitigut ingerlatsinermi naammassisat	-15.743.000
Killiffimmi nikeraatit	-14.788.000
Immikkut aningaasaliissutit	<b>-25.690.000</b>
<b>Katillugit karsimiittutit nikinneri</b>	<b>-56.221.000</b>

**2010-p naaneranut aningaasaatit** **20.980.967**

Ukiup naaneranut pigisat nalillit (aningaasaatit) 77,2 mio. koruuniniit 21,0 mio. koruuninut appariarnissaat naatsorsuutigineqarpoq. Taama naatsorsuutiginninnermi 2010-p aallartinnerani aningaasaatit, 2010-mi missingersuutitigut ingerlatsinikkut naammassisassatut naatsorsuutigisat, aningaasaatit nikeraatissaat (40-60 aqutigalugu attartortitsineq) taamatullu ullumikkumut immikkut aningaasaliissutaasimasut toqqammavigineqarput.

### **Akiitsut**

Qeqqata Kommunianut akiitsut katillugit 1.10.2010-mi 53,9 mio. koruuniupput, 1.6.2010-mut sanilliullugit 4,1 mio. koruuninik qaffariaateqarsimallutik. Kommuninut allanit Maniitsumi akiligassiissutit qaffariarsimanerat malunnarpoq, taamatullu aamma Sisimiuni isumaginnittoqarfimmiit akiligassiissutit.

### Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap oktobarip 12-ani 2010-mi ataatsimiinnermini suliaq suliarivaa.

**Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavaa,

Ataatsimiititaliat tamarmik sakkortuumik aningaasaqarnikkut aqutsinissamik sipaarutissanillu qinnuigineqassasut.

**Aalajangiineq**

**Ilanngussat**

1. Qeqqata Kommuniani ataatsimiititaliani oqimaaqatigiissitsineq.
2. Akiitsut nalunaarsorneri

**Imm. 09 2011-mut missingersuutissat ukiunullu 2012-miit 2014-mut missiliuutissat siullermeerner**

*Journalnr. 06.01.01*

Tunuliaqutaq

Aningaasaqarnermut ataatsimiititaliaq februaarip 9-ani 2010-mi ataatsimiinnermini 2011-mut missingersuutissatigut ukiunullu missiliuuteqarfiusussanut piffissaliussatut pilersaarutit aalajangiiffigivai. Aprilillu 20-ni 2010-mi ataatsimiinnermini aningaasaqarnermut ataatsimiititaliap 2011-mi missingersuutissatigut aningaasatigut killiliussassat aalajangersarlugit.

Politikkikkut partiit, ataatsimiititaliat nunaqarfinnilu aqutsisut 2011-mut missingersuutissatigut ukiunullu missiliuuteqarfiusunut kissaatiminnik juunip 18-ni 2010-mi tunniussaqrput, kommunalbestyrelsilu missingersuusiortarnermut atatillugu aggustip 25-ni 2010-mi isumasioqatigiisitsilluni.

Maleruagassatigut tunngavissaq

Kommunit missingersuusiortarnerat, aningaasanik tigorianaateqarnerat, naatsorsuutaat, kukkurnersuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 13, 26. juli 2010-meersoq. Qeqqata Kommuniata karseqarnermut naatsorsuuserinermullu malittarisassai.

Pissutsit atuuttut

Aningaasaqarnermut ataatsimiititaliaq apriliip 20-ni 2010-mi ataatsimiinnermi missingersuutitigut 2011-mut ukiunullu missiliuuteqarfiusunut 2012-imiit 2014-imut killiliussassat aalajangersarpai.

Tamatuma malitsigisaanik kommunalbestyrelsip 2010-mut atatillugu immikkut aningaasaliissuterpaaluit akuersissutugalugit, tamakkulu aamma 2011-mi missingersuutitigut ukiunilu missiliuuteqarfiusuni malunaateqartussaallutik.

Iluarsiissutit tamakku iluarsiissutigereerlugit 2011-mut missingersuutissatigut, taamatullu ukiuni missiliuuteqarfiusuni 2012-imiit 2014-imut siunnersuutit tulliuttutut isikkoqalerlutik:

Konto	Kontop taaguutaa	Miss. siunn. 2011	Missiliuutit 2012	Missiliuutit 2013	Missiliuutit 2014
1	Allaffissorneq	93.955	93.955	93.955	93.955
2	Teknikki avatangiisillu	37.124	37.124	37.124	37.124
3	Suliffissaqartitsiniarneq inuutissarsiutillu	22.507	22.507	22.505	22.505
4	Isumaginninnermut tunngasut	110.429	110.429	110.429	110.429
5	Ilinniartitaaneq kulturilu	213.477	211.582	211.582	211.582
6	Pilersuineq	7.241	7.241	7.241	7.241
	Ingerlatsineq katillugit	<b>484.733</b>	<b>482.838</b>	<b>482.836</b>	<b>482.836</b>
7	Sanaartorneq katillugit	65.646	34.785	22.149	12.085
	Aningaasartuutit katillugit	<b>550.379</b>	<b>517.623</b>	<b>504.985</b>	<b>494.921</b>
8	Isertitat	<b>-505.356</b>	<b>-505.356</b>	<b>-505.356</b>	<b>-505.356</b>
	Ingerlatsinermi angusat	<b>45.023</b>	<b>12.267</b>	<b>-371</b>	<b>-15.435</b>
9	Killiffimmi nikingassut	10.000	10.000	10.000	10.000
	Oqimaaqatigiisitsineq	<b>55.023</b>	<b>22.267</b>	<b>9.629</b>	<b>-5.435</b>
	Ukiup aallartinnerani uninngasuutit (1)	21.294	-33.729	-55.996	-65.625
	Ukiup naanerani uninngasuutit	-33.729	-55.996	-65.625	-60.190

**(1) ukiup aallartinnerani uninngasuutissatut naatsorsuutigisat, tassa kommunalbestyrelsip 2010-mi aggustip naaneranut akuersissutai ilanngullugit.**

2010-mut akuersissuterpaaluit 2010-mi kiisalu 2011-mut missingersuutissatigit ukiunilu missiliuuteqarfiusussani aningaasaatitigit eqquisussat ilaqutariinnermut immikkoortortamiit ingerlapput, tamakkulu suli missingersuutit siullermeernissaannut iluarsiiisutaanngillat. Taamatutaaq ataatsimiititaliat killiliussat iluini nuussineri aamma suli naatsorsuutitut ikkutaanatit.

### **Missingersuutitut tigummisanut iluarsiiisutit**

Isertitanut tunngasortaata qitiusumik nalunaarutaasunit pisuunerupput.

Akilaartarnermut Aqutsisoqarfik Kanukoka-mut maajip 28-ni 2010-mi allakkamigit nalunaarutigivaa, akilaarutitigit nalimmassarutinik 2011-milu kommuninut ataatsimoortumik akilaarutitigit pissarsiassaata 2010-mut sanilliullugit appariaateqarnissaat kommunit naatsorsuutigisariaqaraat. 2010-mi nalinginnaanngitsumik qaffasissimapput, tassa aningaasarlionnermut atatillugu pisut patsisaallutik, Akilaartarnermullu Aqutsisoqarfik ataatsimoortumik kommuninut akilaarutitigit mianersortorujussuarmik missingersuuteqarluni, taamaalilluni kingusinnerusukkut iluarsiiisutissat annertussallutik.

Taamaattumik Akilaartarnermut Aqutsisoqarfiup naatsorsuutigivaa, Qeqqata Kommuniata 2011-mi 84.031.000 koruuninik akilaarutitigit nalimmassaarutinik ataatsimoortumillu akilaarutitigit pissarsiassaqaassasoq. Taakkulu ukiumut kingullermut sanilliullugit 4,6 mio. koruuninik ikinnerullutik, taamaakkaluarli 17,7 mio. krоруuninik konto 83-ikkut killiliussatut nalunaarutaasunit amerlanerullutik.

Aningaasaqarnermut immikkoortorta q isumaqarpoq, taama annertutigisunik immikkut isertitaqarnissaq 2011-miinnaq atuutittariaqartoq, taamaattumillu ukiuni missiliuuteqarfiusuni mianersortumik massakkumut aningaasaliissutaasut atuuttariaqartut.

Akilaartarnermut Aqutsisoqarfiup massakumut suli nalunaarutiginnilaa, 2011-mut akilaarutitigit qanoq annertutigisumik tunniussaqaartoqarallarumaartoq, aningaasaqarnermullu immikkoortortaq naliliivoq, inuit akilaarutaat selskabilluunniit akilaarutaat qaffakkiartunngitsut. Taamaattoqarpallu ukiut pingajussaata akilaarutitigit isertitat qaffaateqassanatit.

Isertitat eqqarsaatigalugit suli ataatsimoortumik tapiissutissat amigaataapput, aasaap aallartisimalernerani isumaqatigiinniutaaneri naammassineqartaraluarlutik. Aammali ukioq manna Namminersortutik Oqartussat Aningaasanut Inatsisissatut siunnersuutikkut kommuninut tapiissutissatut nalunaarutigisaata akuersarneqarsinnaanngitsumik appasissuseqarluni. Taamaalillunilu Qeqqata Kommuniata 2011-mut taamaallaat 130,5 mio. koruunit pissarsiarisussaassallugit, 2010-mut sanilliullugit 140,6 mio. koruuniusimagaluit 2011-mullu missingersuutitigit iluarsiiisutaanikkut. Taamaattumik massakkumiilli ataatsimoortumik tapiissutitigit sipaarutissatut 10,1 mio. koruunit iluarsiiisutaasariaqaraluarlutik.

Aningaasartuutissat eqqarsaatigalugit kommunip sanaartugassatigit missingersuutaanut, Aningaasanut Inatsisissakkut illuliortiternermi aningaasaleeqataassutissat apeqqutaasorujussuusaapput. Massakkumut Aningaasanut Inatsisissartut siunnersuummi 2011-mut Nuup avataani sanaartukkanut annikitsuinnartigit aningaasaliissuteqarfiginiakkat takussaallutik.

<b>Konto</b>	<b>Isertitatigit iluarsiiisutit</b>	<b>2011</b>	<b>2012</b>	<b>2013</b>	<b>2014</b>
80-01	Inuit akilaarutaat	0	0	0	0
81-01	Selskabet akilaarutaat	0	0	0	0
83-01	Akilaarutit nalimmassaarutit ataatsimoortullu	- 17.731	0	0	0
83-01	Ataatsimoortumik tapiissutit	10.097	10.097	10.097	10.097
	<b>Katillugit</b>	<b>- 7.634</b>	<b>10.097</b>	<b>10.097</b>	<b>10.097</b>

Massakkumut missingersuutini atuuttuni sipaarutissatut siunnersuutinik toqqamavilinnik suli saqqummertoqarnikuunngilaq, Namminersorlutilli Oqartussat suli aamma Kangerlussuarmi inissianik attartortittakanik sanaartorniarnermut akuersaartumik akissuteqarnikuunatik. Taakku missingersuutitigut 2010-mi 1,2 mio. koruuninik 2011-milu 2,575 mio. koruuninik aningaasartaligaallutik, iluaqutaasussamillu 2012-2013-mut imaluunniit 2013-14-imut kinguartinneqarsinnaallutik. Sanaartugassatigut allatigut sipaaruteqarnissaq aamma periarfissaqarput pisariaqavillunilu, sanaartugassat nutaat pisariaqavissullu salliutinneqassappata.

Missingersuusiornermik isumasioqatigiinnermi missingersuutissatut kissaaterpassuit nutaat eqqartorneqarput, aallaavittulli aningaasaqarnitta kissaatit nutaat inissaqartingilai. Aappassaaneernissata tungaanut ataatsimiititaliat siunnersuutinik taamatullu sipaarutaasinnaasunik saqqumiussisnaapput, tassa kissaatigisat nutaat iluarsisutaassappata.

Siusinnerusukkut nalunaarutaasimasut naapertorlugit, nalinginnaasumik isumaqatigiissutaapput:

2011-mi inuit akileraarutissatut procentiat 25 procentimi inissinneqassasoq

anigaasaatit/pigisat nalillit minnerpaamik ingerlatsinikkut sanaartornikkullu aningaasartuutit 5 procentiniissasoq

Isertitatigut allannguutissatut siunnersuutit akuerineqarpata, inuillu akileraarutissaata procentiat 25 procentimiitinnarlugu, taava anigaasaatit/pigisat nalillit 2011-ip naaneranut -26,1 mio. koruuniussat, ingerlatsinikkut sanaartornikkullu aningaasartuutit -5 procenterissavaat, 2012-illu naaneranut -58,5 mio. koruuniussagami 11 procentimiissalluni, tak. matuma kinguliani eqitsit.

Konto	Kontop taaguutaa	Miss. siunn. 2011	Missiliuutit 2012	Missiliuutit 2013	Missiliuutit 2014
1	Allaffissorneq	93.955	93.955	93.955	93.955
2	Teknikki avatangiisillu	37.124	37.124	37.124	37.124
3	Suliffissaqartitsiniarneq inuutissarsiutillu	22.507	22.507	22.505	22.505
4	Isumaginninnermut tunngasut	110.429	110.429	110.429	110.429
5	Ilinniartitaaneq kulturilu	213.477	211.582	211.582	211.582
6	Pilersuineq	7.241	7.241	7.241	7.241
	Ingerlatsineq katillugit	<b>484.733</b>	<b>482.838</b>	<b>482.836</b>	<b>482.836</b>
7	Sanaartorneq katillugit	65.646	34.785	22.149	12.085
	Aningaasartuutit katillugit	<b>550.379</b>	<b>517.623</b>	<b>504.985</b>	<b>494.921</b>
8	Isertitat	<b>-512.990</b>	<b>-495.259</b>	<b>-495.259</b>	<b>-495.259</b>
	Ingerlatsinermi angusat	<b>37.389</b>	<b>22.364</b>	<b>9.726</b>	<b>-338</b>
9	Killiffimmi nikingassut	10.000	10.000	10.000	10.000
	Oqimaaqatigiissitsineq	<b>47.389</b>	<b>32.364</b>	<b>19.726</b>	<b>9.662</b>
	Ukiup aallartinnerani uninngasuutit (1)	21.294	-26.095	-58.459	-78.185
	Ukiup naanerani uninngasuutit	-26.095	-58.459	-78.185	-87.847

Tamakku saniatigut maluginiartariaqarpoq, ukiuni missiliuuteqarfiusuni 483 mio. koruuninik ingerlatsinikkut aningaasartuuteqartoqartussaammat 495 mio. koruuninillu isertitaqartoqassalluni. Taamaalluni sanaartugassatigut killiffimmilu nikingassutit (20-20-60 aqqutigalugu attartortitat) 12 mio. koruuniinnaasussaallutik. Ilaqutariinnermut ataatsimiititaliap 11 mio. koruuninik immikkut aningaasaliinissamik siunnersuutai, 2011-mi missingersuutitigut ukiunilu missiliuuteqarfiusuni aamma iluarsisutit ikkunneqassappata, taava taamaalluni sanaartugassatigut killiffimmilu nikeraatissat 1 mio. koruuniinnaangussapput. Tamanna akueriuminaappoq.



Aningaasaqarnikkut allaffissornikkullu kingunerisinnaasai

2011-mi missingersuutitigut ukiunilu missiliuteqarfiusuni aningaasaqarnikkut oqimaaqatigiinngineq, tamaallaat aningaasanik attartornikkut kiisalu ingerlatsinikkut sanaartornikkullu missingersuutitigut sipaaruteqarnertigut aaqqinneqarsinnaavoq, tassa akileraarutissaq qaffaniangikkaanni. Aningaasanik attartorsinnaaneq piffissaq alimasinnerusoq eqqarsaatigalugu aaqqiissutissaanngilaq, taamaattumik ingerlatsinikkut sanaartornikkullu sipaaruteqarnissaq pisariaqavilluni.

Namminersorlutik Oqartussaniit sukannersumik ukiumut 20 mio. koruuninik tapiissutitigut sipaaruteqarneq, peqatigitillugulu erngup nukissiorfiliornikkut akileraarutitigut isertitaassartut apparalluttuinnartillugit, kiisalu efterskoliugallartup pillakkanullu inissiisarfiugallartup atorunnaarnerinut atatillugit, kommunip aningaasaqarnermigut nammassinnaanngilai.

Tamakkununga aamma ilaavoq, kommunit kattunnerinut atatillugu Maniitsup Kommunerisimasaata aningaasaqarnermigut ilungersunartumiissimanerata aaqqinneqarnera, Maniitsumi, Kangaamiuni, Atammimmi Napasumilu akileraarutip appartinnera, meeqqerivinni akiliutit appartinneri taamatullu aamma innuttaasunut atatillugu tunniunneqartartut/tapillu qaffasinnerpaaffimmut inissillugit nalimmasaaneq.

Allaffeqarfiup naliliinera

Namminersorlutik Oqartussat illuatungaannarsiorlutik sanaartornermik Nuuk kisiat pingaartillugu isiginiarlugu politikkeqartillugu, peqatigitillugulu kommunit akornanni isertitatigut nikingasorujussuarmik Kommuneqarfik Sermersooq-mut iluaqutaasussamik agguataaritillugit, taamatullu aamma tapiissutitigut kommunit tamakkerlugit sipaarniarfigalugit, tamanna Qeqqata Kommuniani sakkortuumik sipaarniarnissaq pisariaqarpoq. Namminersorlutik Oqartussat politikkiat, tassa kommunit aningaasameertunngortinniarlugit ilungersunartorujussuavoq, kommunimmi taakkuupput, inunnik kiffartuussinivik ingerlaterivaat. Peqatigitillugulu aamma pingaaruteqarluni, kommunit pilersaarutinut annertoorujussuarnut soorlu alumiiniumik aatsiteriffiliassamut, uuliamik gassimillu misissuinsanut/qalluinissanut qaarusunnullu ingerlatsiviliornissanut atatillugu kommunini pilersaarusiornermi peqataanissaminnut nukissaqartinneqarnissaat.

Kommunip sakkortuumik sipaaruteqarnissaa imatut kinguneqartussaassaaq, ilaqtariinnermut immikkoortortamiit immikkut aningaasaliissuteqarfissatut siunnersuutit 2011-mi missingersuutitigut ukiunilu missiliuteqarfiusuni inissaqartinneqarsinnaassanngitsut. Piaarnerpaamik appasinnerpaamut nalimmasaarineq pisariaqassaaq, pingaartumik inissiisarnertigut utoqqarnillu sullisinikkut. Peqatigitillugulu pisortaniit suliffeqanngikkallarnermi ikiuutitigut, pisortanit ikiuutitigut taamatullu siusinaartumik pensioneqartitsinikkut pilersorneqarnerup pisinnaajunnaartariaqassallutik.

Ilaqtariinnermulli tunngasutitigut aningaasartuutitigut qaffakkiartorfiusuinnaat iliuseqarfissatut isiginiartariaqanngillat. Immikkoortortat allat aamma sipaaruteqarfissanik ujartuisariaqarput. Tamannalu ima paasisariaqassalluni:

- allaffuissuarmi atorfinitsitsisarnerit unitsinnissaat, tamatumuunalu atorfiit suli amerlanerusut sipaarutaasariaqassallutik, tassa sipaarutaareersut saniatigut
- najugaqavissut sulisorinerulernissaat, tassa sulisut sinerissamiit nunallu avataaniit taarseraannerujussuit akisuut pinaveersaarlugit
- ullumikkut sutigut tamatigut suliatigut sulisut ikilisarlugit
- atuarfinni klasseni atuartut amerlillugit, immikkut atuartitsinerit ikilisarlugit
- kommunip kiffartuussineri akiliuteqarfiusartut akitsorlugit

Tamatumalu qularnanngitsumik kiffartuussinerup appariaateqarneranik kinguneqassaaq, kisianni soorunalimi kiffartuussinerit appariaateqarnissaat sapinngisamik ingalassimaarniarneqassaaq.

Allaffeqarfik naliliivoq, immikkoortortat/ ataatsimiititaliat tamarmik susassaarfimmik iluini piaarnerpaamik procentinik tallimanik sipaaruteqarfigisinnaasaminnik siunnersuusiortariaqartut. Peqatigitillugu erseqqissarneqassaaq, immikkoortortat/ ataatsimiititaliat sukannersumik aqutsinissaat annertunerusumik nakkutilliinertigut pisariaqavimmat.

#### Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap oktobarip 12-ani 2010-mi ataatsimiinnermini suliaq suliarivaa.

#### **Innersuussut**

2011-mut missingersuutissatut siunnersuut tigummissaq aallaavigalugu, aningaasaqarnermut ataatsimiititaliap kommunalbestyrelsimut akuereqqullugu siunnersuutigissavai,

1. qitiusumiit akileraarutitigut nalimmassaanerit ataatsimoortumillu tapiissutissat pillugit nalunaarutaat akuerineqassasut, taakkulu missingersuutitigut iluarsisuteqarfigineqassasut.
2. inuit akileraarutissatut procentiat 25-miitinnarneqassasoq.
3. illulortiternerit sanaartornerillu malittaralugit aningaasanik attartorsinnaaneq pilersaarusioneqassasoq.
4. aningaasaqarnermik immikkortortaq aappassaaneerinissamut nikeraatit killiffiat eqqarsaatigalugu isertitassatigut nutaamik siunnersuusiussasoq.
5. 2011-mut missingersuutitigut ukiunilu missiliuuteqarfiusuni kissaatinik nutaanik massakkuugal-lartoq iluarsisuteqartoqassanngitsoq
6. teknikkimut avatangiisinullu ataatsimiititaliaq aappassaaneerinissamut sanaartugassatigut nutaamik aningaasat killiliussat iluini siunnersuusiussasoq, tamatumani kissaatit nutaat salliutillugit ingerlatsinikkut kingunerisinnaasai naapertuussarlugit.
7. ataatsimiititaliat aappasaanerinissamut susassaarfimmik iluini akiliutissatigut siunnersuusiussasut.
8. ataatsimiititaliat kingusinnerpaamik 2010-p naanissaanut procentinik tallimanik sipaarutissatigut immikkoortut tamat isigalugit siunnersuusiogullugit qinnuigineqassasut.

#### **Aalajangiineq**

#### **Ilanngussat**

1. 2011-mut missingersuutit tigummissat oktobarip 7-ani 2010-meersut.
2. 2011-mut missingersuutitigut ukiunullu missiliuuteqafiusunut misiliuutitigut kissaatit.

## **Imm. 10 Sisimiuni sanaartornermi naatsorsuutit**

*Journalnr. 06.03.03*

### Tunuliaqutaq

Sanaartornermi Immikkoortorta qarfik matuma kinguliini taaneqartunik naatsorsuutunik suliaqarni-kuuvoq. Sanaartornermi Immikkoortorta qarfiup 72-54 Aqquserngit aserfallatsaailineqarneri eqqaas-sanngikkaanni sanaartugassat naammassivai, taanna ingerlatsinermi immikkoortorta qarfimmit isumagineqarnikummat aamma 75-50 Atuarfinnik nutarterineq atuarfeqarnermut pisortanit tamak-kiisuunngitsumik isumagineqarpoq.

### Maleruagassatigut tunngavissat

- Qeqqata kommuniani Karseqarnermut naatsorsuuserinermullu malittarisassat.

Karseqarnermut naatsorsuuserinermullu malittarisassanut ilanngussa q naapertorlugi, sanaartornermi aningaasartuutit tamakkiisut 1. mill. koruuniuppata annertuneruppataluunniit, sanaartornerup naammassereernerata kingorna sanaartornermi ataatsimoortumik naatsorsuusiortoqassaaq.

### Pissutsit atuuttut

Matuma kinguliini sanaartugassatut taaneqartut tamakkerlutik naammassineqareerlutillu atulereer-nikuupput.

Naatsorsuutit tulliuttunut tunngasut suliarineqareerput, naatsorsuutinilu tamani Teknikkimut Avatangiisinullu Immikkoortortat oqaaseqaataat Aningaasaqarnermullu Qullersaqarfiup oqaase-qaataat ilanngunneqarnikuullutik:

1. 72-29 Siimuup aqq.-ni kuuffissuaqarneq 2007-08.
2. 72-54 Aqquserngit aserfallatsaailineqarneri 2007-08.
3. 72-08 Kulturikkut illorsuup tungaanut aqqusineq, Fahlip Aqq. 2005-09.
4. 74-26 Innarluutilinnut ulluunerani ornittagaq, Nutaraq 2009.
5. 70-51 Kangerlussuarmi inissiat 8-t 2008.
6. 75-50 Atuarfinnik nutarterineq, ataatsimut 2003-09.

Teknikkimut Avatangiisinullu Immikkoortortamit innersuussutigineqarluni sanaartornermi kontot matuneqassasut, aningaasallu sinneqartoorutit/amigartoorutit karsimiittuutitut nuunneqarlutik.

### Allatseqarfiup aningaasaqarnermullu allatseqarfiup oqaaseqaatai

Kontonut ataasiakkaanut tunngasuni naatsorsuuserivimmi naatsorsuutitut nalunaarsugaat naaper-torlugit sanaartornermi naatsorsuutit suliarineqarput.

Taamaalilluni aningaasanik atuisimaneq Aningaasaqarnermi aqqissuussakkut nalunaarsukkani sanaartornermilu naatsorsuutit imminnut naapertuullutik.

### Qullersaqarfiup oqaaseqaatai

Annertunerusumik oqaaseqaateqanngilaq.

Allaffeqarfiup naliliinera

Teknikkimut Avatangiisinullu Immikkoortortap innersuusutigaa, naatsorsuutit kukkunersiusumit inaarutaasumik atsiorneqarnissaannut Aningaasaqarnermi Ataatsimiititaliamut Kommunalbestyrelsimullu eqqartugassanngorlugit ingerlateqqinneqassasut.

Teknikkimut Avatangiisinullu ataatsimiititalimi suliap suliarineraMU 27.9.2010

Teknikkimut Avatangiisinullu ataatsimiititaliap septembarip 27-ani 2010-mi ataatsimiinnermini suliaq suliarivaa

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap oktobarip 12-ani 2010-mi ataatsimiinnermini suliaq suliarivaa.

**Innersuussut**

Aningaasaqarnermut Ataatsimiititaliap kommunalbestyrelsimut innersuussutigissavaa sanaartornermi naatsorsuutit akuersissutigineqassasut

**Aalajangiineq**

**Ilanngussaq**

1. 72-29 Siimuup aqq.-ni kuuffissuaqarneq
2. 72-54 Aqquserngit aserfallatsaailineqarneri
3. 72-08 Kulturikkut illorsuup tungaanut aqqusineq
4. 74-26 Innarluutilinnut ulluunerani ornittagaq, Nutaraq.
5. 70-51 Kangerlussuarimi inissiat 8-t
6. 75-50 Atuarfinnik nutarterineq, ataatsimut.

**Imm. 11 Missingersuutitigut malinnaatitsineq, konto 40 Akeqanngitsumik paaqqinnittarfinniititsineq**

*Journalnr.*

Tunuliaqutaq

2010-mi missingersuutininik qaangiinerit qularnaarniarlugit kontomi 4 Ilqutariinnermut immikkoortortumi missingersuutininik tikkuussisinnaasunik suliqarnissaanik Ilaqutariinnermut atatsimiititaliaq qinnuigineqassasoq 2010-mi aggustip qulingani Aningaasaqarnermut ataatsimiititaliaq aalajangiivoq.

Sisimiuni Maniitsumilu Ilaqutariinnermut immikkoortorta qarfiup immikkoortoq tamaat misissuiffiginikuuvaa, tassunga ilanngullugu Konto 40 Akeqanngitsumik paaqqinnittarfinniititsisarneq, 2010-mi missingersuutininut pisariaqartitanik immikkut aningaasaliissuteqartoqarnissaanik qinnuteqaateqarnissaq siunertaralugu. Aammattaaq 2011-mut missingersuutininut ukiunullu missiliuuteqarfiusunut nikingassutitut kingornerisinnaasaannik nalilersuinikuuvoq.

Maleruagassatigut tunngavissaq

- Qeqqata Kommuniata Karseqarnermut Naatsorsuuserinermullu malittarisassai
- Ulluunerani paaqqinnittarfiit, ulluunerani angerlarsimaffimmi paaqqinniffiit il.il. pillugit Inatsisartut peqqussutaat nr. 7, 21. maj 2002-meersoq.
- Meeqqat kommunip ulluunerani paaqqinnittarfiutaaniinnerinut kommunillu aaqqissugaanik ulluunerani angerlarsimaffimmi paaqqinniffinniinnerinut akiliuteqartarneq pillugu Namminersornerullutik Oqartussat nalunaarutaat nr. 18, 14. september 2006-imeersoq., §§ 6-7.

Pissutsit atuuttut

Konto ilaatigut inatsisitigoortumut meeqqanut 0-miit 13-inut ukiulinnut akeqanngitsumik paaqqinnittarfinniitinnissaanut, angerlarsimaffiup avataanut inissinernut, kiisalu meeqqanut Ilaqutariinnermut ataatsimiititaliap naliliineratigut inuuniarnikkut perorsagaanissamik pisariaqartitsisunut ilaannakortumik tamakkiisumilluunniit akeqanngitsumik paaqqinnittarfinniititsinernut atorpeqartarpoq.

**Konto 400110 Sisimiut**

Konto 2010-mi tassangaannartumik, taassungalu atatillugu ulluunerani paarineqarnissamut pisariaqartitsilersimasunut meeqqanut inissinneqarsimasunut atorpeqarnikuuvoq. 2010-mi marsimili atuisoqarnikuunngilaq.

**Konto 400120 Maniitsoq**

Naliliineq 2010-mi aningaasaliissutinik mannaluk tikillugu misilittakkat tunngavigalugit ingerlanneqarpoq.

Aningaasaqarnikkut allaffissornikkullu kingunerisinnaasai

**Konto 400110 Sisimiut**

2010-mut missingersuutit	160.000 kr.
Annikinnerusumik atuinissatut naatsorsuutigisat	-130.000 kr.
2011-mut missingersuutit ukiunullu missiliuuteqarfiusunut	Soqanngilaq

2010-mi novembarip naalernerani atuneq malillugu, 2010-mi tamakkiisumik atuinissaq 30.000 koruuniussasoq naatsorsuutigineqarpoq. 2010-mi atuinikinneruneq 2011-mi missingersuutitut ukiunullu missiliuuteqarfiusunut sunniuteqassanngitsoq ilimagineqarpoq.

### **Konto 400120 Maniitsoq**

2010-mut missingersuutit	100.000 kr.
Annikinnerusumik atuinissamik naatsorsuutigisat	-60.000 kr.
2011-mut missingersuutitut ukiunullu missiliuuteqarfinnut kingunissai	0 kr.

### Qullersaqarfiup oqaaseqaatai

#### Allaffeqarfiup naliliinera

Atuneq malunnaatilimmik ukiumiit ukiumut nikerangaatsiarsinnaavoq, tassanngaannartummik sivisunerusumillu inissiinerit amerlassusaat apequtaalluni.

Konto Ilaqutariinnermut Immikkoortortaqarfiup meeqqanut inuusuttunullu ulorianartorsiortinneqartunut pinaveersaartitsilluni suliniuteqarnernut atorneqartarpoq, taamaattumillu konto 41 meeqqanut ikiorsiiniutinut nalilersuinissamat ilanngunneqassalluni.

2010-mi atuinikinnerunissaq, Sisimiunut Maniitsumullu katillugit 190.000 koruunit, ilaatigut konto 4-p sinneranut aningaasalersuinissamik pisariaqartitsisunut atorneqassasoq siunnersuutigineqarpoq.

#### Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap oktobarip 7-ani 2010-mi ataatsimiinnermini suliaq suliarivaa.

#### Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap oktobarip 12-ani 2010-mi ataatsimiinnermini suliaq suliarivaa.

### **Innersuussut**

Aningaasaqarnermut ataatsimiititaliap kommunalbestyrelsimut, konto 4-miit pisariaqartitsisunut allanut aningaasaliissuteqartoqarnissaa, akuereqqullugu innersuussutigissavaa

2010-mut missingersuutit Sisimiut	-130.000 kr.
2010-mut missingersuutit Maniitsoq	-60.000 kr.

Ilanngullugu innersuussutigineqarpoq, immikkut aningaasaliissutit 2011-mut missingersuutitut ukiunullu missiliuuteqarfiusunut ilanngunneqassanngitsut.

### **Aalajangiineq**

#### **Ilanngussaq**

1. Kontonut tamanut tamakkiisumik takussutissiaq
2. Missingersuutitut takussutissiaq atuinissamillu naatosruutigisat Sisimiunilu Maniitsumilu pingaarnertut kontomi aningaasaliisoqarnissaanik pisariaqartitat

## **Imm. 12 Missingersuutiniq malinnaatitsineq, konto 41, meeqqanut ikiorsiiniutit**

*Journalnr.*

### Tunuliaqutaq

Aningaasaqarnermut Ataatsimiititaliaq aggustip 10-ani ataatsimiinnermini imm. 8-mi ilaatigut aalajangerpoq, ”Ilaqutariinnermut Ataatsimiititaliap eqqornerusumik missingersuusiussasoq” missingersuustitigullu sippuisoornissaq pinaveersaarniarlugu pisariaqartutigit immikkut aningaasaliissutinik qinnuteqarluni.

### Maleruagassatigut tunngavissaq

- Qeqqata Kommuniata missingersuuserinermut Naatsorsuuserinermullu malittarisassai
- Meeqqanut inuusuttunullu ikiorsiisarneq pillugu Inatsisartut peqqussutaat nr. 1, 15. april 2003-meersoq.

### Pissutsit atuuttut

Manna tikillugu atuinerpiaq misissuiffigineqarnikuuvoq kiisalu meeqqat inuusuttullu maanna angerlarsimaffiup avataanut inissinneqarsimasut amerlassusaat aallaavigalugit 2010 sinneranut pisiariaqartitatut naatsorsuutigisat naatsorsorneqarlutik. Aammattaaq Qeqqata Kommuniata missingersuuserinermut Naatsorsuuserinermullu malittarisassai pisariaqartitaq pigineqartoq 2011-mut missingersuutinut ukiunullu missiliuuteqarfiusunut kinguneqarumaarnersoq naliliiffigineqarpoq.

Immikkoortumi missingersuuserinermi periutsimi manna tikillugu ”akunnermuliuttumik” assigisaanilluunniit missingersuuserortoqarsimanngilaq, ukiup missingersuuserfiup ingerlanerani pisariaqartitanut nutaajusinnaasunut atorneqarsinnaasumik. Taamaattumik inissiisimanerit taakkunungalu aningaasartuutit ataasiakkaat pisariaqartitsinerup nalilersornerani apeqqutaassapput.

### Aningaasaqarnikkut allaffissornikkullu kingunerisinnaasai

#### **Konto 41 Sisimiut**

2010-mut missingersuut	6.117.000 kr.
Immikkut aningaasaliissutissatut pisariaqartitat	2.300.000 kr.
B 2011-mut ukiunullu missiliuuteqarfiusunut kingunissai	2.300.000 kr.

### Oqaaseqaat

Missingersuutaasuniit 6.122.000 koruuniniit 2010-mi septembarip naanerani 91,9 procentinik atuisoqarsimammat, qulaani taaneqartutut annertunerusumik atuisoqarnissaa naatsorsuutigineqarpoq.

Ukiup sinnerani meeqqat ulloq unnuarlu paqqinnittarfinni inissinneqarsimasut amerlassusaat allannguuteqassasoq ilimagineqanngilaq: meeqqat sisamat Namminersorlutik Oqartussat ulloq unnuarlu paqqinnittarfiutaani aammalu meeqqat pingasut ulloq unnuarlu paqqinnittarfinni namminersortuni. Namminersorlutik Oqartussat taamaallaat juuli tikillugu ”meeqqanut ulloqartitsinernut” akiliutissanik nassiussaqaarnikuupput, ullorlu unnuarlu paqqinnittarfiit namminersortut siumut akiliisoqartarnissaanik piumasaqaateqartarlutik. Inissiisimanerit amerlassusaat pigineqartut naapertorlugit ukiup sinneranut 1.157.000 koruunit akiliutigineqassapput.

Piffissami 2008-miit 2010 qiteqqunneranut ulloq unnuarlu paqqinnittarfinnut inissiisimanerit amerlassusaat tullinnguuttutut isikkoqarpoq:

Ukioq                      Nam.Oqart.iniss.                      Iniss.nammin.                      Katillugit

2008:	7	0	7
2009:	5	3	8
2010:	5	3	8

Ulloq unnuarlu paaqqinnittarfinnut namminersortunut inissiisarneq ukiumut 2.530.000 koruunit missaani akeqartarpoq, Namminersorlutik Oqartussat ulloq unnuarlu inissiisarfiutaanut inissiisarneq ukiumut 1.440.000 koruuninik akeqartarpoq.

2011-mi meeqqat sisamat angerlartinneqarsinnaanerit sulissutigineqarpoq. Ilutigitillugu meeqqanut suliaasat arlallit suliarineqarput, taakkunanga pingasuusuni 2011-imi ulloq unnuarlu inissiisarfinnut inissiinissaq pisariaqalersinnaalluni.

**Konto 41 Maniitsoq**

2010-mut missingersuut	6.739.000 kr.
Immikkut aningaasaliissutissatut pisariaqartitat	2.208.000 kr.
B 2011-mut ukiunullu missiliuteqarfiusunut kingunissai	2.208.000 kr.

Oqaaseqaat

2010-mi septembarip naaneranut ikiorsiiniutit ilimagineqartut ilanngullugit naatsorsorneqarput. Tassa imaappoq, 2010 sinneranut inissiinissanut nutaanut angerlartitsinissanulluunniit aalajangiinissat takkussinnaapput, taamaattoqassappallu missingersuutitut malinnaatitsinissanut aggersunut ilanngunneqassallutik.

Immikkut pisariaqartitsineq tullinnguuttunik pissuteqartinneqarpoq:

2009-mut missingersuutini iluarsissutitalinni ulloq unnuarlu paaqqinnittarfinnut ikiorsiineq 5.861.000 koruuninik annertussuseqarsimavoq. 2009-mut naatsorsuutini 6.132.000 koruuninik annertussuseqarpoq.

2010-mut missingersuutitut aningaasaliissutissat 3.771.000 koruuninut annertussusilerneqarput. 2010-mut missingersuutitut sipaarniutissanut tullinnguuttoq patsisigineqarpoq: ”Ulloq unnuarlu paaqqinnittarfinnut assigiissaarineq Maniitsumi immikkoortumut annertuunik sipaaruteqartoqarnissaanik kinguneqassasoq naatsorsuutigineqarpoq, tamatumani meeqqanik angerlarsimaffiup avataanut inissiinermut aningaasat annertuut atorineqarsimammata.”

Qullersaqarfiup oqaaseqaataa

Kommunimi nutaami ulloq unnuarlu paaqqinnittarfinnik atuineq malunnartumik annertunerulersimavoq. Sisimiuni qaffasissusermut nalimmassarneqassasoq naatsorsuutaanikuugaluarpoq, tamatumani kommunit kattutinngikkallarnerini ulloq unnuarlu paaqqinnittarfiit namminersortuusut atorineqarneq ajorlutik. Ilaqutariinnermut immikkoortortap Ilaqutariinnermullu ataatsimiititaliap eqqartortariaqaraluarpa siunnersuusiorlunilu, namminersortunut inissiisarnerit akisuut qanoq iliorluni pinngitsoortinneqarsinnaanissaat.

Tassunga atatillugu nalunaassallugu pingaarpoq, ilaqutariinnut inissiisarnerit annikinnerusumik atuiffiummata. Taamaalilluni kommunimi ilaqutariinnut inissiisarnermiit ulloq unnuarlu inissiisarnerit illuaqqajaasoqalersimagunarpog. Illuaqqajaalerneq tamanna ajuusaarnarpog.

Ulloq unnuarlu paaqqinnittarfinnut inissiineq periarfissatut kingullerpaatut atorineqartassaaq, nalilersuinermit aamma ilannguttariaqaraluarpoq, namminersortut Namminersorlutillu Oqartussat ulloq unnuarlu paaqqinnittarfiutaat ilinniarsimasunik naammattunik sulisoqanngimmata. Ulloq



unnuarlu paaqqinnittarfinnik naliliinernik pitsaasunik qullersaqarfik pigisaqanngilaq, illuaqqajaaler-nermut tamatumunnga tunngavilersuutaasinnaasumik.

Taamaalilluni ulloq unnuarlu paaqqinnittarfinnut inissiinnginnermi, kommuimi nammineq angerlarsimaffigisami/nunaqarfimmit imaluunniit illoqarfimmi/nunaqarfimmi allamik ilaqutariinnik allanik angajoqqaarsisaasinnaasunik, tamatumani nakkutilliineq kommunip nammineq akisussaaffigalugu misissorneqaqqaartariaqaralarpoq. 2011-mut ukiunullu missiliuuteqarfinnut immikkut aningaasaliissuteqarnissaq akuersissutigineqassanngikkalarpoq, tamatumani namminersortunik ulloq unnuarlu paaqqinnittarfinnik atuisarnek pinngitsoortariaqaralarluni.

Immikkoortuni tamani aningaasaqarnerup sukannersumik aqunneqarnissaa ilaqutariinnermut immikkoortortap maluginiaqqissaassagaa pingaaruteqarluinnarpoq.

#### Allaffeqarfiup naliliinera

Sisimiuni nalilerneqarpoq, sullissinnermut periutsit assigiissaarnerusut kinguneqarnerusullu siunissami qulakkeerniarlugit angajoqqaat akiliutaat nalilersorneqassasoq.

Ilaqutariinnik paarsisartunik amerlanerusunik pissarsiniarluni sulisoqarpoq aammalu Qeqqata Kommuniata tapersiiniutitut ikiorsiissutaasa, taakkununnga ilaallutik siusinaartumik ikiorsiisarnek, angerlarsimaffinni tapersersorteqartarnek, ilaqutariinnut atuartsinerit il.il. atorneqarnerisa annertusarneqarnissaat, taamaaliornikkut ulloq unnuarlu inissiisarnernut pisariaqartitsineq annikillisarnerlugu.

2010-mi immikkut aningaasaliisoqarnissaanik pisariaqartitsineq 2011-mut missingersuutitut ukiunullu missiliuuteqarfiusunut 2012-imiit 2014-imut malitsilinnik kinguneqassaaq.

Maniitsoq eqqarsaatigalugu oqaatigisariaqarpoq, 2009-mi missingersuutaasuniit 5.861.000 koruuniusuniit 2010-mi missingersuutitut missingersuutitut 3.771.000 koruuninik annikilliliineq, tassalu 2,1 mio. koruunit missaani, paasinarsivoq piviusunngortinneqarsinnaasoq. Taamaalilluni 2010-mut annerusumik pisariaqartitat 2.208-nut naatsorsorneqarput. Uani paaqqutarinnilluni inissiisarnernut - 217.000 koruunit sipaarutaasinnaasut ilanngunneqarnikummata.

Annerusumik pisariaqartitsineq aammattaq 2011-mut sunniuteqarsinnaasoq nalilerneqarpoq.

Meeqqanut ilaqutariinnullu ikiorsiisarnernut suliniutit ingerlaavartumik suliarineqassapput. Taamaalliluni ilaqutariit højskolertinneqartarnerat, ilaqutariit katsorsartissinnaaneritut neqeroorutit, ilaqutariinnut kiffartuussivimmiit siunnersuineq angerlarsimaffimmilu perorsaarnermut tapersersuinnermik il.il. ingerlanneqassapput. Suliniutit taakku Ilaqutariinnut kiffartuussivimmut nalinginnaasumik aningaasaliissutiniit kiisalu sammisassanut immikkut ittunut tapiissutitut qinnuteqaatit, soorlu assersuutigalugu ilaqutariinnut højskolertitsineritut, ingerlanneqarnissaat qinnuteqaatigineqassapput.

Allaffeqarfik naliliivoq, aningaasaqarnermut aqutsinerup sakunnerulerulnerna annertunerusumik ilisimaneqassasoq. Taamaattumik Ilaqutariinnermut immikkoortortaq ulluinnarni sulinnermi aningaasaqarnikkut malinnaatitsinermik qaninnerusumik aallartitsinikuvoq.

Ilaqutariinnermut atatsimiititaliami suliap suliarinera

Ilaqutariinnermut atatsimiititaliap oktobarip 7-ani 2010-mi ataatsimiinnermini suliaq suliarivaa.

Ilaqutariinnermut ataatsimiititaliap innersuussutaa

Ilaqutariinnermut ataatsimiititaliap aningaasaqarnermut ataatsimiititaliamut, immikkut aningaasaliisoqarnissaanik qinnuteqaat, akuereqqullugu innersuussutigissavaa

Sisimiut, 2010-mut missingersuutit 2.300.000 kr.

Maniitsoq, 2010-mut missingersuutit 2.208.000 kr.

Ilanngullugu innersuussutigineqassaaq, immikkut aningaasaliissuteqarnissaaq 2011-mut missingersuutinut ukiunullu missiliuuteqarfinnut siunnersuummut ilanngunneqassaaq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap oktobarip 12-ani 2010-mi ataatsimiinnermini suliaq suliarivaa.

2010-mut tunngatillugu innersuussutigineqartoq akuersissutigineqarpoq.

2011-mut tunngasortaa 2011-mut missingersuutit aappasaanerneranni nalilersuereernermi aatsaat isummerfigineqassaaq.

**Innersuussut**

Aningaasaqarnermut ataatsimiititaliap kommunalbestyrelsimut, immikkut aningaasaliisoqarnissaanik qinnuteqaat, akuereqqullugu innersuussutigissavaa

Sisimiut, 2010-mut missingersuutit 2.300.000 kr.

Maniitsoq, 2010-mut missingersuutit 2.208.000 kr.

**Aalajangiineq**

**Ilanngussaq**

1. Sisimiuni Maniitsumilu pingaarnertut kontoni aningaasaliinissamut pisariaqartitat atuinissatullu naatosruutigisat aamma Missingersuutit takussutissartaat

**Imm. 13 Missingersuutunik malinnaatitsineq, konto 43 Siusinaartumik pensionisiat**

*Journalnr.*

Tunuliaqutaq

Aningaasaqarnermut Ataatsimiititaliap aggustip 10-ani ataatsimiinnermini imm. 8-mi ilaatigut aalajangerpoq, ”Ilaqutariinnermut Ataatsimiititaliap eqqornerusumik missingersuusiussasoq” missingersuustitigullu sippuisoornissaq pinaveersaarniarlugu pisariaqartutigit immikkut aningaasaliissutunik qinnuteqarluni.

Maleruagassatigit tunngavissaq

- Qeqqata Kommuniata Karseqarnermut Naatsorsuuserinermullu malittarisassai
- Siusinaartumik pensionisiat pillugit Inatsisartut peqqussutaat nr. 4, 7. maj 2007-imeersoq kingusinnerusukkut allannguutitalik
- Siusinaartumik pensionisiat pillugit Namminersornerullutik Oqartussat nalunaarutaat nr. 13, 27. juni 2007-imeersoq

Pissutsit atuuttut

2010-mi atuineq maanna misissorneqareerpoq, siusinaartumillu pensionisiallit amerlassusii amerleriaatissatullu naatsersuutigineqartut aallaavigalugit, ukiup sinneranut pisariaqartitat naatsorsorneqareerlutik. Aammattaaq nalilerneqarluni, maanna pisariaqartinneqartut 2011-mut missingersuutitut ukiunullu missiliuteqarfiusunut kinguneqartitsissanersut.

	<b>1/1-2002 sioqqull. aningaasaliiss.</b>		<b>1/1-2002 kingorna aningaasaliiss.</b>	
	<b>2009</b>	<b>2010</b>	<b>2009</b>	<b>2010</b>
<b>Sisimiut</b>				
Tunnga. tunniunneqar.	107	103	89	105
Kaasarfimmiussat	2	4	5	4
	<b>109</b>	<b>107</b>		<b>94</b>
<b>109</b>				

2010-mi oktobarimi siusinaartumik pensionisiallit amerlassusii:

208-t tunngaviusumik annertussusilimmik tigusartagaqarput, 12-inik amerleriarsimallutik  
8-t kaasarfimmiussarsisarput, 1-imik amerleriarsimallutik

**Maniitsoq**

Tunnga. tunniunneqar.	91	94	94	105
Kaasarfimmiussat	12	15	17	13
	<b>103</b>	<b>109</b>	<b>111</b>	<b>118</b>

2010-mi oktobarimi siusinaartumik pensionisiallit amerlassusii:

199-it tunngaviusumik annertussusilimmik tigusartagaqarput, 14-inik amerleriarsimallutik  
28-t kaasarfimmiussarsisarput, 1-imik amerleriarsimallutik

Siusinaartumik pensionisiallit tunngaviusumik tigusartagaat 2010-mi juulip aallaqqaataa aallarnerfigalugu 12,6 procentimik qaffanneqarnerisigut iluarsineqarput, kisimiittunut 930 koruunit miss. nalinganik aappariinnullu 1.400 koruunit miss. nalinganik. Tassunga siunertamut kommunit aningaasatigit annaasaannut taartisiat ataatsimoortumik tapiissutit aqutigalugit iluarsivigineqarnikuupput, kiisalu akileraarutitigit isertitassaqaalerlutik.

Tunngaviusumik tunniunneqartartutigit inummullu tapitigit atuisoqarnerunera taamaalilluni siusinaartumik pensionisiallit amerleriarnertut atatinneqarsinnaavoq, siusinaartumillu pensionisiaqalertuni arlallit kingumoortumik atuutilersinneqartumik tunineqartussaallutik matumalu siuliini eqqaa-neqartutuut tunngaviusumik tunniunneqartartutigit iluarsivigineqartussallutik.

Suliani taakkunani arlalissuit piffissami sivitsortumi uninngatinneqarsimapput.

Aningaasaqarnikkut allaffissornikkullu kingunerisinnaasai

**Konto 43 Sisimiut**

2010-mut missingersuutit	4.776.000 koruunit
Immikkut aningaasaliissutit	1.301.000 koruunit
2011-mut missingersuutit ukiullu missiliuuteqarfiusut	1.301.000 koruunit

Immikkut aningaasaliissutit 2011-mut missingersuutitut ukiunullu missiliuuteqarfiusunut kinguneqartitsissapput.

**Konto 43 Maniitsoq**

2010-mut missingersuutit	5.183.000 koruunit
Immikkut aningaasaliissutit	809.000 koruunit
2011-mut missingers. ukiunullu. missiliuuteqarf. kingunerisassai	809.000 koruunit

Immikkut aningaasaliissutit 2011-mut missingersuutitut ukiunullu missiliuuteqarfiusunut kinguneqartitsissapput.

2009-mut naatsorsuutit kukkunersuisup aamma uparuarpa, aningaasaliissutit arlalissuit kontoler-sorneri allangortiterneqassasut, tamannalumi 2010-mut aamma sunniuteqarpoq.

Qullersaqarfiup oqaaseqaatai

Kommunimi nutaami siusinaartumik pensioninik akuersissuteqartarneq malunnartumik qaffariaateqarsimavoq. Siusinaartumik pensioninik akuersissuteqartarnerup appariartuaartinneqarnissaa piimasaagaluarpoq.

2002-mi januaarip aallaqqaataani kommunimut utertitsisarnerup allangortinneqarnerata tungaanut siusinaarluni pensioninik akuersissuteqartarneq qaffariaateqarnikuvoq. Tamatuma kinguneraa aningaasaqarnikkut akisussaanerulerneq, piginnaanngorsaaqqinneq sammeneqarnerulerluni pitsaanerumillu peqqinnerulerneq kinguneraa siusinaartumik pensioninillit amerlassusaasa appariaateqarnerat. Qeqqata Kommuniata piginnaanngorsaanermut missingersuutai 2009-mi tamakkerlugit atornerqarsimangillat, taamatullu illuaqqajaaneq 2010-mi ingerlaqqittutut isikkoqarpoq. Taamaatumik tunngaveqanngitsumik siusinaartumik pensioninik tunniussisarnerup amerlassusaat annertuumik qaffariaateqarpoq.

Ingammik Maniitsup immikkoortortaqarfiani siusinaartumik pensionisiallit amerlassusaat annertor-pasippoq, naak suliffissaaleqisunut ataasiakkaanut siunissq siumut takorlooruminaakkaluartoq. Tassunga atatillugu Nunatsinni inuutissarsiornikkut periarfissat ataatsimut isigineqartariaqaraluarput, tamaatumik Namminersorlutik Oqartussat nunatta karsianut pingaartitsinerat naapertorlugi suliffissaaleqisunik Nuummut nuutsitsisarneq naatsorsuutigisariaqarluni.

Qeqqata Kommunia piaartumik piginnaangorsaasarnermi qaffassaasariaqarpoq pisariaqassappallu kommunimi suliffissaqartitsiniarluni iliutsiniit (konto 34) piginnaangorsaarnermut (konto 35) aningaasanik nuutsisoqarluni. Aammattaaq Qeqqata Kommuniatsuliffeqarfittut piginnaangorsartunik atuinerusariaqaralarpoq.

#### Allaffeqarfiup naliliinera

Sisimiuni Maniitsumilu sulianik suliaqartarnermi periusaasartut aningaasaleeriaatsillu pillugit sukumiisumik misissueqqissaartoqartariaqarpoq, matumani siunertaralugu Qeqqata Kommuniani inummut tapit eqqarsaatigalugit assigiissaarinerne pitsaassusissaq.

Siumut isigaluni missingersuusionerme immikkoortumi tassani ukiuni arlaqartuni amerliartortoqarneratigut kingunerisinnaasai ilanngullugit sillimaffigineqassapput.

Allaffeqarfiup nalilerpaa, aningaasaqarneq pillugu ilisimasat annertunerulermeta aqutsineq sukanernerulissasoq. Tamanna pillugu ulluinnarni aningaasaqarnerup malinnaavigineqarnissaa Ilaqutariinnermut Ataatsimiititaliap atuuttuulersippaa

#### Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap oktobarip 7-ani 2010-mi ataatsimiinnermini suliaq suliarivaa.

#### Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap oktobarip 12-ani 2010-mi ataatsimiinnermini suliaq suliarivaa.

#### **Innersuussut**

Aningaasaqarnermut ataatsimiititaliap kommunalbestyrelsimut, immikkut aningaasaliissutinik qinnuteqat, akuereqqullugu innersuusutigissavaa

Sisimiut, 2010-mut missingersuutit	1.301.000 koruunit
Maniitsoq, 2010-mut missingersuutit	809.000 koruunit

Ilanngullugu innersuussutigineqassaaq, immikkut aningaasaliissutaasut 2011-mut missingersuutinut ukiunullu missiliuteqarfiusunut siunnersuusiornissami ilanngunneqassasut.

#### **Aalajangiineq**

#### **Ilanngusaaq**

1. Sisimiuni Maniitsumilu kontoni pingaarnerni missingersuutinut, atugassatut naatsersuutinut kiisalu immikkut aningaasaliiffigineqarnissamut pisariaqartitanut takussutissiaq.

**Imm. 14 Missingersuutitigut malinnaatitsineq, konto 44 Meeqqanut akilersuutit**

*Journalnr.*

Tunuliaqutaq

Aningaasaqarnermut Ataatsimiititaliaq aggustip 10-ani ataatsimiinnermini imm. 8-mi ilaatigut aalajangerpoq, "Ilaqutariinnermut Ataatsimiititaliap eqqornerusumik missingersuusiussasoq" missingersuustitigullu sippuisoornissaq pinaveersaarniarlugu pisariaqartutit immikkut aningaasaliissutinik qinnuteqarluni.

Maleruagassatigut tunngavissaq

- Qeqqata Kommuniata Karseqarnermut Naatsorsuuserinermullu malittarisassai.
- Meeqqanut akilersuutit il.il. kiisalu meeravissartaarnermi tapiissutit tunniunneqartarneri pillugit Inatsisartut peqqussutaat nr. 2, 3. marts 1994-imeersoq.

Pissutsit atuuttut

Konto 4401 Isumakkeerinninnerit, Meeqqanut akilersuutinut atuneq misissuiffigineqarnikuuvoq, kiisalu 2010 sinneranut pisariaqartitatut naatsorsuutigisanik nalilersuisoqarluni.

Aningaasaqarnikkut allaffissornikkullu kingunerisinnaasai

**Konto 4401 Isumakkeerinnineq Sisimiut**

2010-mut missingersuutit	192.000 kr.
Immikkut aningaasaliisoqarnissaanik pisariaqartinneqartut	-160.000 kr.
B 2011-mut ukiunullu missiliuuteqarfiusunut kingunissai	0 kr.

2009-mi 2010-mi qaammatini qulinngiluani siullerni atuisimaneq malilugu 2010-mi atuinissaq annerpaamik 50.000 koruuniussasoq ilimagineqarpoq. 2010-mi annikinnerusumik atuinissaq ukiunut arlalinnut sunniuteqassanngitsoq ilimagineqarpoq.

**Konto 4401 Isumakkeerinnineq Maniitsoq**

2010-mut missingersuutit	211.000 kr.
Immikkut aningaasaliisoqarnissaanik pisariaqartinneqartut	-178.000 kr.
B 2011-mut ukiunullu missiliuuteqarfiusunut kingunissai	0 kr.

2010-mi januaarimiit septembarimut milittakkaaniit nalilersuineq ingerlanneqarpoq aammalu – 178.000 koruuninik annikinnerusumik pisariaqartitsinissaq pineqartoq ilimagineqarpoq. 2010-mi annikinnerusumik atuinissaq ukiunut arlalinnut sunniuteqassanngitsoq ilimagineqarpoq.

Qullersaqarfiup oqaaseqaatai

Immikkoortuni tamani aningaasaqarnerup sukannersumik aqunneqarnissaa ilaqutariinnermut immikkoortortap maluginiaqqissaassagaa pingaaruteqarluinnarpoq.

Allaffeqarfiup naliliinera

Atuneq ukiumiit ukiumut nikerartuuvoq siumullu nalilersorneqarsinnaanani. Taamaattumik 2010-mi annikinnerusumik atuneq 2011-mut missingersuutinut ukiunullu missiliuuteqarfiusunut 2012-miit 2014-mut kinguneqassanngitsut tulluurtuussasoq nalilerneqarpoq.

Ilaqutariinnermut atatsimiititaliami suliap sularinera

Ilaqutariinnermut atatsimiititaliap oktobarip 7-ani 2010-mi ataatsimiinnermini suliaq sularivaa.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap oktobarip 12-ani 2010-mi ataatsimiinnermini suliaq sularivaa.

**Innersuussut**

Aningaasaqarnermut ataatsimiititaliap kommunalbestyrelsimut, immikkut aningaasaliisoqarnissaanik qinnuteqaat. akuereqqullugu innersuusutigissavaa

Sisimiut, 2010-mut missingersuutit 160.000 kr.

Maniitsoq, 2010-mut missingersuutit 178.000 kr.

Ilanngullugu innersuusutigineqassaaq, immikkut aningaasaliissuteqarnissaaq 2011-mut missingersuutitut ilanngunneqassanngitsoq.

Allaffeqarfik naliliivoq, aningaasaqarnermut aqutsinerup sakunnerulerulnerna annertunerusumik ilisimaneqassasoq. Taamaattumik Ilaqutariinnermut immikkoortorta qulluinnarni sulinermi aningaasaqarnikkut malinnaatitsinermik qaninnerusumik aallartitsinikuuvoq.

**Aalajangiineq**

**Ilanngussaq**

1. Missingersuutitut takussutissiaq atuinissamillu naatosruutigisat Sisimiunilu Maniitsumilu pingaarnertut kontomi aningaasaliisoqarnissaanik pisariaqartitat

## **Imm. 15 Missingersuutitigut malinnaatitsineq, konto 45 Pisortanit ikiorsiissutit**

*Journalnr.*

### Tunuliaqutaq

Aningaasaqarnermut Ataatsimiititaliaq aggustip 10-ani ataatsimiinnermini imm. 8-mi ilaatigut aalajangerpoq, "Ilaqutariinnermut Ataatsimiititaliap eqqornerusumik missingersuusiussasoq" missingersuustitigullu sippuisoornissaq pinaveersaarniarlugu pisariaqartutigut immikkut aningaasaliissutinik qinnuteqarluni.

### Maleruagassatigut tunngavissaq

- Qeqqata Kommuniata Karseqarnermut Naatsorsuuserinermullu malittarisassai
- Pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq.
- Pisortanit ikiorsiissutit pillugit inatsisartut peqqussutaata allangortinneqarneranik Inatsisartut peqqussutaat nr. 5, maj 2008-imeersoq
- Inatsisartut peqqussutaat nr. 7, 31. maj 2010-meersoq pisortanit ikiorsiissutit pillugit inatsisartut peqqussutaata allangortinneqarnera (Illerfiillu angallaneqartarneri kiisalu pisortanit ikiorsiissutinik tunniussisarnermi piumasaqaatit erseqqissaavigineqarneri)
- Pisortanit ikiorsiissutit tunniunneqartarnerat pillugu, iliuusissatut pilersaarutit, sulisinnaassuseq il.il. pillugit Namminersornerullutik Oqartussat nalunaarutaat nr. 4, 15. marts 2007-imeersoq

### Pissutsit atuuttut

Manna tikillugu atuinivinnik misissuisoqarnikuuvoq nalilersuisoqarlunilu, 2010-llu sinneranut maanna ilisimasat atorlugit pisariaqartitassatut naatosuutigisat nalilersorneqarlutik.

### Aningaasaqarnikkut allaffissornikkullu kingunerisinnaasai

#### **Konto 45 Sisimiut**

2010-mut missingersuut 7.148.000 kr.

Immikkut aningaasaliissutissatut pisariaqartitat 3.019.000 kr.

B 2011-mut ukiunullu missiliuteqarfinnut kingunissai 3.019.000 kr.

Missingersuutiniit 2010-mi septembarip naalernerani 98,7 procentmik atuisoqarpoq. Sisimiuni atuineruneq suliffissaaleqinerujussuarmpiippoq, taanna ilaqutariinni arlalinni pissakilliulermik kinguneqarnikuusoq.

Taakku saniatigut ikiorsiissutinik pisartagalinnut pilersuisussaatasunut meeqqanut tapinik inatsitigut pisussaaffiliisunut tunniussisoqartarpoq, tamannalu missingersuusiordermi eqqarsaatigineqarsimagunangilaq.

#### **Konto 4 Maniitsoq**

2010-mut missingersuut 6.094.0000 kr.

Immikkut aningaasaliissutissatut pisariaqartitat 522.000 kr.

B 2011-mut ukiunullu missiliuteqarfinnut kingunissai 522.000 kr.

Maniitsumi atuineruneq annertunerusumik suliffissaaleqilernerminnissaa ilimagineqarpoq. Atuineruneq 2011-mut sunniuteqassanesoq sulisut amerlanerulernissanersut apeqqutaajumaarpoq.



Qullersaqarfiup oqaaseqaatai

Pisortanit ikiorsiissutitut aningaasartuutit Sisimiuni qaffassimasorujussuupput. Tamanna suliffis-saaleqineriinnarmik nassuaatitaqarsinnaanngilaq.

Pisinnaatitsinermut malittarisassat sukatertariaqarput, taamaalilluni innuttaasunut suliffilinnut pisariaqavissumik ikiorsiissutinik tunniussisarneq qaffasinnerusumiit pisassalluni.

2011-mut missingersuutitut ukiunullu missiliuteqarfiusunut immikkut aningaasaliissutinik tunniussisoqartariaqanngikkaluarpoq, pisinnaatitsinermut malittarisassat naliliisarnerullu sukaterne-risigut tassunga pisariaqartitsineq unitsitsinnaammat.

Ilaqutariinnermut immikkoortortap immikkoortortani tamani aningaasaqarnikkut sakkortuumik aqutsinissaq eqqumaffigisariaqarmagu pingaaruteqarluinnarpoq.

Allaffeqarfiup naliliinera

Sisimiuni sullitanik sullissineq inatsisitigut tunngavissanik, sullitanik sullissinermi naatsorsueriaat-sinillu, nalilersuineri naliliisinnaaneq il.il. nalornissuteqartarnermik sunnerneqartarsimavoq. Taamaatumik Ilaqutariinnermut Ikiorsiisarnermullu immikkoortortami aqutsinermik nakkutilliinerup ulluinnarnilu ilinniartitsinerup ingerlanneqartarnerata sakkortunerulernissaanut suliniuteqarto-qalersimavoq. Taassuma saniatigut immikkoortumi sullissit anguniagalimmik piginnaasaasa qaffassarneqarnissaat pisariaqartinneqarpoq, soorluttaq pisinnaatitsinermut pilersarutip sukaterne-qarnissaa ersarissarneqarnissaalu pisariaqartinneqartoq.

Konto 45 Sisimiuni Maniitsumilu assigiinngitsumik suliaavoq, tamatumalu akileraarutitigut pisis-saaffiit akileraarutitigullu pisussaaffiginngisat immikkoortinnissaat ajornakusoortippaa. Taanna allanngortinneqassaaq.

Annerusumik pisariaqartitsineq 2011-mut missingersuutitut ukiunullu missiliuteqarfiusunut 2012-miit 2014-imut kinguneqassasoq naatsorsuutigineqarpoq, sulisinnaasuni pitsaasumik allanngorto-qanngippat.

Allaffeqarfik naliliivoq, aningaasaqarnermut aqutsinerup sakunnernerulernera annertunerusumik ilisimaneqassasoq. Taamaattumik Ilaqutariinnermut immikkoortortaq ulluinnarni sulineri aningaasaqarnikkut malinnaatitsinermik qaninnerusumik aallartitsinikuuvoq.

Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap oktoberip 7-ani 2010-mi ataatsimiinnermini suliaq suliarivaa.

Ilaqutariinnermut ataatsimiititaliap innersuussutaa

Ilaqutariinnermut ataatsimiititaliap aningaasaqarnermut ataatsimiititaliamut, immikkut aningaasaliisoqarnissaanik qinnuteqaat, akuereqqullugu innersuustigissavaa

Sisimiut, 2010-mi missingersuut	3.019.000 kr
Maniitsoq, 2010-mi missingersuutit	522.000 kr

Ilanngullugu innersuussutigineqassaaq, immikkut aningaasaliissuteqarnissaq 2011-mut missingersuutitut ilanngunneqassasoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap oktoberip 12-ani 2010-mi ataatsimiinnermini suliaq suliarivaa.

2010-mut tunngatillugu innersuussutigineqartoq akuersissutigineqarpoq.  
2011-mut tunngasortaa isummerfigineqanngikkallassaaq.

**Innersuussut**

Aningaasaqarnermut ataatsimiititaliap kommunalbestyrelsimut, immikkut aningaasaliisoqarnissaanik qinnuteqaat, akuereqqullugu innersuusutigissavaa

Sisimiut, 2010-mi missingersuut	3.019.000 kr
Maniitsoq, 2010-mi missingersuutit	522.000 kr

**Aalajangiineq**

**Ilanngussaq**

1. Missingersuutininut takussutissiaq atuinissamillu naatosruutigisat Sisimiunilu Maniitsumilu pingaarnertut kontomi aningaasaliisoqarnissaanik pisariaqartitat.

**Imm. 16 Missingersuutitigut malinnaatitsineq, konto 46 Isumaginninnermi aningaasartuutit allat**

*Journalnr.*

Tunuliaqutaq

Aningaasaqarnermut Ataatsimiititaliaq aggupstip 10-ani ataatsimiinnermini imm. 8-mi ilaatigut aalajangerpoq, ”Ilaqutariinnermut Ataatsimiititaliap eqqornerusumik missingersuusiussasoq” missingersuustitigullu sippuisoornissaq pinaveersaarniarlugu pisariaqartutigut immikkut aningaasaliissutinik qinnuteqarluni.

Maleruagassatigut tunngavissaq

- Qeqqata Kommuniata Karseqarnermut Naatsorsuuserinermullu malittarisassai
- Inissiani attartortittakkani ineqarnermut tapiissutit pillugit Inatsisartut peqqussutaat nr. 3, 31. maj 2001-imeersoq

Pissutsit atuuttut

Kontomi 4603 Ineqarnermut tapiissutini atuinermik misissuisoqarnikuuvoq kiisalu 2010 sinneranut pisariaqartitassatut naatsorsuutigisanik nalilersuisoqarluni.

Qeqqata Kommunianut tamarmut Ineqarnermut tapiissuteqartarneq Sisimiuniit ingerlanneqarpoq systemimilu teknikki pissutaalluni kontomut 460310 Sisimiunut ikineqartarput. Naak taaamaattoqaraluartoq Sisimiunut Maniitsumullu ineqarnernut tapiissutit Namminersorlutillu Oqartussanit utertitassat imikkut missingersuusiorneqartarput.

Sisimiunut Maniitsumullu katillugit ilanngaatitaqanngitsut 24.100.000 koruuninik/ilanngaatai peereerlugit 9.640.000 koruuninik immikkoortitsisoqarnikuuvoq. 2010-mi atuineq 20.820.000 koruunit/ilanngaatai peereerlugit 8.328.000 koruunit missaani annertussuseqarnissaa naatsorsuutigineqarmat, ktaillugit ilanngaatit peereerlugit 1.312.000 koruuninik atuinikerusoqassaaq.

Ineqarnermut tapiissutinut aningaasartuutit 60 procentii Namminersorlutik Oqartussanit akilerneqartarput. Utertitsineq taanna ataatsimoortillugu kontomut ataatsimoorussamut 4603008201-imut ikineqartarpoq, tassani 2010-mi isertitassatut missingersuusiortoqarnikuunngilaq.

Aningaasatigut allaffissornikkullu kingunerisinnaasai

**Konto 460310 Ineqarnermut tapiissuit, Sisimiut**

2010-mut missingersuutit	5.640.000 kr. (ilanngaatit peereerlugit)
Immikkut aningaasaliissutissatut pisariaqartitat	1.608.000 kr. (ilanngaatit peereerlugit)
B 2011-mut ukiunullu missiliuteqarfinnut kingunissai	2010-mut missingersuutaasut paariinnarneqassapput kontomullu 460300 nuunneqarlutik

Konto 460310 Sisimiut, allaffissornermi periuseq qulaaniittoq malillugit, annertuumik atuiallaarnissamik takutitsivoq.

**Konto 460320 Maniitsoq**

2010-mut missingersuut	4.000.000 kr. (ilanngaatit peereerlugit)
Immikkut aningaasaliissutissatut pisariaqartitat	-4.000.000 kr. (ilanngaatit peereerlugit)
B 2011-mut ukiunullu missiliuuteqarfinnut kingunissai	-4.000.000 kr. (ilanngaatit peereerlugit)

Ineqarnermut tapiissutissanut 10.000.000 koruunit aammalu -6.000.000 Namminersorlutik Oqartus-sanit utertitassatut immikkoortitaapput, ilanngaatissat peereerlugit katillugit 4.000.000 koruunit.

Maniitsumi ineqarnermut tapiissutinut aningaasartuutit tamarmik kontomi 460310 Sisimiut ikineqartarmata, aammalu utertitassat kontomut ataatsimoorussamt 460300 ikineqartarmata, Maniitsumi atuineq 0 koruuniuvoq.

Qullersaqarfiup oqaaseqaatai

Immikkoortuni tamani aningaasaqarnerup sukannersumik aqunneqarnissaa ilaqutariinnermut immikkoortortap maluginiaqqissaassagaa pingaaruteqarluinnarpoq.

Allaffeqarfiup naliliinera

Ineqarnermut tapiissutit suli ataatsimoortinneqarnissaat siunertaamat, aammalu qarasaasiat teknikkiaatigut Qeqqata Kommuniani illoqarfiit avinneqarsinnaanngimmata, taanna malillugu missingersuutit nalimmassarneqassapput.

Taamaattumik kontomi 460310 aamma 460320-mi missingersuutit immikkoortitat kontomut ataatsimoorussamut 460300-imut nuutsinneqassasut, aammalu kontomi 460310-mi aningaasartuutit ikisat kontomut ataatsimoorussamut 460300-imut nuutsinneqassasut siunnersuutigineqarpoq.

Ataatsimut isigalugut aningaasartuutit qaffasissusaat annertusiartormat, ilutigitillugu 2010-mut missingersuutaaqqaarsimasut 2011-mut missingersuutinut ukiunullu missiliuuteqarfiusunut 2012-miit 2014-imi kontomut ataatsimoorussamut 460300-imut ingerlateqqinneqassasut inassutigineqarpoq.

Allaffissornikkut periuseq kontomullu pilersaarutip akornanni naapertuuttoqarnissaa anguniarlugu, missingersuutitigut aningaasat pisariaqartut kontomiit 460320-miit kontomut ataatsimoorussamut 460300-imut nuutsinneqassasut siunnersuutigineqarpoq, ineqarnermut tapiissutinut 6.720.000 koruunik utertitassanullu 4.032.000 koruunik agguarlugit.

Kontomi 460320, ilanngaatissat peereerlugit -1.312.000 koruunik atuinikinnerunissat sinneruttut, konto 4-mi aningaasaliinissanut pisariaqartitanut assigiinngitsunut ilaatigut matussutissatut missingersuutinik malinnaatitsinermi ilanngunneqassapput.

Allaffeqarfik naliliivoq, aningaasaqarnermut aqutsinerup sakunnerulerulnerna annertunerusumik ilisimaneqassasoq. Taamaattumik Ilaqutariinnermut immikkoortortaq ulluinnarni sulinermi aningaasaqarnikkut malinnaatitsinermik qaninnerusumik aallartitsinikuuvoq.

Ilaqutariinnermut atatsimiititaliami suliap suliarinera

Ilaqutariinnermut atatsimiititaliap oktobarip 7-ani 2010-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap oktobarip 12-ani 2010-mi ataatsimiinnermini suliaq suliarivaa.

**Innersuussut**

Aningaasaqarnermut ataatsimiititaliap kommunalbestyrelsimut, immikkut aningaasaliisoqarnissaanik qinnuteqaat, akuereqqullugu innersuusutigissavaa

Sisimiut, 2010-mut missingersuutit 1.608.000 kr.

Maniitsoq, 2010-mut missingersuutit -4.000.000 kr.

Ilanngullugu innersuusutigineqassaaq, immikkut aningaasaliissuteqarnissaaq 2011-mut missingersuutitut ilanngunneqassasoq.

**Aalajangiineq**

**Ilanngussaq**

1. Missingersuutitut takussutissiaq atuinissamillu naatosruutigisat Sisimiunilu Maniitsumilu pingaarnertut kontomi aningaasaliisoqarnissaanik pisariaqartitat.

## **Imm. 17 Missingersuutiniq malinnaatitsineq, konto 47, Utoqqarnik sullissineq**

*Journalnr.*

### Tunuliaqutaq

Aningaasaqarnermut Ataatsimiititaliaq aggstip 10-ani ataatsimiinnermini imm. 8-mi ilaatigut aalajangerpoq, "Ilaqutariinnermut Ataatsimiititaliap eqqornerusumik missingersuusiussasoq" missingersuustitigullu sippuisoornissaq pinaveersaarniarlugu pisariaqartutigit immikkut aningaasaliissutiniq qinnuteqarluni.

### Maleruagassatigit tunngavissaq

- Qeqqata Kommuniata Karseqarnermut Naatsorsuuserinermullu malittarisassai
- Utoqqalinermit pensionisiat pillugit Inatsisartut peqqussutaat nr. 3, 7. maj 2007-imeersoq
- Utoqqarnik paaqqinniffiit il.il. pillugit Inatsisartut peqqussutaat nr. 11, 30. oktober 1998-imeersoq.

### Pissutsit atuuttut

Manna tikillugu atuiniviniq misissuisoqarnikuuvoq nalilersuisoqarlunilu aammalu 2010 sinneranut naatsorsuutigisat ilisimaneqareersunut 2010-p sinneranut naatsorsuutigisassatut pisariaqartikkumaakkat nalilersorneqarlutik.

Utoqqalinersialinnut nuutsisarnerit ataatsimut isigalugu aqukkuminaatsuunngillat, tunngaviumik akigititanik nuutsisarnerit pineqartarmata. Inuttut tapimut tunngatillugu sunniuteqarsinnaanera periarfissaqarpoq.

Utoqqarnik paaqqinniffiit il.il. inissat amerlassusissaannut qaffasissuseq kommunimit aalajangerneqarsinnaanera periarfissaqarpoq. Taamaattorli tunngaviumik malitassaqarpoq, tassalu "Kommunini utoqqarnik paaqqinniffinni inissat pisariaqartinneqartut amerlassusillit pigineqarnissaat kommunalbestyrelsip qulakkiissavaa". Tamanna ilaatigut isumaqarpoq, utoqqaap peqqissaavimmi uninngatinneqarneranut aningaasartuutit kommunalbestyrelsip, suliarineqarneri naammassisimappat utoqqarnullu paaqqinnittarfimmu inissaminnik utaqqiinnarpata. Taamaattumik utoqqaat angerlarsimaffiini inissat pisariaqartinneqartut amerlassusaat nalileruminaappoq.

### Aningaasaqarnikkut allaffissornikkullu kingunerisinnaasai

#### **Konto 47 Sisimiut**

2010-mut missingersuutit	25.745.000 kr.
Immikkut aningaasaliissutissatut pisariaqartitat	1.755.000 kr.
B 2011-mut ukiunullu missiliuteqarfiusunut kingunissai	1.775.000kr.

Utoqqalinersiallit amerlassusaat inuit 370 missaanni amerlassuseqarluni aalajaatsorujussuarmik inissisimavoq. Kontomi 470110 utoqqalinersiallit ukiup naanerani tunngaviumik akissarsianut 740.000 koruuninik atuivallaarnissaq naatsorsuutigineqarpoq. Taakkunannga kommunip akiligassai 74.000 koruuninik annertussuseqarput, tunngaviumik akissarsianiit 90 procenti namminersorlutik oqartussaniit utertinneqartarmat.

Kommunip aningaasartuuteqarnerunissaa immikkut aningaasaliissuteqarnikkut matussusertinneqarusuppoq, taannalu 2011-mi missingersuutinut ukiunullu missiliuteqarfiusunut kinguneqassaaq.

Kontomi 470210 Sisimiuni angerlarsimaffinni ikiorteqartitsinermit ikiorteqarnermit akiliisarnermiit isertitaqarfiusarpoq. Isertitassat taakku missingersuusiorneqarnikuunngillat, naak maannamut atuinermit takuneqarsinnaanngoreersoq 2010-mi – 7.000 koruuninik isertitaqarfiunerussasoq. Taamaattumik kontomut 47021070000 Akiliutit, aningaasartuutaanngitsumik – 7.000 koruuninik immikkut aningaasaliisoqarnissaa qinnuteqaatigineqarpoq.

Konto 472010 Peqqisaavimmi paaqqutarisarialinni uninnganeq, Sisimiut 2010-mut missingersuutini 100.000 koruuninik aningaasaliiffigineqarnikuuvoq. Taamaattorli katillugit 2.219.000 koruuninik atuinissaq naatsorsuutigineqarpoq, tassalu unnuisitsinerit 640-it ataaseq 3.470 koruunilimmiit.

**Konto 47, Maniitsoq**

2010-mut missingersuutit	25.412.000 kr.
Immikkut aningaasaliissutissatut pisariaqartitat	2.101.000 kr.
B 2011-mut ukiunullu missiliuteqarfiusunut kingunissai	2.101.000kr.

Uani annikinnerusumik annerusumilluunniit aningaasaliissuteqarnissamik pisariaqartitsinerit pineqarput, ukiup ataatsip ingerlanerani nalinginnaasumik nikerartutut isigineqarsinnaasut.

Sisimiuni Maniitsumilu assigiinngissutsit tullinnguuttutut isikkoqarsorinarput:

- Maniitsumi utoqqalinersialinnut missingersuutit naleqquttumik missingersuusiorneqarsimapput, Sisimiunili annikinaarlugit missingersuusiorneqarsimallutik.
- Sisimiuni utoqqaat angerlarsimaffiat naleqquppasissumik missingersuusiorneqarsimavoq. Kisiannili inissanik amigaateqarneq pissutigalugu peqqissaavimmiititsinermit annertuumik aningaasartuuteqarsimavoq. Maniitsumi utoqqaat angerlarsimaffianni naammattumik inissaateqartoqarpoq, peqqissaavimmullu annikitsuinnarmik akiliuteqartoqarluni. Illuatu-ngaaticullu missingersuutini ikkussaareersuniit utoqqaat angerlarsimaffiannut annerusumik missingersuuteqarnissaa pisiariaqartinneqarpoq.

Kangaamiuni utoqqaat angerlarsimaffiannut 232.000 koruuninik atuinerunissaq naatsorsuutigineqarpoq.

Aammattaaq Maniitsumi utoqqaat angerlarsimaffiannut 1.931.000 koruuninik atuisoqarnerunissaa nalilerneqarpoq.

2009-mut missingersuutini missingersuutaqaarsimapput	15.725.000
Missingersuutitigut iluarsisat annertussuseqarsimapput	16.164.000
2009-mut naatsorsuutit takutippaat	17.432.000
2010-mut missingersuutit annertussuseqarput	16.679.000
2010-mi pisariaqartinneqartussatut naatsorsuutigisat	18.610.000

Taamaalilluni pisariaqartitsivinnerup takutippaa, Maniitsumi utoqqaat angerlarsimaffiannut nutaanut aallaqqaataaniilli missingersuusiornermit tunngavigisaq pillugu nalornisoqarsimasoq. Nalornissutit ilagisimavaat, Maniitsumi peqqissaavimmi utoqqaat utoqqaat arlallit peqqinnissaqarfiup ataani paarineqarnerat. Utoqqaat illuannut nutaamut nuutsitsinermit sulisut qassiunissaannut pisariaqartitsineq nalornissutigineqarsimassaaq – tamannalu naammattumik malinnaavigineqarsimangilaq.

Qullersaqarfiup oqaaseqaatai

Ilaqutariinnermut immikkoortoq/ataatsimiititaliaq piaartumik aaqqiissutissanik takkussisariaqaraluarpoq, taamaalilluni Sisimiut Peqqissaavianni uninngatitsinerit akisuut siunissami pinngitsoortinneqarniassammata.

Maniitumi utoqqaat angerlarsimaffiata missingersuutit sulisussanullu amerlassusiliinerit Kommunalbestyrelsimt akuersissutaasut malinngilai. Taamaalilluni Utoqqaat angerlarsimaffiani sulisut amerlavallaarput. Tamanna Ilaqutariinnermut immikkoortup/ataatsimiititaliap sukateriffigipallattariaqarpaa, taamaalillutik sulisunut amerlassusiliinerit kommunalbestyrelsip aalajangiineranut naapertuuttunngorlugit.

Immikkoortuni tamani aningaasaqarnerup sukannersumik aqunneqarnissaa ilaqutariinnermut immikkoortortap maluginiaqqissaassagaa pingaaruteqarluinnarpoq.

Allaffeqarfiup naliliinera

Sisimiuni annerusumik pisariaqartitsinerimut immikkut oqaatigineqassaaq, inuit immikkut paarisariallit illersorsinnaasumik namminneq angerlarsimaffiminniissinnaanngitsut naammassillutik passunneqareernerisa kingorna Peqqissaaviup angerlartinnissaanut piumasaqaataa akueriuminaamat. Kommunip ataani ulloq unnuarlu paaqqinnittarfeqanngilaq, soorluttaaq utoqqaat angerlarsimaffianni naammattunik inissaqartitsisoqanngitsoq.

Tassunga atatillugu Qeqqata Kommuniani nalilersuisartoqatigiinnik ataatsimoorussanik pilersitsisoqarsinnaanera eqqarsaatigineqarsinnaavoq, kommunip utoqqarnut inissiaataani inissanik atorneqanngitsunik atuilluarnissamik akisussaasussamik, aammalu nammineq illoqarfigisap avataani oqilisaanneqarsinnaaneq eqqarsaatigalugu.

Piffissami matumani peqqissaaviup plejeafdelingiani uninngasumik aallunneqarnissamik pisariaqartitsumik ataatsimik uninngasoqarpoq, Peqqissaavillu malillugu aamma alla ataaseq unissaaq.

Sisimiuni kontomi 47-mi atuivallaarnissamat naatsorsuutigisamat matussutissatut 1.755.000 koruuninik immikkut aningaasaliisoqarnissaanik qinnuteqaateqartoqarpoq. Annerusumik pisariaqartitsinissaq 2011-mut missingersuutinut ukiunullu missiliuteqarfiusunut 2012-imiit 2014-imut kinguneqarumartoq naatsorsuutigineqarpoq, taamaattorli plejepatientinut tunngatillugu aaqqiisoqassappat allannguuteqartoqarsinnaalluni.

Maniitsumi utoqqaat angerlarsimaffianni annertunerusumik pisariaqartitsinissaq tunngavigalugu, kommunimi utoqqarnut immikkoortoq tamakkerlugu siunissami aqunneqarnissaanut pitsaanerusumik tunngavissaqalernissaq siunertaralugu tullinnguuttut inassuteqaatigineqarput:

- Utoqqaat angerlarsimaffii samminerullugit utoqqarnut immikkoortortap tamarmiusumi pisariaqartitsinernik misissuinerimik aallartitsisoqassasoq
- Illoqarfinni utoqqaat angerlarsimaffiini kommunip ingerlatsineranut tunngavissamik assigiissaarisoqassasoq, tamanna siornatigut pisimanngitsutut isikkoqarmat
- Utoqqaat angerlarsimaffiinut inissiisarneq ataatsimut aaqinneqassasoq, taamaalillutik innuttaasut sumi najugaqarnerat apeqqutaatinnagu kommunimi utoqqaat angerlarsimaffiisa arlaannut inissinneqarsinnaalersillugit
- Kangaamiuni utoqqaat angerlarsimaffata atorunnaarnissaa utoqqarnullu inissiannngortinneqarnissaa siunertaralugu periusissamik aallartitsisoqassasoq
- Utoqqaat angerlarsimaffiini kommunimi sumiluunnit inissisimagaluapat inissanik ingerlatsinerimut inissanik assigiissaarisoqassasoq.



Toqqaannartumik sipaarniutissanik aallartitsineq siunertaralugu aamma eqqarsaatigineqarsinnaavoq, Maniitsumi utoqqaat angerlarsimaffianni najugaqarfiit atuuttuusuni ataaseq arlallilluunniit atorunnaarsinneqaruni sutigut aningaasatigullu inuttullu kingunerisinnaasaanik paasiniaaneq.

Allaffeqarfik naliliivoq, aningaasaqarnermut aqutsinerup sukannerulerulnerna annertunerusumik ilisimaneqassasoq. Taamaattumik Ilaqutariinnermut immikkoortorta qulluinnarni sulinermi aningaasaqarnikkut malinnaatitsinermik qaninnerusumik aallartitsinikuuvoq.

#### Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap oktobarip 7-ani 2010-mi ataatsimiinnermini suliaq suliarivaa.

#### Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap oktobarip 12-ani 2010-mi ataatsimiinnermini suliaq suliarivaa.

#### **Innersuussut**

Aningaasaqarnermut ataatsimiititaliap kommunalbestyrelsimut, immikkut aningaasaliisoqarnissaanik qinnuteqaat, akuereqqullugu innersuussutigissavaa

Sisimiut, 2010-mut missingersuutit	1.775.000kr
Maniitsoq, 2010-mut missingersuutit	2.101.000kr

Ilanngullugu innersuussutigineqassaaq, immikkut aningaasaliissuteqarnissaaq aallaavittut 2010-mut missingersuutinut siunnersuummut ilanngunneqassasoq.

Aammattaaq innersuussutigineqarpoq, allaffeqarfiup siunnersuutaani sorleq ingerlateqqinneqassanersoq isummerfigineqassasoq.

#### **Aalajangiineq**

#### **Ilanngussaq**

1. Sisimiuni Maniitsumilu pingaarnertut kontoni aningaasaliinissamut pisariaqartitat atuinissatullu naatosrsuutigisat aamma Missingersuutit takussutissartaat

**Imm. 18 Missingersuutitigut malinnaatitsineq, konto 48 Innarluutilinnut immikkoortorta**

*Journalnr.*

Tunuliaqutaq

Aningaasaqarnermut Ataatsimiititaliaq aggustip 10-ani ataatsimiinnermini imm. 8-mi ilaatigut aalajangerpoq, "Ilaqutariinnermut Ataatsimiititaliap eqqornerusumik missingersuusiussasoq" missingersuustitigullu sippuisoornissaq pinaveersaarniarlugu pisariaqartutigut immikkut aningaasaliissutinik qinnuteqarluni.

Maleruagassatigut tunngavissaq

- Qeqqata Kommuniata Karseqarnermut Naatsorsuuserinermullu malittarisassai
- Inunnut annertuumik innarluutilinnut ikiorsisarneq pillugu Inatsisartut peqqussutaat nr. 7, 3. november 1994-imeersoq.
- Meeqqanut inuusuttunullu kiisalu annertuumik innarluutilinnut ulloq unnuarlu paaqqinniffiit pillugit Namminersornerullutik Oqartussat nalunaarutaat nr. 64, 29. dec. 1994-imeersoq.
- Annertuumik innarluutillit ikiorserneqartarnerat pillugu Namminersornerullutik Oqartussat nalunaarutissaattut nr. 9, 4. april 2008-imeersoq

Pissutsit atuuttut

Qeqqata Kommunia pilersinneqarmalli immikkoortup missingersuusiornissaa ajornakusoortorujus-suusimavoq. Immikkoortumi immikkuullarissumik kukkunersiuisuniit ikiorteqarnikuvoq. Ajornartorsiutit aammattaaq ukiut arlallit matuma siornali ajornartorsiutaanikuupput.

Missingersuutitigut malinnaatitsineq pigineqalersoq 2010-mi ukiup affaata siulliup Namminersor-lutillu Oqartussat 2010-mi ukiup affaanut kingullermut aningaasalisutigisaanik misilittakkat aallaavigalugit suliaavoq.

Aammattaaq 2010 naalernerani pissutsit imaassasut ilimagineqarpoq, Namminersorlutik Oqartussaniit akiliutit (utertitat) malinnaariissasut nuutsinneqareerlutillu, taamaalillutik 2010 naanerani eqqornerusinnaallutik.

Immikkoortoq 2010-mi januaarip aallaqqaataani kommuninut tunniunneqassasoq naatsorsuutigine-qarpoq, taamaalilluni ingerlatsinikkut aningaasaqarnikkullu pissutsit nutaarluinnangussallutik. Suliamik nuutsinissamat aningaasanut killiliussat sulii naammassillugit suliarineqanngillat.

Aningaasaqarnikkut allaffissornikkullu kingunerisinnaasai

**Konto 48, Sisimiut**

2010-mut missingersuutit 2.859.000 kr.

Immikkut aningaasaliissutissatut pisariaqartitat 1.583.000 kr

B 2011-mut ukiunullu missiliuuteqarfinnut kingunissai: Ingerlatsinikkut aningaasaqarnikkullu pissutsit nutaarluinnaat pigineqalissapput. Kisiannili innarluutilinnut ataasiakkaanut ikiorserneqar-tarnissamik pisariaqartitsivitarneq aallaavittut aamma ukiuni aggersunni pigineqarumaarpoq naatsorsuutigisariaqarpoq. Aningaasaliinissnik pisariaqartitsisut piviusut immikkoortup kommuninut tunniunneqarnerani aningaasat killiliussat annertussusaannik apeqqutitaqarumaarput.

Missingersuutitigut malinnaatitsineq 2010-mi ukiup affaani kingullermi innarluutilinnut Namminer-sorlutik Oqartussat aningaasaliissutaannik aallaveqartinneqarpoq. Taassuma saniatigut aggustimi septembarimilu kommunip tapersersorteqarnernut akunnerunut annertunerusumik atuinera 70.000 koruuni ilanngunneqarpoq, tamatumani Namminersorlutik Oqartussat nalunaaruteqaratik ukiuni

amerlasuuni aningaasaliissutigisartakkatik ikilissimmatigit najugaqatigiiffinni sungiusaanermut akunnernut ataasiakkaanngortillugit.

Ilaatigut akissarsiassanut avitseqataassutissanut utertinneqarsinnaanngitsunut, kisianni kommunip sulititsisutut akiligassaanut 2010-mi atuillaartoqarnissaa naatsorsuutigineqarpoq. Taamaalilluni aningaasartuuteqarnerunissamat pissutaasut ilagaat, akissarsiassanut missingersuutit ukiuni arlalinni qaffasissusaat taamaaginnarsimammat, akissarsiassanut isumaqatigiissutinut, ilassutissat allannguutaanut il.il. aammalu tapersersortaausut amerlassusaasa annertusiartornerannut nalimmassarneqaratik.

Ilaatigut sulisut ilinniartinneqarnerisigut paarlatsinik atuisarneq annikillissinnarlugu sulisoqarpoq.

Qulaani ilimagisat malilugit, 2010-mi atuineq tamakkiisoq 20.195.000 koruunissasoq naatsorsuutigineqarpoq, tassanngaaniit kommunip akiligassaa 4.487.000 koruunit missaaniissasoq naatsorsuutigineqarluni.

Atuillaarnissap naatsorsuutigineqartup matussuserneqarnissaanut 1.583.000 koruuninik immikkut aningaasaliisoqarnissaa qinnuteqaatigineqarpoq. Innarluutillit nalinginnaasumik amerliartornerat malillugu atuineq 2011-mi ukiunilu missiliuuteqarfusuni ingerlaqqissasoq naatsorsuutigineqarpoq.

#### **Konto 48, Maniitsoq**

2010-mut missingersuutit 1.878.000 kr.

Immikkut aningaasaliisoqarnissaanik pisariaqartitat -515.000 kr.

B 2011-mut ukiunullu missiliuuteqarfusunut kingunissai: Sisimiut pillugu oqaaseqaat uani aamma atuuppoq.

Innarluutilinnut aningasaliissutit ukiup affaanoortut tamaasa misissorneqarnerannut atatillugu, 2010-mut missingersuusiortornermmit tunngavigisap appasippallaarsimanera sammeneqarneruvoq, tamannalu siusinnerusukkullu naammaginarsimangilaq. Immikkoortumi naammattumik missingersuusiortoqartarnikuunngimmat, aammalu kommunit aamma Namminersorlutik Oqartussat/Namminersornerullutik Oqartussat akornanni naammangitsumik kingusissumillu akiliuteqartoqartarmat, soorunami suli nalorninarpoq. Aningaasaliisoqarnissaanik pisariaqartitassattaq tunngaveqartinneqarput, Namminersorlutik Oqartussat utertitassat naatsorsukkat aningaasaliiffigineqarnikuusut akilertarmatigit. Suli Namminersorlutik Oqartussat akiliutigisartagaat annertuumik kingusinaarpallaartarput.

#### Qullersaqarfiup oqaaseqaatai

Kommunalbestyrelsip sullissinissatut aalajangiussaasa avataatigut innarluutilinnut immikkoortortaq 100 procentimik utertiffiusussaatitaammat, innarluutilinnut immikkoortortami atuillaartoqartassanngikkaluarpoq.

Atuillaarneq immikkoortuni Namminersornerullutik Oqartussat utertiffigisartagaaniippassimmat aammalu utertiffigineq ajugaaniippasippoq.

Taamaalilluni Sisimiuni immikkortuni aningaasaqarnerup aqunneqarnera sukateriffigineqartariaqarpoq.

Immikkoortuni tamani aningaasaqarnerup sukannersumik aqunneqarnissaa ilaqutariinnermut immikkoortortap maluginiaqqissaassagaa pingaaruteqarluinnarpoq.

Allaffeqarfiup naliliinera

Konto 48-mi ilisarnarpoq, 2010-mi missingersuutini ukiunilu siuliini tunngavigisaq, naammattumik suliaasimannigitoq pissutsivinnullu tulluarsarneqarsimannigitoq. Taamaattumik missingersuutit ilaatigut kommunip suliaasaanut aningaasartuutissaanillu amigaatilittut nalorninartulittullu amigaa-teqarput. Aammattaaq kontomik pilersaarutip suliarineqarnera, allaffissornermi periutsinut immiik-kortumi takuminaatsitsivoq nakkutigiuminaatsisisillunilu pisarissersortivoq.

Immikkoortoq 2011-mi januaarimiit kommuninut tunniunneqassasoq pilersaarutaammat, immik-koortoq ukiuni aggersuni allaanerumik missingersuusiorneqartassaaq, kommunit Naalakkersuisullu akornanni aningaasaqarnikkut killiliussassat isumaqatigiissutaareerpata. Aallaavittulli soorunalimi naatsorsuutigisariaqarpoq, kommunit maannatulli ilanngaaseriikkanut aningaasartuuteqassammata. Kisianni isumaqatiginninniarnerni suli aningaasaqarnikkulluunniit killiliussassat isumaqatigiissuti-gineqanngillat.

Allaffeqarfik naliliivoq, aningaasaqarnermut aqutsinerup sakunnerulerulnara annertunerusumik ilisimaneqassasoq. Taamaattumik Ilaqutariinnermut immikkoortorta qulluinnarni sulinermi aningaasaqarnikkut malinnaatitsinerumik qaninnerusumik aallartitsinikuuvoq.

Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap oktobarip 7-ani 2010-mi ataatsimiinnermini suliaq suliarivaa.

Ilaqutariinnermut ataatsimiititaliap innersuussutaa

Ilaqutariinnermut ataatsimiititaliap aningaasaqarnermut ataatsimiititaliamut, immikkut aningaasaliisoqarnissaanik qinnuteqaat, akuereqqullugu innersuusutigissava

Sisimiut, 2010-mut missingersuutit	1.583.000kr
Maniitsoq, 2010-mut missingersuutit	-515.000kr

2011-mut missingersuutinut ukiunullu missiliuteqarfiusunut tunngatillugu suliamik saqqummiinnermi oqaaseqaatit innersuusutigineqarput.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap oktobarip 12-ani 2010-mi ataatsimiinnermini suliaq suliarivaa. 2010-mut tunngatillugu innersuusutigineqartoq akuersissutigineqarpoq. 2011-mut tunngasortaa isummerfigineqanngikkallassaaq.

**Innersuussut**

Aningaasaqarnermut ataatsimiititaliap kommunalbestyrelsimut, immikkut aningaasaliisoqarnissaanik qinnuteqaat, akuereqqullugu innersuusutigissava

Sisimiut, 2010-mut missingersuutit	1.583.000kr
Maniitsoq, 2010-mut missingersuutit	-515.000kr

**Aalajangiineq**

**Ilanngussaq**

1. Missingersuutinut takussutissiaq atuinissamillu naatosruutigisat Sisimiunilu Maniitsumilu pingaar-nertut kontomi aningaasaliisoqarnissaanik pisariaqartitat.

**Imm. 19 Missingersuutiniq malinnaatitsineq, konto 49 Isumaginninnermi aningaasartuutit allat**

*Journalnr.*

Tunuliaqutaq

Aningaasaqarnermut Ataatsimiititaliaq aggustip 10-ani ataatsimiinnermini imm. 8-mi ilaatigut aalajangersoq, "Ilaqutariinnermut Ataatsimiititaliap eqqornerusumik missingersuusiussasoq" missingersuustitigullu sippuisoornissaq pinaveersaarniarlugu pisariaqartutigit immikkut aningaasaliissutiniq qinnuteqarluni.

Maleruagassatigut tunngavissaq

- Qeqqata Kommuniata Karseqarnermut Naatsorsuuserinermullu malittarisassai
- Kajumissutsimik sammisaqartitsinerit

Pissutsit atuuttut

Ilaqutariinnermut Immikkoortortap konto 4905 Ilaqutariinnut kifartuussivik missuataareerpaa, ukiullu sinneranut pisariaqartitassatut naatsersuutigineqartut aallaavigalugit pisariaqartinneqartut naatsorsorneqareerlutik. Aammattaaq nalilerneqarluni maanna pisariaqartinneqartut 2011-mut missingersuutiniq ukiunullu missiliuuteqarfiusunut kinguneqartitsissasoq.

Aningaasaqarnikkut allaffissornikkullu kingunerisinnaasai

**Konto 490511 Sisimiut**

2010-mut missingersuutit	4.113.000 koruunit
Immikkut aningaasaliissutissatut pisariaqartit:	-600.000 koruunit
2011-mut missingers. ukiunullu. missiliuuteqarf. kingunerisassai	0 koruunit

2010 septembarip naanerani atuinikinneruffiusimavoq, ingammik atorfinnut inuttaqanngitsunut tunngasut. Atuinikinneruffiusut konto 4 Ilaqutariinnermut Immikkoortortaqaarfik-mi aningaasaliiffigineqarnissamik pisariaqartitsissifiusut ilaanut matussutaanissaat siunnersuutigineqarpoq.

**Konto 49, Maniitsoq**

2010-mut missingersuutit	2.694.000 koruunit
Immikkut aningaasaliissutissatut pisariaqartit	0 koruunit

Qullersaqarfiup oqaaseqaatai

Sutigut tamatigut aningaasaqarnermi sukangasumik aqutsisoqarnissaa Ilaqutariinnermut Ataatsimiititaliaq eqqumaffiginnissasoq pingaartorujussuavoq.

Allaffeqarfiup naliliinera

Atorfiit tamakkerlutik inuttaqalernikuummata 2011-mut missingersuutini 2012-imiillu 2014-imut ukiuni missiliuuteqarfiusuni assingusumik atuinikinnerusoqarnissaa naatsersuutigineqanngilaq. Aammaattaaq pinaveersaartitsineri suliniutit annertusineqarnissaat naatsersuutigineqarpoq, ilaatigut angerlasimaffiup avataanut inissiisarnerit ikilisaanissaq qitiutillugu suliniarnikkut aamma meeq-qat angerlarsimaffiup avataanut inissinneqarnikut angerlartinneqarnissaannik periarfissaqartitsinik-kut.

Allaffeqarfiup nalilerpaa, aningaasaqarneq pillugu ilisimasat annertunerulermata aqutsineq sukanernerulissasoq. Tamanna pillugu ulluinnarni aningaasaqarnerup malinnaavigineqarluarnissaa Ilaqutariinnermut Ataatsimiititaliap atuuttuulersippaa.

Ilaqutariinnermut atatsimiititaliami suliap suliarinera

Ilaqutariinnermut atatsimiititaliap oktobarip 7-ani 2010-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap oktobarip 12-ani 2010-mi ataatsimiinnermini suliaq suliarivaa.

**Innersuussut**

Aningaasaqarnermut ataatsimiititaliap kommunalbestyrelsimut, immikkut aningaasaliissutinik qinnuteqaat, akuereqqullugu innersuusutigissavaa

Sisimiut, 2010-mut missingersuutit -600.000 koruunit

Ilanngullugu innesuusutigineqassaaq, immikkut aningaasaliissutaasut 2011-mut missingersuutitut ukiunullu missiliuuteqarfiusunut kinguneqartinneqassanngitsut.

**Aalajangiineq**

**Ilanngussaq**

1. Sisimiuni Maniitsumilu kontoni pingaarnerni missingersuutitut, atugassatut naatsersuutitut kiisalu immikkut aningaasaliiffigineqarnissamut pisariaqartitanut takussutissiaq.

**Imm. 20 Illoqarfik qimannagu perorsaasunnigorniarneq Sisimiuni ingerlanneqartup august-imi 2011-imi ingerlaannassava, ilinniarnep affaata ingerlanneqareer-nerani naliliineq aallaavigalugu, Perorsaanermik Ilinniarnep, Sisimiunerssup**

*Journalnr. 52.03.04*

Tunuliaqutaq

Illoqarfik qimannagu perorsaasunnigorniarluni ilinniarnep aallartinneqarpoq Sisimiuni 2008-mi, Juli 2008-mi aningaasaqarnermi ataatsimiisitaliaq innersuussuteqarpoq kommunalbestyrelse-mut illoqarfik qimannagu perorsaasunnigorniat taamani Sisimiut Komminianni aallartinneqassasoq.

Ilinniarnep aallartinneqalerma qinnuteqartut 45-it missaanniittut misilitsinneqarsimapput, taakkunanngalu ilinniartut 20-it aallartissinnaalersimapput ilinniarnerminnik august-imi 2008-mi. Ilinniarnep ingerlanneqarnerata affaa ingerlareersup nalilernerata ilisimatitsissutigineqarpoq ilinniartut 19-it suli ilinniakkaminnik ingerlatsisut nalunaarutigineqarput.

Illoqarfik qimannagu perorsaasunnigorniarneq siulliit ilinniakkaminnik naammassissapput juni 2011-imi.

Illoqarfinnik ukunani illoqarfik qimannagu perorsaasunnigorniarneq ingerlanneqarpoq.

- Sisimiuni.
- Ilulissani.
- Nuummilu.

Qeqqata Kommuuniata akissarsianut immikkoortissimavai ilinniagaqartunut Sisimiut Kommunianni maanni Qeqqata Kommuniani:

Illoqarfik qimannagu perorsaasunnigorniarneq / Sisimiut. Ilinniagaqartunut akissarsiat.

Konto-mi	2009	2010	2011
50-01-11-01-10	4.153	2.844	1.895

Naak ilinniarnep aallartimmat inissaqarniarneq ajornartorsiuteqartoqaraluartoq, inissaqarniarneq aporfiginagu ilinniartut suliamikkut ingerlatsilluarsimapput, ilinniartitsisumit aammalu suliffimmi misiliinermi siunnersortiusut naammagisimaarlugaannik. Tassanilu patsisaalluinnarpoq ornittakkat aammalu meeqqeriviit ininik ilinniagaqartunut inissaqartitsisarsianerat.

Maleruagassatigut tunngavissat

Karsimik aammalu naatsorsuineramik maleruagassaq Qeqqata Kommuniani.

Pissutsit atuuttut

Illoqarfik qimannagu perorsaasunnigorniarneq Sisimiut illoqarfianut iluanaarutaasussaavoq, ilinniagaqartut naammassigunikkut perorsaasunik ilinniarsimasunik 19-inik amerlanernik peqalertussaammat.

Ilinniarnep Sisimiunut akisusimavoq, Qeqqata Kommunianut, ilinniagaqartut allat assigalugit Namminersorlutik Oqartussanit ilinniagaqarnerisannik tunineqarneq ajorpoq, neriorsuutigineqarsimagaluarporlu aqqiisoqarumaartoq ilinniagaqartut ilinniagaqarnerisaaqalerumaartut, ajoraluar-tumilli ukiut marluk sinnerpaat qinnuteqaataasimasooq suli akuersissutigineqanngimmat.

Ilinniagaqartunut akissarsiaat Qeqqata Kommuniata tamaviisa matussuserlugit aningaasartuutigaat, pingaaruteqarpoq ilinniagaqarneq pillugu annertuumik eqqartueqatigiinnissaq pisariaqartoq.

Ilinniagaqarnerlu ingerlaqqissappat Qeqqata Kommuniani, Maniitsumit saaffiginnittoqartarpoq illoqarfik qimannagu perorsaasunngorniarnermut ilaarusullutik. Ullumikkut Sisimiut illoqarfiani aammalu nunaqarfiini perorsaasut 21-it amigaatigineqarput, augustimi 2010-mi.

Aningaasaqarnikkut allaffissornikkullu kingunerisinnaasai

Aaliangiisoqassapput ilinniarneq ingerlatiinnarneqassasoq taava aningaasaliisoqaqittoqartariaqassaaq illoqarfik qimannagu perorsaasunngorniarnermut Sisimiuniittumut.

Illoqarfik qimannagu perorsaasunngorniarneq / Sisimiut. Akissarsiat ilinniagartussanut ukiunullu tulliuuttunut aggersunut.

Konto	2011	2012	2013
50-01-11-01-10	1.895	2.844	1.895
Aningaasaliissutissatut pisariaqartitat	2.258	2.844	1.895

Qullersaqarfiup oqaaseqaatai

Perorsaasunngorniarneq ilinniarfiuvoq ingerlaqqiffik taamaasilluni Namminersorlutik Oqartussat akisussaaffigalugu, piffissaq kingulleq perorsaasunik amigaateqarneq pissutigalugu taamani Sisimiut Kommmuuniugallarmat akisussaaffik tigusimagaa.

Perorsaasunngorniat naammasseriarpata, Sisimiut nunaqarfiinilu amigaatigineqalersimassapput perorsaasut marlunnik. Maniitsumili misissuisoqartariaqarpoq perorsaasunik qanoq amerlatigisunik amigaateqartoqarnersoq.

Allaffeqarfiup naliliinera

Ilinniartitaanermi immikkoortoqarfik Sisimiut nalilerpaa ilinniartitaaneq tassaasoq Namminersor-lutik Oqartussat akisussaaffigaaat, ilinniartitaaneq Nunatsinni akisussaaffigaaat.

Illoqarfik qimannagu perorsaasunngorniarneq Qeqqata Kommuniani neqoroortitut ingerlaannasappat, ilinniagaqartut akissarsiaannut ilinniagaqarnerisiamik ilaqartariaqartoq, soorlu ilinniartut allat Nunatsinni taamatut ilinniagaqartinneqartartut. Matussuseeqataasariaqartut ilinniartuutitta akissarsiaasaannut.

Ilinniagaqartut 19-it naammasseriarpata, Sisimiut illoqarfiani aammalu nunaqarfiini perorsaasunik taamaallaat marluinnarnik amigalersimassapput, kisiannili perorsaasut arlallit maanni ukioqqortuunngorsimalerput, ukiunilu qaninnerni soraarninngortussaassallutik.

Allaffeqarfiup innersuussuta

Ilinniartitaanermi immikkoortoqarfiup innersuussutigaa sammisaq aaliangiisoqartinnagu annertunerusumik oqallisigilluarneqassasoq, sulilu perorsaasunik amigaateqartoqassappat illoqarfik qimannagu perorsaasunngorniat ingerlateqqinniarneqarsinnaavoq aatsaalli Namminersorlutik Oqartussat ilinniagaqarnerisutitut tapiissuteqarsinnaassappata aammalu atuarfiusinnaasunik naleqquttunik attartorsinnaassappata, suliarlu aningaasaqarnermi ataatsimiisitaliamut aaliangigas-sanngorlugu ingerlateqqinneqassasoq.

Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap aggustip 16-ani 2010-mi ataatsimiinnermini suliaq suliarivaa

Ataatsimiisitaliamit innersuussutigineqassaaq illoqarfik qimannagu perorsaasunngorniat ilinniartitaanerat Qeqqata Kommuniani ingerlaannarnissaa, suliarlu aningaasaqarnermut ataatsimiisitaliamut ingerlateqqinneqassaaq.



Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap septembarip 21-ani 2010-mi ataatsimiinnermini suliaq sularivaa.

Maniitsumi periarfissat misissorneqassapput, Illoqarfik qimannagu perorsaasunngorniat ilinniartitaanerat Qeqqata Kommunian Sisimiuni ingerlaannarnissaa akuersissutigineqarpoq.

**Innersuussut**

Kommunalbestyrelsimut akuereqqullugu innersuussutigineqassaaq,

illoqarfik qimannagu perorsaasunngorniat ilinniartitaanerat Qeqqata Kommuniani ingerlaannassasoq

**Aalajangiineq**

**Ilanngussaq**

1. Perorsaanermik Ilinniartarfik, Sisimiut: Piffissap affaanik naliliineq maj 2010.

**Imm. 21 Qeqqata Kommuniata inissiaataani immikkoortortanut 2011-mut missingersuutissatut siunnersuut**

*Journalnr. 06.01.01/2011*

Tunuliaqutaq

Qeqqata Kommuniani ininik aqutsisup A/S Inissiaatileqatigiiffik INI 2011-mut missingersuutissatut siunnersuut, taamaalillunilu 2011-mi kommunip inissiaataani akigititassat akuerisassanngorlugit nassiuppai.

Ininut akiliutissat allannguuteqartinninnerini qaammatinik pingasunik sioqqutsilluni nalunaarutigineqartussaapput. Taamaattumik najugaqartut ilisimatinnissaat eqqarsaatigalugu piffissaagallartil-lugu septembarip 30-iat sioqqutingaatsiarlugu aalajangiisoqartussalluni.

Maleruagassatigut tunngavissaq

A/S Inissiaatileqatigiiffik INI-mik (aqutsisoq) allaffissornikkut ininik aqutsinissamik Qeqqata Kommuniata (inissianik piginnittoq) isumaqatigiissutaat naapertorlugu, inissiaqarfanni immikkoortuni missingersuutit ukiumut ataasiarlugit inissianik piginnittumit akuerineqartartussaapput.

Pissutsit atuuttut

Kommunip inissiat pigisani inissiaqarfinnut immikkoortunut 4-nut agguataarnikuuai, taakkulu tamarmik A/S Inissiaatileqatigiiffik INI-miit aquaallutik. Inissiaqarfiit taakku 4-t tassaapput kommu-niusimasuni marluussuni inissiaqarfiusut marlukkaat. Taakkunani tamani ilaqutariinnut arlalinnut inissiaqarlunilu ilaqutariinnut ataasiakkaanut affarleriinnullu aamma inissiaqarluni.

Kommunip inissiaateqarfii	Ilaqutariinnut allalinnut	Ilaqutariinnut ataasiakkaanut affaleriinnullu
Maniitsumi	Immikkoortoq 07-246	Immikkoortoq 07-258
Sisimiuni	Immikkoortoq 08-268	Immikkoortoq 08-285

A/S Inissiaatileqatigiiffik INI-p siunnersuutigivaa, inissiaqarfiinni immikkoortuni akigititassat tulliuttut qaffariartinneqassasut, taamaalillunilu inimut kvadratmeterimut 2011-mi akigititassat imaalissasut:

Ininut akigititassatut INI-p siunnersuutaa	Inimut akiliutip qaffariaataa %	Inimut akiliut kr./m <sup>2</sup>
Immikkoortoq 07-246	0,00	721
Immikkoortoq 07-258	3,10	720
Immikkoortoq 08-268	3,00	666
Immikkoortoq 08-285	3,25	558

Ininut akiliut Maniitsumi immikkoortortani Sisimiuni immikkoortortanut sanilliullugu nalinginnaa-sumik qaffasinneruvoq, taamaattumillu Maniitsumi appasinnerusumik qaffariaateqartitsinissaq siunnersuutaalluni.

Tamatuma saniatigut A/S Inissiaatileqatigiiffiup allakkamini paasissutissiissutigivaa, ilaqutariinnut ataasiakkaanut affarleriinnullu inissiani aserfallatsaaliinissamik pisariaqartitsineq annertoorujussuu-galuaq aningaasaliiffiunngitsoq. Tamatumani Maniitsumi immikkoortortami 258-mi inissiamut ataatsimut 250.000 koruunit Sisimiunilu immikkoortortami 285-imi 280.000 koruunit atorfissaqar-tinneqarnissaat naliligaallutik.

A/S Inissiaatileqatigiiffik INI isumaqarpoq, taama pisariaqartumik qaffariaateqartitsinikkut immikkoortortani taakkunani marluusuni aserfallatsaaliinissamik kinguartoorutaasimasut matussutissaqartinneqalernaviannigitsut, tassa akerineqarsinnaasumik attartornermut akeqatitsinissaq isiginiarlugu. Taamaalillunilu INI-p siunnersuutigivaa, aserfallatsaaliinissamik ajornartorsiut ukiut tulleriaarlugit akiliummik qaffatitsisarnertigut kiisalu aserfallatsaalisariallit tuniniarnerisigut iluarsiifiginiarneqassasoq.

#### Aningaasaqarnikkut allaffissornikkullu kingunerisinnaasai

Kommunip inissiaataani ineqarnermut akiliut agguaqatigiisillugu missingersuutissatut siunnersuutit naapertorlugit kvadratmeterimut 671 koruuniussaaq. Qeqqata Kommuniani ilaqutariinnut arlalinnut ineqarnermut akiliut kvadratmeterimut 677 koruuniuvoq, taannalu Namminersorlutik Oqartussat inissiaataani ineqarnermut akiliutip agguaqatigiisinneraniit kvadratmeterimut 600 koruuniusumiit qaffasinnerulluni.

Taamaakkaluartorli maluginiassallugu pisariaqarluni, Namminersorlutik Oqartussat iluarsartuussinernut nutarterinernullu Aningaasanut Inatsit aqutigalugu aningaasartuutilerujussuunerat, tassa ineqarnermut akiliutip qaffannera aqutiginagu. Ukiunilu kingulliunerusuni ajoraluartumik Nuuinarmi.

Qeqqata Kommunia taamatut inississanngippat, ilaqutariinnut allalinnut kommunip inissiaatai suli Namminersorlutik Oqartussat inissiaataanniit taakku assinginiit akisunerusariaqarput. Inissiat pitsaasusiat aamma kommunit inissiaataanni Namminersorlutik Oqartussat inissiaataannut qanganisertunut, tassa 1960'ikkunni 1970'ikkunnilu qaqortorsuarnut sanaanut, sanilliullugit pitsaanerupput.

Qeqqata Kommuniani ilaqutariinnut ataasiakkaanut affaleriinnullu inissitaani ineqarnermut akiliut kvadratmeterimut 613 koruuniuvoq, taannalu Namminersorlutik Oqartussat ilaqutariinnut arlalinnut inissiaataani agguaqatigiisillugu kvadratmeterimut akigititamit 756 koruuniusumiit appasinnerungaatsiarluni.

Tamatumani peqqutaaneruvoq, Namminersorlutik Oqartussat ilaqutariinnut ataasiakkaanut inissinullu affaleriinnut 2010-mut akigititani 51 procentinik qaffammagit, tassa aserfallatsaaliinermi aningaasartuutissat ilaat akilersinnaajumallugit. Peqatigitillugulu tamatumuuna aamma attartortut namminneq piginnilernissaat soqutigineqarnerulersillugu. Namminersorlutik Oqartussat ilaqutariinnut ataasiakkaanut inissianullu affaleriinnut akigititartik 3 procentinik 2011-mi qaffanniarpaat.

Najugaqarfimmi 07-258 ilaqutariinnut ataasiakkaanut inissiat 34-t Maniitsumilu inissiat affaleriit ukiuni aggersuni qulini aserfallatsaaliinikkut pisariaqartitsineq aningaasassartaqartinneqanngitsut 7,8 mio. koruunit pineqarput, tassalu najugaqarfimmut ataatsimut 250.000 koruunit nalingat, taamaalillunilu aserfallatsaaliinissaq akissaqartinniassagaanni ukiumut 10 procentinik ukiuni tulluuttuni qulini qafaanissaq sanioqqunneqarsinnaassanani.

Najugaqarfimmi 08-285 ilaqutariinnut ataasiakkaanut inissiat 43-t Sisimiunilu inissiat affaleriit ukiuni aggersuni qulini aserfallatsaaliinikkut pisariaqartitsineq aningaasassartaqartinneqanngitsut 12,8 mio. koruunit pineqarput, tassalu najugaqarfimmut ataatsimut 280.000 koruunit nalingat, taamaalillunilu aserfallatsaaliinissaq akissaqartinniassagaanni ukiumut 18 procentinik ukiuni tulluuttuni qulini qafaanissaq sanioqqunneqarsinnaassanani.

#### Qullersaqarfiup oqaaseqaatai

Immikkut oqaaseqaatitassaqanngilaq.

#### Allaffeqarfiup naliliinera

Allaffeqarfik isumaqarpoq, ilaqutariinnut arlalinnut inissianut immikkoortunut atatillugu INI-p ineqarnermut akiliummik qaffaassutissatut siunnersuutai naammaginartuusut tamatumani aamma ilaqutariinnut arlalinnut inissiat aningaasaqarnerata ajunngitsuunissaa qulakkeerneqassammat.

Allaffeqarfik isumaqarpoq, ilaqutariinnut ataasiakkaanut affarleriinnillu inissiaqarfiit taakku marluk pitsaanngitsoq, tamatumani eqqarsaatersuuteqarnissaq sanioqqunneqarsinnaanani. Ineqarnermut akiliut INI-p minnerpaamik siunnersuutaatut Maniitsumi 3,1 procentinik Sisimiunilu 3,25 procentinik qaffattariaqassaaq, tamatumuunali najugaqarfiit aserfallavinginnissaat nutartertariaqalinnginnissaallu taamatullu nakkaativinnginnissaat naammassineqassalluni. Taamaattumik allaffeqarfiup taamatut aaqiinissaq tapersorsorsinnaanngilaa.

Allaffeqarfilli naliliivoq, ineqarnermut akiliutip ukiut tamaasa ukiuni tulliuuttuni qulini Maniitsumi 10 procentinik Sisimiunilu 18 procentinik akuerineqarsinnaanngitsumik annertuallaassasoq. Taamaattumik allaffeqarfiup siunnersuutigerusullugu ukiumut 5 aamma 10 procentiunissaat naape-riutiginiarlugu. Tamatumuunali iluarsartuussinissamik ajornartorsiut qaangerneqassanngilaq.

Illut attartukkat eqqarsaatigalugit tamakku suli attartortuunermiit piginnittuunermut neqeroorut aqutigalugu neqeroorutigineqaannassapput. Ineqarnermut akiliutip qaffakkiartornera ilutigalugu illup namminerisatut pigilernissaa pilerinarsigaluttuinnassaaq. Pingaartumik tamatumani aamma erseqqissaatigigaanni, piffissami qanittumi illut iluarsartuunnissaat aningaasasaqartinneqanngitsoq, tassa kommunip piginnassappagit.

Sulisunut pisortaasunullu inissiat eqqarsaatigalugit tamatumani ajornartorsiutaavoq, illut iluarsartuunnissaannut inissiateqarfik akissaqanngimmat, kommunillu massakkumut politikkaa eqqarsaatigalugu tamatuma allanngortinnissaa periarfissaqarsorinarani. Naggataatigullumi kommuni iluarsartuussinissamut oqimaarsartorujussuanngussalluni, tassa kommunip tamakkiisumik nammineq akiligassarilissammagu.

Taamaattumik allaffeqarfik naliliivoq, kommunip sulisunut pisortaasunullu inissaqartitsisuunissami allanngortitsinissani eqqarsaatigisariaqaraa. Illut tamakku ukiut qassit piuneri apeqqutaatillugit tuniarnissat pissusissamisoorsorinarpoq, siunertarlu taanna eqqarsaatigalugu allanik pisilluni sanaartorluniluunniit. Illut attartortuunermiit piginnittuunermut periuseq aqutigalugu imaluunniit akisunermut tunineqarsinnaapput, tassa qimanneqarneranut atatillugu. Tamatumani maluginiassallugu pingaaruteqarpoq, inatsisikkut periarfissaraluaq tulliuuttoq mattunneqarnikummat, tassalu Nuummi atorfillit qulliunerusut politikkerillu pisortanut inissianik nalinginnaasumik tuniniaanermut akigitittakkanut, tassa teknikkikkut-aningaasaqarnikkullu nalilersuunermut sanilliullugu akikinaarinnillutik pisisnaanerat. Ullumikkut taamaallaat nalinginnaasumik tuniniaanermik akigititaasinnaasut attartortuunermiit piginnittuunngornermut atatillugu atorineqartarput.

Taamatuttaaq allaffeqarfik naliliivoq, kommuni illunik nutaanik pisinermi sanaartornermiluunniit iluarsartuussinerli pinnagu Namminersorlutik Oqartussanut sanilliullugu tapiissuteqarnissami allaanerumsumik periarfissaqarmat, taava aningaasaqarneq eqqarsaatigalugu pitsaanerussasutut isumaqar-narsinnaavoq, illut nutaanngitsut tuneriarlugit nutaamik pisinissaq iluarsartuussinermiit imminut akilerluarnerusinnaassasoq.

Tamatumani illoqarfinni pisortaasunut inissiat ilaapput, tassa 20-20-60 aqutigalugu attartorsinnaanermi imaluunniit kvadratmeterimut tapiissuteqarfiginninnermi, imaluunniit nunaqarfinni, illut ikkusoriaannaat kiisalu kvadratmeterimut tapiissuteqartarneq Namminersorlutik Oqartussat tapiis-suteqarnissamik periarfissarigaat.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap septembarip 21-ani 2010-mi ataatsimiinnermini suliaq sularivaa.

### **Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavai tulliuttut paasissutissatut tiguneqassasut

Maniitsumi Sisimiunilu ilaqutariinnut arlalinnut inissiaqarfiit 0 aamma 3 procentinik 2011-mi qaffaaffigineqassasut.

Ilaqutariinnut ataasiakkaanut inissiat affaleriillu Maniitsumi Sisimiunilu 5 aamma 10 procentinik 2011-mi qaffaaffigineqassasut.

tulliuttullu akuersissutigineqassasut

Ilaqutariinnut ataasiakkaanut affaleriinnullu inissiani attartortut ilaqutariinnut arlalinnut inissiani taarsiullugu najugassaannik neqeroorfigineqassasut, najugaqarfigisimasaallu illut akisuneqqusaatsitsinikkut tuniniarneqarlutik.

Qeqqata Kommuniata misilillugu sulisunut pisortaasunullu inissiaatini iluarsartuunnagit nutaanik taarseniassagai.

Qeqqata Kommuniata sulisunut pisortaasunullu inissiaatini siunissami qimanneqarnerisigut akisuneqqusaassinikkut imaluunniit attartortuunermiit piginnittuunermut periuseq aqutigalugu tuniniasagai.

### **Aalajangiineq**

#### **Ilanngussat**

1. INI A/S-miit allagaq
2. Inissiaqarfinnut immikkoortortakkaartumik missingersuutit

## **Imm. 22 Qeqqata Kommuniani kommunip susassa qarfiisa ingerlanneqarneri pillugit ileqqoreqqusap allannguuteqartinnera**

*Journalnr.01.00.01*

### Tunuliaqutaq

Kommunalbestyrelsi juunip 17-ini 2010-mi aalajangiivoq, Aatsitassanut Attaveqaqatigiinnermullu ataatsimiititaliaq kiisalu Namminersorlutik Oqartussaniit suliassanik tigusinissami ataatsimiititaliaq ataatsimiititaliat atorunnaarsinnissaannut atatillugu tusarniaaffigineqaqqaassasut.

### Maleruagassatigut tunngavissaq

Kommunit aquneqarnerat pillugu Inatsisartut inatsisaat nr. 14, 5. december 2008-mersup § 1-ani, imm. 2 oqaasertaqarpoq: " *Kommunalbestyrelsip kommunip aquneqarneranut malittarisassat ersarinnerusut tassunga ilanngullugit borgmesterip suliassa qarfiinut maleruagassat aqutsinermut malittarisassani suliarissavai. Aqutsinermi malittarisassassatut siunnersuutit aamma malittarisassanut atuuttunut allannguutissatut siunnersuutit kommunalbestyrelsimi minnerpaamik ullunik 14-inik akuttussuseqartumik suliarineqassapput.* "

### Pissutsit atuuttut

Isumasioqatigiinnermi april-ip 28-iani 2010-mi kommunalbestyrelsi aalajangerpoq:

- Aatsitassanut attaveqaqatigiinnermullu ataatsimiititaliaq tusarniaaffigineqaqqaassasut atorunnaarsinnissaa pillugu aalajangiisoqannginnermi.
- Teknikkimut Avatangiisinullu ataatsimiititaliaq Aatsitassanut attaveqaqatigiinnermullu ataatsimiititaliap susassa qarfiinik tigusinissaa pillugu, taamatullu Namminersorlutik Oqartussaniit suliassanik tigusinissami namminermut tunngasutigut susassa qartuunnissaa pillugu.
- Suliassanik tigusinissamik ataatsimiititaliaq tusarniaaffigineqaqqaassasut atorunnaarsinnissaa pillugu aalajangiisoqannginnermi.

Taamatut aalajangiineq tulluuttut isiginiarlugit pisimavoq, tassa Aatsitassanut Attaveqaqatigiinnermullu ataatsimiititaliaq Namminersorlutik Oqartussaniit suliassanik tigusinissami ataatsimiititaliaq suliasaat ingerlatsinikkut akisussaaffeqarfiusussaangimmata.

Aatsitassanut Attaveqaqatigiinnermullu ataatsimiititaliaq ataatsimiinnerni marlunni, kingullermik septembarip 27-ni 2010-mi tusarniut oqallisigisimavaat. Septembarip 27-ni 2010-mi ataatsimiinnermi ataatsimiititaliaq aalajangiivoq, Aatsitassanut Attaveqaqatigiinnermullu ataatsimiititaliaq ingerlaannassasoq, ilaatigullu soorlu alumiiniumik pilersaarummut atatillugu suliassat tigussallugit.

Teknikkimut avatangiisinullu ataatsimiititaliaq aamma ataatsimiinnermi marluusuni, kingullermillu septembarip 27-ni 2010-mi tusarniut oqallisigisimavaat. Teknikkimut avatangiisinullu ataatsimiititaliaq aalajangiivoq, Teknikkimut Avatangiisinullu ataatsimiititaliap siulittaasuata partiini suleqatigiit gruppiisa siulittaasui attaveqarfigissagai.

Namminersorlutik Oqartussaniit suliassanik tigusinissami ataatsimiititaliap atorunnaarsinnissaa eqqarsaatigalugu, teknikkikkut suleqatigiit Siumut Atassullu tunuliaquttaminnik tusarniareerner-mikkut ersarissumik nalunaarutaasoq septembarip 30-ani 2010-mi e-mailikkut nalunaarutigivaat, Suliassanik tigusinissami ataatsimiititaliap atorunnaarsinneqarnissaa kissaatigineqartoq.

### Allaffeqarfiup naliliinera

Ataatsimiititaliat marluk ingerlatsinikkut akisussaaffeqanngitsut atorunnaarsinnissaat susassaqrifiisalu ataatsimiititalianut ullumikkut pioreersunut allanut ilanngunnissaat pissusissamisoortutut allaffeqarfimmit sulii isumaqarfigineqarpoq. Suliassanik tigusinissamut ataatsimiititaliap susassaqrifiieqqarsaatigalugit, ullumikkut ataatsimiititaliat susassaqtartut tamakku kommuninut tunniunneqartartut suliarisareerpaat.

Aqutsinikkut ileqqoreqqusap allannguutissaatut siunnersuummut allannguutissai qalipaatit assigiinngitsut atorlugit nalunaaqqapput, imalu paasisassaallutik:

- aappaluttumik allatat piigassat
- qorsummik allatat, Aatsitassanut attaveqaqatigiinnermullu ataatsimiititaliami allaqqasoq Teknikkimut avatangiisinullu ataatsimiititaliamut ikkunneqassaaq
- tungujortumik allatat, Ikaarsaariarnermut ataatsimiititaliap oqaasertai ataatsimiititalianut atavartunut tamanut ikkunneqassaaq.

Allaffeqarfik sulii naliliivoq, ataatsimiititaliat arlallit atorunnaarsinnerisigut allaffissornikkut sipaaruteqartoqarsinnaasoq.

### Allaffeqarfiup innersuussutaa

Kommunalbestyrelsimut innersuussutigineqassaaq:

- Namminersornerullutillu Oqartussaniit suliassanik tigusinissamut ataatsimiititaliap atorunnaarsinneqassasoq
- 2012-p naalernerani ataatsimiititaliat ilusilersorneri kommunalbestyrelsip nalilersuiffigeqqissagai.

### Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap oktoberip 12-ani 2010-mi ataatsimiinnermini suliaq suliarivaa. Innersuussutigineqartut akuersissutigineqarput, imaalilluguli ataatsimiititaliat ilusilersorneri 2011-p naalernerani kommunalbestyrelsip nalilersuiffigeqqissagai.

### **Innersuussut**

Kommunalbestyrelsimut innersuussutigineqassaaq:

- Namminersornerullutillu Oqartussaniit suliassanik tigusinissamut ataatsimiititaliap atorunnaarsinneqassasoq
- 2011-p naalernerani ataatsimiititaliat ilusilersorneri kommunalbestyrelsip nalilersuiffigeqqissagai.

### **Aalajangiineq**

#### **Ilanngussaq**

1. Ileqqoreqqusap allannguutissaatut siunnersuut
2. Kommunalbestyrelsip ataatsimiinnerani imm.17, Qeqqata Kommuniani kommunip susassaqrifiisa ingerlanneqarneri pillugit ileqqoreqqusap allannguuteqartinnera pillugu imaqarniliaq.
3. Siumut gruppeformandip septembarip 30-ani 2010-mi e-mailerutaa.

## **Imm. 23 KANUKOKA-p aaqqissuussaaqqinnera**

*Journaln 00.06.01*

### Tunuliaqutaq

KANUKOKA-p maajip 20-ni 2010-mi ataatsimeersuarnerani tullituttooq aalajangiiffiuvoq: ”Inuiaqatigiit ineriartornerisigut kommunini ataatsimut suleqatigiinnermut KANUKOKA-p ullumikkut aaqqissugaaffigisaanut siunissami killiliussassanik pitsaassusissaanillu nalileeqqinnissaq pissusissamisoorpoq. Tamatumunnga peqatigitillugu KANUKOKA-p kommuninut sullissisuuneranik nalileeqqinnissaq pissusissamisoorpoq.”

KANUKOKA-llu oktoberip 28-ni 2010-mi ataatsimeersuarnerani Kommuneqarfik Sermersooq-p kommunalbestyrelsiata ataatsimiittarfiani pisumi, suleqatigiissitap nalunaarusiaa ilanngussatut 1-itut ilanngussaq nassiussimallugu.

### Maleruagassatigut tunngavissat

KANUKOKA-p malittarisassai septembarip 25-ni 2008-meersut.

### Pissutsit atuuttut

Suleqatigiissitap siunnersuutaa ilanngussaq 1-itut ilanngussaq innersuussutigineqassaaq. Suleqatigiissitap nalunaarusiaanni periarfissanik sisamanik annerusumik minnerusumilluunniit pitsaanerpaatitaminnik siunnersuuteqarput KANUKOKA-p siunertaanut, tassa “kommunit ataatsimoorlutik nalinginnaasumillu soqutigisaannik isumaginninnissamut”, iluaqutaanerpaassasorisaminnik ullumikkullu aaqqissuussinnermit aningaasanik atorluannarnerusunik.

Oqartoqarsinnaavoq **periarfissaq 1** suleqatigiissitap aaqqiissutissatut pitsaanerpaatut inassutigisaat allanngorartillugu qasukkartitertarlugulu periarfissanik allanik pingasunik suliaqarnermi aallaavigineqarsimasooq uku pingaarnertut tunngavigalugit: Suleriarsinnaassuseq, naammassisaqarluarsinnaanissaq aningaasanillu sipaaruteqarnissaq kommunit aaqqissuussaanerannut nutaamut aammalu Namminersorlutik Oqartussanut illua'tungiliilluarsinnaanissamut naapertuuttumik.

Periarfissami tassani siunnersuutigineqarpoq

- aallartitanik ataatsimiittartoqassanngitsoq
- siulersuisut tassaassasut borgmesterit sisamaasut
- borgmesterit ukiut tamaasa parlakaallutik siulittaasuussasut

*Sooq aallartitanik ataatsimiittartoqassanngila?* Suleqatigiissitap naliliinerat naapertorlugulu aallartitat ataatsimiittartut KANUKOKA-mi oqartussaaqataaneq eqqarsaatigalugu pingaarutaat maanna kommunalbestyrelsinit tiguneqarsimammat. Maannamut aallartitat ataatsimiinnerini politikikkut sammineqartartut suleqatigiissitap isumaat naapertorlugulu maanna kommunalbestyrelsini nunap immikkoortuinut angisuunut atuuttuni sunnuteqarluarnerusumik sammineqarsinnaapput. Allatut oqaatigalugu aallartitat ataatsimiittarneri piunnaarlugit kommunalbestyrelsini nutaani oqartussaaqataanikkut periarfissanik nukittorsaanissaq sammineqarnerulertariaqarpoq.

*Sooq borgmesterit siulersuisuussappat?* Taamaalluni kommunit sisamat isumaasa siulersuisut sulineranni tunngaviunissaat qulakkeerneqassammat. Aamma siulersuisunut ilaasortat ataasiakkaat kommunini ingerlatsivinnut aningaasaqarnermullu ataatsimiittalianut sapinngisamik attaveqarluartuunissaat qulakkeerneqassaaq.



*Sooq borgmesterit paarlakaallutik siulittaasuusassappat?* Taamaalilluni ataavartumik erseqqissu-millu isummertarnissaq qulakkeerseqassamat, KANUKOKA-mmi siunertaasa pingaarnersarim-massuk kommunit ataatsimoorlutik nalinginnaasumillu soqutigisaannik isumaginninnissaq.

**Periarfissami 2-mi** aamma borgmesterit siulersuisuussapput, paarlakaallutik ukioq ataaseq siulit-taasuusassallutik. Tassanili aallartitat ataatsimiittartut atuutissapput ukioq allortarlugu ataatsimiit-tassallutik kommunillu tamarmik pingasunik aallartitaqassallutik (taakkua ilaat tassaassalluni borgmesteri).

**Periarfissami 3-mi** aamma borgmesterit siulersuisuniissapput siulersuisunut ilaasortanik marlunnik aallartitanit qinigaasunik ilaqarlutik. Aallartitat ataatsimiinnerat ukiut sisamat qaangiunneri tamaasa kommunalbestyrelsinut qinersinerup kingornatigut pisassaaq. Borgmesterit ukiut tamaasa paarla-kaallutik siulittaasuusassapput.

**Periarfissap 4-p** periarfissanit allanit allaanerussutigaa pinngitsoornani borgmesterimik siulittaaso-qartariaqannginneq. Ukiut sisamat qaangiunneri tamaasa aallartitat ataatsimiinneranni borgmesterit sisamat saniatigut siulersuisunut ilaasortat pingasut qinerneqartassapput. Siulittaasorlu piffissap affaani sulisartussaq siulersuisunut ilaasortat arfineq-marluusut taakkua akornannit qinerneqartas-saaq.

Kattuffiup Nuummi allattoqarfiani suliassat pingaarnersiorlugit suleqatigiissitanit tullerriaarneqar-simapput, taamaalillutik politikikkut aaqqiissuussaannermi pisariillisaanerit aamma allattoqarfimmut taamatulli sunniuteqarsinnaaniassammata.

Nalunaarusiami inassuteqaatit oqariartuutaat taamaalilluni ima eqikkarneqarsinnaapput:

Politikkikkut KANUKOKA-p nukini atussavai kommunit ataatsimoorlutik isumaannik suliniutaan-nillu ingerlatitseqqittarnissamut malunnartitsinissamullu. Kattuffiup allattoqarfia ineriartortitsinermut tunngasunik suliassanillu kommuninut tamanut tunngasunik aallussissaaq.

Aningaasaqarnikkut allaffissornikkullu kingunerisinnaasai

Aningaasaqarnikkut kingunerisinnaasai suleqatigiissitap 2011-mi tulliuttutut naatsorsorsimavaa:

**Periarfissaq 1:** Akuersissutigineqarneratigut 2011-imi KANUKOKA-p ingerlanneqarnerani politikkimut tunngasortaasigut ilaasortaannermut akiliutit 2010-mi 9,60%-inik sipaaruteqartoqassaaq. Allaffissornikkut ingerlatsinermut aningaasartuutunut missingersuusiani taamatuttaaq sipaaruteqar-toqassaaq, tamatumalu kingunerisaanik ilaasortaannermut akiliutaasut **14,76%**-inik appariassallutik.

**Periarfissaq 2:** Akuersissutigineqarneratigut 2011-imi politikikkut ingerlatsinermut KANUKOKA-mi 6,82%-inik ilaasortaannermut akiliutitigut sipaaruteqartoqassaaq 2010-mut ilaasortaannermut akiliutit eqqarsaatigalugit. Allaffissornermi taamatuttaaq sipaaruteqartoqassaaq, tamatumalu kingu-nerisaanik ilaasortaannermut akiliutaasut **9,20%**-inik appariassallutik.

**Periarfissaq 3:** Akuersissutigineqarneratigut 2011-imi KANUKOKA-mi politikikkut ingerlatsineq eqqarsaatigalugu ilaasortaannermut akiliutitigut 6,85%-inik sipaaruteqartoqassaaq. Allaffissornikkut ingerlatsinermut aningaasartuutunut missingersuusiani taamatuttaaq sipaaruteqartoqassaaq, tamatu-malu kingunerisaanik ilaasortaannermut akiliutaasut **9,26 %**-inik appariassallutik.

**Periarfissaq 4:** Akuersissutigineqarneratigut 2011-mi KANUKOKA-mi politikikkut ingerlatsineq eqqarsaatigalugu ilaasortaannermut akiliutitigut 3,16%-inik sipaaruteqartoqassaaq. Allaffissornikkut ingerlatsinermut aningaasartuutunut missingersuusiani taamatuttaaq sipaaruteqartoqassaaq, tamatu-malu kingunerisaanik ilaasortaannermut akiliutaasut **1,88 %**-inik appariassallutik.

Ukiuni tulliuuttuni modellini ataasiakkaani sipaarutissat annertusiartussapput, tassa 2011-mi siulittaasumik soraarsitsinermut sulisutigullu ataasiartumik aningaasartuuteqarfeqartussaammat.

#### Qullersaqarfiup oqaaseqaatai

Immikkut oqaaseqaatitassaqaanngilaq.

#### Allaffeqarfiup naliliinera

Aaqqissuussineq isigalugu allaffeqarfiup pisariaqarsorinngilaa, tassa KANUKOKA-p siulittaasuni ulloq naallugu borgmesterit akissaasarlugu atorfinitsittariaqassagaa. Ilaatigut Nunani Avannarlerni kommunit nuna tamakkerlugu peqatigiiffii ulloq naallugu atorfeqartitaminnik siulittaasoqaanngillat, naak nunat taakku akornanni arlallit millioninik arlalinnik innuttaqaraluartut. Ilaatigullu KANUKOKA-p 10-t 15-illu akornanni sulisoqarpoq, aammalu 20 mio. koruuninik nalilinnik missingersuuteqarluni, illuatungaatiigullu kommunit 1.000 angullugit sulisoqarlutik minnerpaamillu 400 mio. koruunit angullugit missingersuuteqarlutik.

Tamatuma saniatigut borgmesteroersumik siulittaasoqarnissaq iluaqtissartaqarpoq, tassa borgmesterit ulloq naallugu atorfitsik ulluinnarnilu kommunini allaffissuarnik aqutsisuunertik aqutigalugit, ulluinnarni kommunini unamminartunik naapitaqartuartartunik. KANUKOKA kommunit tungaanniit ulluinnarni aqutsisoqarani isumaqarnanngilaq, kommunit soqutigisaannik tutsuiginartumik illersuisartoq, tamannalu ukiuni makkunani sakkortuumik tulluanngitsumillu ataatsimoortumik tapiissutit appariartinneqarnerisigut takussutissaqarluni. Soorluuna tamanna kommuuninut inuuttaasunullu qanoq isumaqarnerisigut KANUKOKA-p paasisimaanngikkaa.

Aningaasaqarnermut tunngatillugu allaffeqarfiup eqqaasitsisutigissavaa, Ilulissani maajimi 2010-mi ataatsimeersuarnissamat kommunalbestyrelsip oqaluuserisassatut nassiuppaa: 2010-mut missingersuutinut sanilliullugu ilaasortaannermut akiliutip 20 %-imik appartinneqarnissaa aallartitat 2011-mut missingersuutinut isummerfiginninnissaat pillugu Qeqqata Kommuniata KANUKOKA-p aallartitanut ataatsimiisitsinissaanut oqaluuserisassatut nassiutissagaa.

Allaffeqarfik isumaqarpoq, suleqatigiissitat modelinut sisamanut sipaarutissatut siunnersuutaat, Namminersorlutik Oqartussat kommuninut sipaarutissatut siunnersuutaannut akileraarutigullu isertitat appariartornerinut sanilliullugit annikippallaarujussuartut, taamaattumillu KANUKOKA-mut sipaarnissamik piunasaqaat kommuninut sipaaqqussutaasuullu annertutigisariaqarpoq. Taamaattumik allaffeqarfiup innersuussutigissavaa, sipaarutissatut piunasaqaat minnerpaamik 20 procentusariaqartoq.

KANUKOKA KIMIK-ip namminersortunngorsarneranut atatillugu tamatumalu kinguneranik eqqartuussivimmi siliaqartitsinikkut annikinnerusutigut nalilinnik pigisaqarmat, tamatumuuna tutsuiginartumik qulakkeertariaqarpoq, kommunit akiliutaata 2011-miit procentinik 20-nik appartinneqarnissaa, naak tamanna sipaarutissatut model 1-mi siunnersuutikkut tamakkiisumik anguneqassanngikkaluartoq.

Allaffeqarfiup innersuussutaa

Allaffeqarfiup Aningaasaqarnermut ataatsimiititaliamut Kommunalbestyrelsimullu akuereqqullugu innersuussutigissavai,

Qeqqata Kommuniata siunnersuutigissagaa, siunnersuutip model 1-p ingerlanneqarnissaa

Qeqqata Kommuniata taperserlugu siunnersuussutigissagaa, ilaatigut KANUKOKA-p nalilinnik pigisaqarnera tunngavigalugu, kommunit KANUKOKA-mut akiliutaat 2011-miit procentinik 20-inik appartinneqassasoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap oktobarip 12-ani 2010-mi ataatsimiinnermini suliaq suliarivaa. Innersuussutigineqartoq akuersissutigineqarpoq kisiannili modeli sorleq allaluunniit atorneqassanersoq isummerfigineqanngilaq.

**Innersuussut**

Aningaasaqarnermut ataatsimiititaliap Kommunalbestyrelsimut akuereqqullugu innersuussutigissavai,

Qeqqata Kommuniata taperserlugu siunnersuussutigissagaa, ilaatigut KANUKOKA-p nalilinnik pigisaqarnera tunngavigalugu, kommunit KANUKOKA-mut akiliutaat 2011-miit procentinik 20-inik appartinneqassasoq.

Qeqqata Kommuniani periarfissatut siunnersuut sorleq KANUKOKA-p ataatsimeersuarnerani siunnersuutigineqassanersoq kommunalbestyrelsimi eqqartorneqassasoq.

**Aalajangiineq**

**Ilanngussaq**

1. KANUKOKA-p aaqqissuusaanera. Kalaallit Nunaanni Kommunit Kattuffiata siunissami politik-kikkut allaffissornikkullu qanoq aaqqissuusaanissaa pillugu suleqatigiissitat nalunaarussiaat. Septembari 2010
2. KANUKOKA siunissami - aaneqartoq KANUKOKA-p quppersagaani

## **Imm. 24 Qeqqata Kommuniani Containerinik inissiisarnermut maleruaqqusat**

*Journalnr 18.01.02*

### Tunuliaqutaq

Teknikkimut avatangiisinullu immikkoortorta q innuttaasuniit suliffeqarfinniillu minnerusuniik Sisimiuni containerinik 20 fods-inik pigisaminnut inisseerusuttunik nunaminertamik atugassinne-qarnissamik kissaateqartunik amerlialgaluttuinnartunik saaffiginnissutunik tigusaqartarpoq. Soorluttaaq illoqarfiup iluani innuttaasunit suliffeqarfinniillu containerik unioqquitsisumik inissiisimasunik ajornartorsiutit annertusigaluttuinnartoq Sisimiuni. Ajornartorsiutit taamaattut qaangerniarlugit containerinut inissiivissaqartitsinissaq teknikkimut avatangiisinullu immikkoortorta q arfiup pisariaqarso-rivaa.

Aallaqqaammut Sisimiut illoqarfianni Kangerluarsunnguami Killiliussa qarfimmi B8-mi containerinut inissiiviliinissaq pissaaq, *tak. Ilanngussaq XX.*

Maleruagassat uku siunissami Qeqqata Kommuniani containerinut inissiiviliisarnissanut assigiissarinis-sami toqqammaviussapput.

### Maleruagassatigut tunngavissaq

Pilersaarusionerq aamma nunaminertat ator neqarnerat pillugit Inatsisartut peqqussutaat nr. 11, 5. december 2008-meersumiit tigulaar neq:

§ 1. Inatsisartut peqqussutaata siunertaraa nunap nunaminertaasa inuiaqatigiit eqqarsaatigalugit ataatsimut naliliineq tunngavigalugu ator neqarnissaat qularnaar neqassasoq. Siunertaq taanna anguneqassaaq.

§ 21. Kommunalbestyrelsi kommunimut pilersaarutip naammassineqarnissaanut sulissaaq, ilanngullugu nunaminertanik atugassiinerni, tak. §§ 26 aamma 27.

§ 26. Nunaminertanut oqartussaasunit akuersisoqarsimatinnagu nunaminertaq sunaluunniit nalinginnaasumik ator neqassanngilaq ator neqalissananiluunniit.

§ 27. Kommunalbestyrelsi kommuneqarfimmi pineqartumi nunaminertanut oqartussaasuvoq aammalu kommuneqarfimmi nunaminertat ator neqarnissaannik akuersisartuulluni.

§ 30. Immikkut ittumik akuersineq sumiiffiup ilaanut aalajangersimasumut kommunimut pilersaa- rummi aalajangersakkat tunngaviinut akerliunngippat, sumiiffiup ilaanut aalajangersi-masumut aalajangersakkat sukumiisut saneqqunneqarnissaannut immikkut ittumik akuersissuteqarnerit kommunalbestyrelsimit nalunaarutigineqarsinnaapput.

Kommunimut pilersaarusionerq aamma nunaminertat ator neqarnerat pillugit Namminersornerullutik Oqartussat nalunaarutaat nr. 7, 26. februar 2009-meersumiit tigulaar neq:

§ 1. Kommunalbestyrelsip nalunaarummi matumani maleruagassat malillugit pilersaarusionermigut aqutsinermigullu, kommunip iluani nunaminertat inuiaqatigiit ataatsimut isigalugit nalilersuiffiusumik ator neqarnissaannik qulakkeerinissamut suleqataanissaa nalunaarummi siunertarineqarpoq.

§ 12. Kommunalbestyrelsi pisussaavoq, illoqarfinni nunaqarfinnilu nunaminertamut atuisinnaatitaa-nissap inaarutaasumik aalajangiiffigineqannginnerani, qinnuteqaat tamanut ammasumik ilisimatit-sissutigissallugu.

§ 16. Kommunalbestyrelsi pisussaavoq, nunaminertamik atugassiinerup nuna tamakkerlugu pilersaarusionermi soqutiginaatillinnut akerliunnginnissaa nakkutigissallugu. Imm.2. Aamma nunami-nertamik atugassiineq kommunimut pilersaarummut naapertuutissaaq, ilanngullugit sumiiffiup ilaanut aalajangersimasumut pineqartumut aalajangersakkat, kommunimut pilersaarummi aalaja-ngersarneqarsimasut, tak. §§ 8 aamma 9.

Atorneqarnera

Illoqarfiup ilaanut pilersaarummiit B8-miit tigulaarineq:

§ 3.1 Immikkoortoq inuussutissarsiutinut siunertalinnut soorlu sannavimmut, peqqumaasivinnut, biilinet inaaliisarfinnut (garageanlæg), tunisassiorfinnut, pigisanut inaaliisarfinnut, entreprenøreqarfinnut teknikkikkullu atortunut atorneqassaaq.

#### Inissaqassuseq

Illoqarfiup ilaanut pilersaarusiortifusoq 36 ha-tut annertutigisumik nunataqarpoq (taakkunanga 10 immiutaassalluni) avannamut Kangerluarsunnguaminngaaniit kujammut Heliportitoqqap tungaanut.

#### Pissutsit atuuttut

Sisimiut illoqarfiat containerinik ulikkaarpoq, politikeriniillu innuttaasuniillu tamakku torersarneqarnissaat qangali kissaataavoq.

Teknikkimut avatangiisinullu immikkoortortaqqarfik Sisimiuniittoq 2010 aasaanerani anguniagaq taanna anguniarlugu anguniagalimmik suliniuteqarnikuuvoq. Illoqarfiup annersaa containerinik nunaminertamik atugassinnertaqqanngitsunik misissuiffigineqarnikuuvoq, taakkunangalu piginnittunut allakkanik amerlasuunik nassiussuisoqarnikuuvoq. Pisut ilaanni containerit nammineq iikkersorlugit illup qalipaataatut qalipallugilluunniit pitsaasuusarpoq, pisullu ilaatigut illup eqqaani containerinut periarfissaqarneq ajorpoq, taakkulu peerneqartariaqartarlutik. Innuttaasut/suliffeqarfiit ilaat naalasseriittarput containerilu innersuunneqartumut nuukkusunneq ajorlugu, taamaalillunilu suliaq politiinut suliassanngortinneqartarpoq.

2010-mi containerit 20 fods-imik annertussusillit qulit sinnerlugit arfineq-marlunnut agguataakkat Teknikkimut avatangiisinullu immikkoortortaqqarfiup Sisimiuni politiinut suliassanngortinnikuuvaat. Umiarsualivimmi inissakereersumi kommuni containerinut attartorneqartunut 15-inut inissaateqarpoq, nunaminertaq taanna siunertanut allanut atugassanngortinniarlugu, containerit taakku containerinut inissiivissamut nutaamut nuunneqarnissaat sulissutigineqarpoq.

Maniitsumi containerinut inissiiveqarpoq taamaattumik illoqarfiup iluani containerit amerlavallaanngillat, taanna containerinut inissiivik massakut ulikkaaqqajaalerami siunissaq ungasinnerusoq eqqarsaatigalugu allilernerqarnissaa eqqarsaataavoq imaluunniit allamik sanasariaqarluni.

#### Aningaasaqarnikkut allaffissornikkullu kingunerisinnaasai

Nunaminertamik atugassiineq.

Aputaajaanermut ingerlatsinermut aningaasartuutit aammalu attartortitsinermut aqutsineq.

Umiarsualivimmi containerinut inissiivimmi ingerlatsinermut aningaasartuutit sipaarutigineqarnerat. Maniitsumi akiliisitsisoqartalissaaq, apuutaajasoqartarmat immi ajorineqanngilaq.

#### Allaffeqarfiup naliliinera

Illoqarfimmi immikkoortumut B8-mut nunaminertamik atuinermut piumasaqaataasut nalinginnaasut pilersaarutikkut naammassineqassapput.

#### Teknikkimut Avatangiisinullu ataatsimiititalimi suliaq suliarinera

Teknikkimut Avatangiisinullu ataatsimiititaliap septembarip 7-ani 2010-mi ataatsimiinnermini suliaq suliarivaa

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap oktobarip 12-ani 2010-mi ataatsimiinnermini suliaq sularivaa.

### **Innersuussut**

Aningaasaqarnermut ataatsimiititaliap kommunalbestyrelsimut innersuussutigissavaa, "Qeqqata Kommuniani containerinik inissiisarnermut maleruagassatut" siunnersuut akuersissutineqassasoq.

### **Aalajangiineq**

### **Ilanngussaq**

1. Qeqqata Kommuniani containerinik inissiisarnermut maleruagassatut siunnersuut.
2. Kangerluarsunnguup eqqaani containerinut inissiivissap nunataata assilinera.
3. Marius Olsenip allagai oktobarip 8-ni 2010-meersut.

**Imm. 25 Kommunip inissiat atugassarisai**

*Journalnr. 31.01.02*

Tunuliaqutaq

Massakkumut Sisimiuni inissiat 98-it Maniitsumilu inissiat 60-it Qeqqata Kommunianut atugassritatut immikkoortitaapput. Utaqqisunut allattorsimaffik annikillisarniarlugu kiisalu sulilersut nutaat utaqqiisaasumik inissikkallarneqartarnerat sivikillisarniarlugu kommunimi pisortaaneq maajip 10-ani 2010-mi INI A/S-imut sulisunut inissiat Sisimiuni 15-inik Maniitsumilu 5-inik amerlineqarnissaannik qinnuteqaateqarluni allagaqarpoq.

Qeqqani Inuutissarsiornermut Siunnersuisoqatigiit Sisimiuni ininik marlunnik Maniitsumilu taamatuttaaq sulisunut inissianik ininik marlunnik atugassaqarusullutik aamma INI A/S-imut qinnuteqaateqarput.

Sisimiuni Friskole-p ininik taamaattumik ataatsimik atugassaqartitaanissani kissaatigivaa.

Ataatsimut katillugit Sisimiuni sulisunut inissat 18-inik Maniitsumilu 7-inik amerlinissaat kissaatigineqarpoq. INI A/S-ip Qeqqata Kommunianmut kissaatigivaa, sulisunut inissanik taama amerlisitsinarneq kommunip inissiaataasa iluani pissanersoq isummerfigeqqullugu, imaluunniit Namminersorlutik Oqartussanut inissiaataannik siunertamut taama atuinissamik kissaatit qinnuteqaataassanersoq.

Maleruagassatigut tunngavissaq

Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq.

Pissutsit atuuttut

Sisimiut Kommuniserisimasaanni, massakkut Qeqqata Kommuniata Taseraliup kommunip sulisunut inissiaataannik pingasut tikillugit atugassaqartinneqarnissaa akuersaarpaa tamatumalu kinguneralugu, Sisimiuni inissiat atugassat 95-inngorlutik Maniitsumilu 60-inngorlutik.

Qeqqata Kommuniani inissiat atugassatut pigineqartut imatut inissisimapput

Immikkoortortaq	Sumiiffik	Inissiat amerlassusii
285	Kangerlussuaq, Itilleq, Sarfannguaq aamma Sisimiut	43
258	Kangaamiut, Napasoq aamma Atammik	31
182	Maniitsup illoqarfiani	246
268	Sisimiut illoqarfiani	594
Katillugit	Qeqqata Kommunianut	914

Utaqqisut marsimi 2010-mi allattorsimaffiat imatut isikkoqarpoq

Qanoq ittoq	Kommunip inissiat atugassai			Namminersorlutik Oqartussat inissiaataat		
	Maniitsoq	Sisimiut	Qeqqata	Maniitsoq	Sisimiut	Qeqqata
Naling. Attartorneq	135	436	571	132	421	553
Kissaatigalugu nuunneq	63	79	142	86	79	165
Sulisut nikinnerat	4	4	8	3	2	5
Katillugit	202	519	721	221	502	723

Sulisunut inissamik aggustimi 2010-mi utaqquisut imaapput: Sisimiuni 21-t Maniitsumilu 8-t. Inissianut nalinginnaasumik attartortittakkanut utaqquisut, tak. eqitsit Qeqqata Kommuniani katillugit 1.124-upput. Sisimiuni 436-t Maniitsumilu 135-t.

Qeqqata Kommuniani atorfiit inuttassarsiorneqartut tamaasa sapaatip akunneri pingasut missaanni tamanut ammasumik allagarsiunneqartarput. Allagarsiussinernilu tamatigut atuarneqarsinnaasarluni, kommuni atorfimmut atatillugu inissaqartitsissanersoq. Tamatumalu kinguneranik kommunip atorfinitsitsinnginnermi atorfinittussap ineqartinneqarnissaanut tunngasut isummerfigereertarlugit. Atorfinitsitaq inissamik pisariaqartitsinngippat, atorfinitsitaanermi allagartaani atorfimmut atatillugu inissaqartitsisoqartussaansersoq kisiannili atorfinittup ineqareernini peqcutigalugu massakut taanna atorfissaqartinngikkaa takuneqarsinnaassalluni. Atorfinittullu kingusinnerusukut immaqa ilaquta-riinnermut tunngasut allannguuteqarneratigut periarfissaraluani taanna atorussullugu kissaatigilis-sappagu, taava inissamik neqeroorfigineqassalluni. Massakut periutsit atuuttut naapertorlugit, atorfiit ilinniagaqarsimanissamik piumasaqaatillit kisimik inissaqartitsinissamut pisussaafiliipput. Allaffeqarfimmi fuldmægtigitut qaffasinnerusumilluunniit atorfinitsitinermi inissaqartitsisoqartussaavoq.

Aningaasaqarnikkut allaffissornikkullu kingunerisinnaasai  
Immikkut oqaaseqaatitassaqaanngilaq.

#### Allaffeqarfiup naliliinera

Sulisunut politikimiit isigaluni sulisunut inissiatut atugassat amerlineqarnissaat kissaatiginarpoq. Taamaattorli tamatumala kingunerisussaavaa, innuttaasunut allanut sanilliullugit kommunip sulisuisa salluutinneqalernissaat, kommunimimi sulisunut inissiat 25-inik amerlineqaraluarpata inissarsiortut allat allattorsimaffimmi kinguassammata.

Illuatungaatigulli aamma Qeqqata Kommuniani kiffartuussinermut tunngasut, Qeqqani Inuutissarsi-ormermut Siunnersuisoqatigiit Sisimiunilu Friskole ingerlaavarnissaat ineriartortinnissaallu aamma pisariaqarlutik. Tamatumani ilinniarsimasut kajummissuseqarnissaat pigiuarnissaallu pinngitsoor- neqarsinnaanngilaq, soorlu inissaqartitsineq aqcutigalugu. Allaffeqarfik naliliivoq, sulisunut inissa- qartitsisinnaanerp inissianik 25-inik Namminersorlutik Oqartussat inissiaataanniit annertusinissaa pissusissamisuussasoq.

#### Allaffeqarfiup innersuussutaa

Allaffeqarfiup innersuussutigissavaa,

Kommunip INI A/S qinnuteqarfigissagaa, sulisunut inissiasat Namminersorlutik Oqartussat inissi- aataanniit tiguneqassasut, kiisalu

Qinnuteqaat itigartinneqassagaluarpat kommunip INI A/S qinnuigissagaa, sulisunut inissiasat kommunip inissiaataanniit tiguneqassasut.

#### Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap septembarip 21-ani 2010-mi ataatsimiinnermini suliaq sulia- rivaa.

Kommunip INI A/S qinnuigissagaa, sulisunut inissiasat kommunip inissiaataanniit tiguneqassasut akuerissutigineqarpoq.



**Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigissava,

kommunip INI A/S qinnuigissagaa, sulisunut inssiassat kommunip inissiaataaniit tiguneqassat.

**Aalajangiineq**

**Ilanngussat**

1. Kommunimi pisortaanerup INI A/S-imut allagaa
2. Qeqqani Inuutissarsiornermut Siunnersuisoqatigiit inissaqartitsinissamik qinnuteqaataat
3. Sisimiuni Friskole-mik borgmester Hermann Berthelsen-ip ataatsimeeqateqarneranit imaqarniliaq

## **Imm. 26 Meeqqeriviit akuerisaanerannut uppernarsaat.**

*Journalnr. 44.00*

### Tunuliaqutaq

Meeqqanut suli atualinngitsunut perorsaaniikkut ineriikkiartuutaasunik ulluunerani neqerooruteqar-tarneq pillugu Inatsisartut peqqussutaat nr. 10, 5. december 2008-meersoq nutaaq ima oqaasertaqar-poq, Meeqqeriviit tamarmik akuerisaanerminnut uppernarsaateqassapput, meeqqerivimmi ersittumi nivingasussamik, paasissutissanik tullinnguuttunik imaqartussamik:

1. Meeqqeriviup aqqa, najugaqarfia sumiiffialu.
2. Meeqqeriviup anguniagai.
3. Meeqqeriviup pisortaa.
4. Kommunimi ataatsimiititaliaq attavigisaq imaluunniit meeqqeriviup imminut pigisup siulersui-sui.
5. Inissat amerlassusaat.
6. Sulisut amerlassusaat.
7. Piffissat ammasarfiit.
8. Pisortanit naapertuuttunit akuersissutit, taakkununga ilaallutik qatserisartutut oqartussaasu-nit, peqqinnissamat oqartussanit, Sullivinnik Nakkutilliisoqarfimmit kommunalbestyrelsimillu akuersissutit taakkualu ullui.
9. Meeqqeriviup ukiumoortumik pilersaarutaata sumi pissarsiarineqarsinnaanera taassumalu inatsisitigut tunngavigisai naapertuuttut pillugit paasissutissat

### Maleruagassatigut tunngavissaq

Meeqqanut suli atualinngitsunut perorsaaniikkut ineriikkiartuutaasunik ulluunerani neqerooruteqar-tarneq pillugu Inatsisartut peqqussutaat nr. 10, 5. december 2008-meersoq.

Kapitali 3

Meeqqeriviit

Meeqqeriviit akuerisaanerannut uppernarsaat

§ 14.

Kapitali 6

Aalajangersakkat tamanut atuuttut

Atuuttuulersitsineq

§ 31. Inatsisartut peqqussutaat manna atuuttuulissaaq 1. januar 2009.

Imm. 2. Ilutigisaanik Ulluunerani paaqqinnittarfiit, ulluunerani angerlarsimaffimmi paaqqinniffiit il.il. pillugit Inatsisartut peqqussutaat nr. 7, 21. maj 2002-meersoq atorunnaarsinneqarpoq.

### Pissutsit atuuttut

2008-mi decembari sioqqullugu meeqqeriviit tamarmik ileqqoreqqusaqarput, taanna maanna

Meeqqeriviit akuerisaanerannut uppernarsaamik taarserneqarpoq.

Meeqqeriviit akuerisaanerannut uppernarsaammik paasissutissanik arlalinnik ilassuserneqarpoq, soorlu assersuutigalugu meeqqeriviup anguniagai, kommunimi ataatsimiititaliaq attavigisaq, sulisut amerlassusaat, pisortanit naapertuuttunit akuersissutit, aamma meeqqeriviup ukiumoortumik pilersaarutaata sumi pissarsiarineqarsinnaaneramik.

Aammattaaq atuisut ataatsimoorfiat nutaartaavoq, taassuma meeqqeriviit siulersuisui taarserpai.

Taamanikkut tullinnguuttunik inuttaqartinneqartuusooq, angajoqqaat aallartitaat marluk, politikikkut aallartitat marluk aamma sulisut aallartitaat ataaseq.

Aningaasaqarnikkut allaffissornikkullu kingunerisinnaasai  
Aningaasaqarnikkut allaffissornikkullu kinguneqassanngilaq.

Allaffeqarfiup naliliinera

2009-mi januaarip aallaqqaataata kingorna meeqqeriviit Ileqqoreqqusaat atuukkunnaarput. Ileqqoreqqusat uannga taarserneqarput:

Meeqqanut suli atualinngitsunut perorsaaniikkut inerikkiartuutaasunik ulluunerani neqerooruteqar-tarneq pillugu Inatsisartut peqqussutaat nr. 10, 5. december 2008-meersoq, 2009-mi januaarip aallaqqaataani atuutilersumik.

Kapitali 3

Meeqqeriviit

Meeqqeriviit akuerisaanerannut uppernarsaat

§ 14.

Allaffeqarfiup innersuussutaa

Ukiup affaata matuma siornali atuutilertussaani kuugaluardata, sapinngisamik piaartumik Meeqqe-riivit akuerisaanerannut uppernarsaatit akuersissutigineqassasut innersuussutigineqarpoq.

Ilinniartitaanermut Kulturimut Sunngiffimmullu ataatsimiititaliami suliap sularinera

Ilinniartitaanermut Kulturimut Sunngiffimmullu ataatsimiititaliap aggustip 16-ani 2010-mi ataatsi-miinnermini suliaq sularivaa.

Meeqqeriviit akuerisaanerannut uppernarsaatit akuersissutigineqarput, sularlu aningaasaqarnermut ataatsimiisitaliamut ingerlateqqinneqassaaq.

Misissorneqassaaq Maniitsumi meeqqeriviit uppernarsaatit sularineqarsimanersut.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap septembarip 21-ani 2010-mi ataatsimiinnermini suliaq sulari-riivaa.

**Innersuussut**

Aningaasaqarnermut ataatsimiititaliap kommunalbestyrelsimut akuereqqullugit innersuussutigissavai

Sisimiuni, Kangerlussuarmi, Sarfannguani Itillimilu Meeqqeriviit akuerisaanerannut uppernarsaatit.

**Aalajangiineq**

**Ilanngussaq**

1. Sisimiuni, Kangerlussuarmi, Sarfannguani Itillimilu Meeqqeriviit akuerisaanerannut uppernarsaa-tit.

**Imm. 27 1. juli 2010-miit 20. juni 2011-mut Maniitsumi qilalugartassat agguaannissaat**

*Journalnr. 72.01.01*

Tunuliaqutaq

Tusagassiorfinnut nalunaarut. Naalakkersuisut 1. Juli 2010 – 20. Juni 2011-mi qilalugartassat aalajangerpaat.

Aqutsiveqarfik Maniitsoq qilalukkanik qaqortanik 10-nik pisassinneqarpoq.

Maleruagassatigut tunngavissat

Qilalukkanik qaqortanik qernertanillu illersuineq piniarnerlu pillugit Namminersornerullutik Oqartussat nalunaarutaat nr. 2, 12. februar 2004-meersoq.

Nalunaarummi § 5:

*Akuersissutinik tunniussineq agguaassineralu*

*§ 5. Kommunalbestyrelsi nunaqarfimmi aqutsisut najukkamilu aalisartut piniartullu peqatigiiffiat aamma najukkami sunngiffimmi piniartartut peqatigiiffiat isumasioqatigereerlugit kommunimi qilalukkanik qaqortanik qernertanillu pisassiissutit inuussutissarsuutigalugu piniartunut, immaqalu sunngiffimmi piniartartunut, agguaanneqarnissaannut piunasaqaatinik aalajangersaasinnaavoq. Imm. 2. Kommunimut pisassiissut pisaqarnissamut akuersissutitut normulersukkatut tunniunneqartassapput. Akuersissut ataaseq ukiumi pisassiiffiusumi qilalukkamik ataatsimik pisaqarsinnaatitsivoq.*

*Imm. 3. Kommunalbestyrelsi pisassiissutigineqartunik peqqissaartumik nakkutilliisitsissaaq. Pisassiissutigineqartunik atuineq malittareqqissaarneqassaaq piniarnerlu ingerlaannartumik unitsinneqassalluni kommunimi pisassiissutigineqartut tamakkerneqarniariarpara.*

*Imm. 4. Kommunalbestyrelsip pisassiissutigineqartoq tamakkerlugu pizarineqarpat Aalisarnermut Piniarnermullu Pisortaqaarfik allakkatigut saaffigissavaa.*

Pissutsit atuuttut

Nalunaarummi pineqartumi § 5-imi aalajangersagaq malillugu Maniitsumi, Kangaamiuni, Napasumi Atammimmilu aalisartut piniartullu peqatigiiffii, Maniitsumi saniatigooralugu pinaluttatut peqatigiiffiat kiisalu Kangaamiuni aamma Napasumi Atammimmilu nunaqarfimmi aqutsisut tusar-niaaffigineqarput. Ukuninggaaniillu akissuteqartoqarpoq:

Maniitsumi aalisartut piniartullu peqatigiit aamma Maniitsumi umiatsiaararsorlutik aalisartut piniartullu peqatigiiffiata ataatsimoorlutik oqariartuutigivaat kissaatigalugu pisassiissutit inuussutisarsuutigalugu piniartunuinnaq paggatassiissutigineqarnissaat upernaamulli (maannakkut ullulersinnaanngikkallarpara) pisassat tamakkerneqarsimanngippata sunngiffimmi pinaluttartut ilanngutissasut. Peqatigiiffiit taakkua aamma isumaqarput piffikkaartumik / nunaqarfikkaartumik pisassanik aalajangersimasunik pisassiisoqaraluarpat nunaqarfinnut pisassiissutit nungunngitsoorneqartarnissaat ernummatigigamikku, taamaammat pisassiissutit tamaasa inuussutissarsuutigalugu piniartunut paggatassiissutigineqarnissaat kissaatigivaat.

Kangaamiuni aalisartut piniartullu peqatigiiffiat allakkatigut 12. Oktober 2010-meersukkut imatut oqaaseqaateqarpoq:

”Qilalukkanik qaqortanik agguaanermut tunngatillugu Kangaamiuniik isumaqarpugut Sisimiut 21-nik Maniitsoq 15-inik pisassinneqartariaqartut. Ukiormi agguaaassinerup takutereerpaa nikingasumik agguaaassisoqarsimanera, soorlumi pisat amerlanerusinnaagaluartut qinnuteqarnerup tassa pisassat nungoriataarmata immikkut qinnuteqaat utaqeqqaarlugu pigatta naak qilalukkanik isiginnaaralualuta”.

Kangaamiuni Nunaqarfimmi aqutsisut qilaluagartassanik agguaaasinissamut siunnersuutigaat Kangaamiunut qilaluagartassat 3-it tunniunneqassasut, tassa piniartunut marluk saniatigooralugulu pinialuttartut peqatigiiffiannut ataaseq. Kangaamiuni nunaqarfimmi aqutsisut siulittaasuat Judithe Frederiksen taamatut nalunaaruteqarpoq e-mail-ikkut 13. Oktober 2010-meersukkut.

Napasumi/Atammimmi nunaqarfimmi aqutsisut siulittaasuat Jens Kristiansen allakkatigut 13.10.2010-meersukkut nalunaarutigivaa pisassat Napasumi aamma soqutigineqartut pisassiissutinillu qinnuteqaqataallutik, minnerunngitsumik Napasumi aalisartut piniartullu peqatigiiffiat qinnuteqaassullugu.

Maniitsumi saniatigooralugu pinialuttartut peqatigiiffiata allakkatigut 28. September 2010-meersukkut qinnuteqaatigivaa qilalugaq ataaseq peqatigiiffimmu pisassiissutigineqassasq. Piniartulli pisassat tamakkersimappatigit sanatigooralugulu piniarluttartut pisarisimangippassuk taava taanna pisassaq ataaseq inuussutissarsiutigalugu piniartunut nuunneqassasq Maniitsumi saniatigooralugu pinialuttartut peqatigiiffiat taamatut siunnersuuteqarpoq.

2004-mimit pisassiissutigineqartut taakkunanngalu qilalukkat qaqortat pisarineqartut:

<u>Ukioq pisassiiffik</u>	<u>Pisassiissutit</u>	<u>Pisarineqartut</u>
2004/2005	7	7
2005/2006	13	5
2006/2007	5	5
2007/2008	3	3
2008/2009	14	9
2009/2010	9	5

2004/2005: Pisassiissutigineqartut tamarmik inuussutissarsiutigalugu piniarnemik allagartalinnit pisassiissutigineqarput pisarineqarlutillu.

2005/2006: Inuussutissarsiutigalugu piniartunut paggatassiissutigineqarput taamaattoq pisassaq ataaseq sunngiffimmi piniarnermut allagartalinnut neqeroorutigineqarluni pisassiissutit tamakkerneqannginneranni pisarisinnaasaat. Qilalukkat qaqortat taakku tallimat tamarmik inuussutissarsiutigalugu piniarnermut allagartalinnit pisarineqarput.

2006/2007: Pisassiissutigineqartut tamarmik inuussutissarsiutigalugu piniarnemik allagartalinnit pisassiissutigineqarput pisarineqarlutillu.

2007/2008: Pisassiissutigineqartut tamarmik inuussutissarsiutigalugu piniarnemik allagartalinnit pisassiissutigineqarput pisarineqarlutillu.

2008/2009: Qilalukkat qaqortat arfinillit pisasiissutigineqarput inuussutissarsiutigalugu piniartunuinnaq pisassiisoqarpoq aammalu taakku tamakkerneqarlutik. Tamakkerneqarmata immikkut 8-nik pisasseeqqinnermi piniartuinaat pisassinneqarput pisasseeqqinnermi tungavilersuutaamat aalisartut piniartullu Maniitsumi tunitsivissaaleqinerat. Pisassanit 8-nit 3-it pisarineqarput tamarmik inuussutissarsiutigalugu allagartalinnit, taamaalillugu ukioq pisassiiffik 2008-2009-mim qaqortat 9-it pisarineqarput inuussutissarsiutigalugu piniarnermik allagartalinnit.

2009/2010: Qilalukkat qaqortat qulinngiluut inuussutissarsiutigalugu piniarnermik allagartalinnut pisasiissutigineqarput. Taakkunannga tallimat pisarineqarput. Angallatit umiatsiaaqqallu arlallit avannaanut qilaluagarniartaraluarput silamilli pissuteqartumik iluatsisisimanatik, taamaamat pisassat tamakkerneqanngillat.

April-ip 28-iani 2010-mi kommunalbestyrelsip ataatsimiinnerani amerlanerussuteqartut aalajangerpaat, ukioq 2009/2010-mut qilalukkanik qaqortanik pisassiissutit inuussutissarsiutigalugu piniarnermik allagartalinnut pisassiissutigineqassasut.

#### Qullersaqarfiup oqaaseqaatai

##### Soqanngilaq

#### Allaffeqarfiup naliliinera

Maniitsumi saniatigooralugu pinialuttartut peqatigiiffiata peqatigiiffimmut qilalukkamik qaqortamik ataatsimik pisassiisoqarnissaanik qinnuteqarnera pillugu erseqqissaatigineqassaaq akuersissut inummot nammineruinaaq atuuttussaamat peqatigiiffinnullu tunniunneqarsinnaanngimmat, taamatutaaq peqatigiiffimmi ilaasortaaneq akuersissummut salliutinneqarnissamut pisinnaatitsinngimmat.

Qilalugaq qaqorta q pisassiissut ataaseq sunngiffimmi piniarnermut allagartalinnut qinnuteqartunut tamanut paggatassiissutigalugu tunniunneqarpat taava sipporneqannginnissaa aqukkuminaatsuusussatut Allaffeqarfimmit nalilerneqarpoq. Sunngiffimmi piniarnermut allagartalinnut ataatsimik pisassiisoqassapat aqukkuminarnerussaaq akuersissut taanna ataaseq makitsinikkut tunniunneqarpat tamatumalu saniatigut utaqqisunik tulliuttussanik makitsisoqarluni.

Maniitsumi aalisarnermut piniarnermullu siunnersortip inassuteqaatigivaa:

1. Qilalukkat qaqortat quliusut tamaasa Aqutsivik Maniitsoq-mut pisassiissutit tamaasa Maniitsumi, Kangaamiuni, Napasumi aamma Atammimmi inuussutissarsiutigalugu piniarnermut allagartalinnut qinnuteqartunut tamanut paggatassiissutigineqassasut. Ulloq 31. marts 2011 pisassat sinneqarpata taakku sinneruttut qanoq agguanneqassanersut tassunga ilanngullugu sunngiffimmi piniarnermik allagartallit pisassinneqassanersut borgmesterimit taamanikkussamut aalajangiiffigineqassasoq.
2. Qilalukkanik qaqortanik pisassiissutinik quliusunit qulingiluut Maniitsumi, Kangaamiuni, Napasumi aamma Atammimmi inuussutissarsiutigalugu piniarnermut allagartalinnut qinnuteqartunut tamanut paggatassiissutigineqassasut. Pisassiissut ataaseq Maniitsumi, Kangaamiuni, Napasumi aamma Atammimmi sunngiffimmi piniarnermut allagartalinnut pisassiissutigineqassasoq, taannalu qinnuteqartut akornanni makitsinikkut aalajangiiffigineqassasoq. Tamatumalu saniatigut utaqqisunik tulliuttussanik makitsisoqarluni. Ulloq 31. marts 2011 pisassat sinneqarpata sinneruttut taakku qanoq agguanneqassanersut borgmesterimit taamanikkussamut aalajangiiffigineqassasoq.

Kommunimi pisortaanerup suliamik suliaqarnera

Kommunimi pisortaanerup aalisarnermut piniarnermullu siunnersortip innersuussutaata ilaa akuersaarpaa.

**Innersuussut**

Kommunimi pisortaanerup Kommunalbestyrelsimut innersuussutigaa:

1. Qilalukkat qaartat qiliusut tamaasa Aqutsivik Maniitsoq-mut pisassiissutit Maniitsumi, Kangaamiuni, Napasumi aamma Atammimmi inuussutissarsiutigalugu piniarnermut allagartalinut qinnuteqartunut tamanut paggatassiissutigalugit pisassiissutigineqassasut.

Imaluunnit

2. Qilalukkanik qaartanik pisassiissutinik qiliusunit qulingiluat Maniitsumi, Kangaamiuni, Napasumi aamma Atammimmi inuussutissarsiutigalugu piniarnermut allagartalinut qinnuteqartunut tamanut paggatassiissutigineqassasut. Pisassiissut ataaseq Maniitsumi, Kangaamiuni, Napasumi aamma Atammimmi sunngiffimmi piniarnermut allagartalinut pisassiissutigineqassasoq, taannalu qinnuteqartut akornanni makitsinikkut aalajangiiffigineqassasoq. Tamatumalu saniatigut utaqqisunik tulluuttussanik makitsisoqarluni.  
Ulloq 31. marts 2011 pisassat sinneqarpata sinneruttut taakku qanoq agguaanneqassanersut borgmesterimit taamanikkussamut aalajangiiffigineqassasoq.

**Aalajangiineq**

**Ilanngussat**

1. Tusagassiorfinnut nalunaarut. Naalakkersuisut 1. Juli 2010 – 20. Juni 2011-mi qilalugar- tassat aalajangerpaat,
2. Qilalukkanik qaartanik qernertanillu illersuineq piniarnerlu pillugit Namminersornerullutik Oqartussat nalunaarutaat nr. 2, 12. februar 2004-meersoq,
3. Maniitsumi aalisartut piniartullu peqatigiit aamma Maniitsumi umiatsiaararsorlutik aalisartut piniartullu peqatigiiffiata ataatsimoorlutik oqaaseqaataat – notat 27.09.2010-meersoq.
4. Kangaamiuni aalisartut piniartullu peqatigiiffiata(KAPP) oqaaseqaataa 12.10.2010-meersoq,
5. Maniitsumi saniatigooralugu pinaluttartut peqatigiiffiata oqaaseqaataa 28.09.2010-meersoq.
6. Napasumi nunaarfimmi aqutsisut oqaaseqaataat 13.10.2010-meersoq. /siulittaasoq Jens Kristiansen
7. Kangaamiuni nunaqarfimmi aqutsisut e-mail-ikkut 13. Oktober 2010-meersukkut oqaaseqaataat / siulittaasuat Judithe Frederiksen..
8. APNN-ip kommuninut ilisimatitsissutaa qilalukkanut qernertanut qaartanullu pisassiissutinik aamma akuersissutinik suliaqarnermut tunngasoq, 18. oktober 2010-meresoq

**Imm. 28 Ukiumut pissassiivimmumut 1.7.2010-20.6.2011-mut qilalukkat qaqortat 26-t Sisimiunumut pisassiissutit**

*Journalnr. 72.01.01*

Tunuliaqutaq

Aalisarnermut, Piniarnermut Nunalerinermullu Aqutsisoqarfiup tusagassiutitigut nalunaarutaa 15.juli 2010-meersoq.

Maleruagassatigut tunngavissat

Qilalukkanik qaqortanik qernertanillu illersuineq piniarnerlu pillugit Namminersornerullutik Oqartussat nalunaarutaat nr. 2, 12.februar 2004-meersoq.

Immikkoortoq 27-mi maleruagassanut ilanngussat aamma uunga immikkoortumut atuupput.

Pissutsit atuuttut

Aalisarnermut, Piniarnermut Nunalerinermullu Naalakkersuisunut ilaasortap Sisimiunumut qilalukkat qaqortat 26-it ukiumut pissassiivimmumut pissassiissutigai.

2005-imiit qilalukkat qaqortanut pissassiissutit pisarineqartullu imatut isikkoqarput:

<u>Ukioq pissassiiffik</u>	<u>Pisassiissutit</u>	<u>Pisarineqarut</u>
2005/2006	23	18
2006/2007	20	15
2007/2008	13	9
2008/2009	18	18

Piffissami 2005-miit 2008-mut qilalukkanik qaqortanik pissassiissutit inuutissarsiuqatigalugu aammalu sunngiffimmi piniarnermut allagartalinnut paggatassanngorlugit pissassiissutigineqartarput.

2009/2010-mi qilalukkanik qaqortanik pissassiissutit inuutissarsiuqatigalugu piniarnermut allagartalinnut tamarmik piniagassanngorlugit pissassiissutigineqaraput.

April-ip 28-iani 2010-mi kommunalbestyrelsip ataatsimiinnerani amerlanerussuteqartut aalajangerpaat, ukioq 2009/2010-mut qilalukkanik qaqortanik pissassiissutit inuussutissarsiuqatigalugu piniarnermik allagartalinnut pissassiissutigineqassatut.

Qullersaqarfiup oqaaseqaatai

Soqanngilaq

Allaffeqarfiup naliliinera

Sisimiuni Aalisartut Piniartullu Peqatigiiffiat (SAPP), Sisimiuni Angallateerarsorlutik Aalisartut Piniartullu Peqatigiiffiat (SAAPP) aammalu Sarfanguani Itillimimilu aalisartut piniartullu peqatigiiffii kiisalu Saniatigooralugu Piniartartut Peqatigiiffiat (SPP) kikkunnit pissassiissutit piniarneqarnissaat pillugu tusarniaavigineqarput.

Tusarniaatigineqarnerani SAPP akissuteqarnerminni inassutigaaat pissassiissutit 26-it 2009-misut piniarneq ingerlanneqartariaqartoq. Ukiup siuliani pissassiissutinut peqatigiiffimmiit siunnersuutigineqarpoq: **"Pissassiissutit tamarmik inuutissarsiuqatigalugu piniarnermut allagartalinnit paggatassiissutigalugit piniarneqartariaqartut"**.



SPP-p tusarniaanermut akissummini qilalukkat pisassiissutigineqartut ukiumut pisassiissutit amerleriarneri pissutigalugit piniagataanissaminnut piunasaqarput, tamanna pisinnaangippat pisassiissutit ilaannik arfinilinnik (6) pisassinneqarnissartik piunasaaraat. Sunngiffimmi Piniartartut piasinneqassappata pisassiissutit paggatassiissutigineqarnissaat innersuussutigineqarpoq, kiisalu ilisimatitsissutigineqarpoq siornatigut pisassat killilersugangikkallarmata pisassanik amerlisaagataanikuunertik avannamut piniariartarnerminni taamaalilluni pisat agguaqatigiissinneranut taamak amerlatigisunik pisassiissoqartarneranut sunniuteqarluni.

Tusarniaavigineqartut sinneri tusarniaatigineqartumut akissuteqanngillat.

### **Aalisarnermut piniarnermullu siunnersortip ineersuussutaa**

Aalisarnermut piniarnermullu siunnersortip tusarniaanermi akissutigineqartut tunngavigalugit innersuussutigaa, kommunalbestyrelsi siunnersuutitik marlunnik toqqagassinneqassasoq. Siunnersuutit marluk arlaat kommunalbestyrelsimit toqqarneqassaaq atortussanngortillugulu.

1. Qilalukkat qaqortat 26-it pisassiissutigineqartut tamarnik inuutissarsiutigalugu piniarnermut allagartalinnut paggatassiissutigalugit piniargassanngortinneqassapput.

imaluunniit

2. Qilalukkat qaqortat 26-init pisassiissutigineqartunit 24-it inuutissarsiutigalugu piniarnermut allagartalinnut paggatassiissutigalugit piniagassanngortinneqassapput, sinnerilu marluk (2) saniatigooralugu piniartartunut paggatassiissutigalugit piniagassanngortinneqarlutik.

### **Kommunimi pisortaanerup suliamik suliaqarnera.**

Kommunimi pisortaanerup aalisarnermut piniarnermullu siunnersortip innersuussutaa akuersaarppaa.

### **Innersuussut**

Kommunimi pisortaanerup Kommunilbestyrelsimut innersuussutigaa:

1. Qilalukkat qaqortat 26-it pisassiissutigineqartut tamarnik inuutissarsiutigalugu piniarnermut allagartalinnut paggatassiissutigalugit piniargassanngortinneqassapput.

imaluunniit

2. Qilalukkat qaqortat 26-init pisassiissutigineqartunit 24-it inuutissarsiutigalugu piniarnermut allagartalinnut paggatassiissutigalugit piniagassanngortinneqassapput, sinnerilu marluk (2) saniatigooralugu piniartartunut paggatassiissutigalugit piniagassanngortinneqarlutik.

### **Aalajangiineq**

#### **Ilanngussaq**

1. SAPP-ip tusarniaanermut akissutaa.
2. SPP-ip tusarniaanermut akissutaa

**Imm. 29 Oqaluuserisassatut siunnersuut – Isumaginninnikkut ikiorsiissutininik pisartagaqartut, akiligassaat ilanngullugit tunniunneqartalernissaat**

*Journalnr. 41.01.00*

Tunuliaqutaq

Kommunalbestyrelsimi ilaasortap Søren Alaufesenip, isumaginninnikkut ikiorsiissutininik pisartagaqartut, akiligassaat ilanngullugit tunniunneqartalernissaat pillugu siunnersuut kommunalbestyrelsimi oqaluuserisassatut aggustip 4-ni 2010-mi e-mailikkut nassiuppaa.

Søren Alaufesenip siunnersuummini ilaatigut eqqaavaa, isumaginninnikkut ikiorsiissutininik pisartagaqartut pisortanit ikiorneqaannarnissaq eqqarsaatiginagu, namminneq akisussaaqataanissaat akiligassat akilernissaasa isumaginissaannut. Kiisalu minnerunngitsumik sulisuni allaffissornerujussuaq pappiaqqanillu kontolersuinerujussuaq annikillisarneqarneqassasoq, taamaasillunilu sulisut allamut sullissinissaminnut periarfissaqarnerulissammata, inunntut isumaginninnikkut arlaatigut iliuusissanik sammininnerulissallutik.

Kiisalu kommunit kattussuutsinneqarnerisa aamma siunertarimmagu allaffissornerup annikillisarneqarnissaa pisariillisarneqarnissaalu. Tamannalu aamma anguneqassappat innuttaasut peqataasariaqartut.

**Innersuussut**

Kommunalbestyrelsimut innersuussutigineqassaaq, suliaq oqallisigineqareerneratigut Ilaqutariinnermut ataatsiititaliamut ingerlateqqinneqassasoq.

**Aalajangiineq**

**Ilanngussat**

1. Søren Alaufesen aggustip 4-ni 2010-mi e-mailerutaa.

**Imm. 30 Oqaluuserisassatut siunnersuutit - Evelyn Frederiksen-ip oqaluuserisassatut siunnersuutai**

*Journalnr.*

Tunuliaqutaq

Kommunalbestyrelsimi ilaasortap Evelyn Frederiksen-ip, Kommunalbestyrelsimut oqaluuserisassatut siunnersuutai:

1.

Ilinniartitsisussaaleqineq illoqarfinni nunaqarfinnilu Qeqqata Kommuniani eqqarsaatigalugu periarfissaq una siunnersuutigerusuppaa.

Attaveqaatit atorlugit ungasissumiik (fjernundervisning) ilinniartitsisinnaaneq periarfissarsiuunneqassasoq, tassani ilinniartitsissutit ilaat ilinniartitsisussaaleqissunneqarmata, aammalu nunaqarfiit ilaat eqqarsaatigalugit, atuartut ikiliartornerat malillugu ilinniartitsisut amerlassusiligaanerat killeqarsinnaasarmat. Paasisat malillugit ilaatigut atortut pigineqareermata ungasissumik ilinniartitsisinnaanermut atorneqarsinnaasut.

Ilaatigullu periarfissaasinnaagaluarpoq fritidshjemme-tut illup ilaa atorneqarsinnaanera tamanna nunaqarfinni pisariaqartinneqarpat.

2.

Aappaattut nunaqarfiit Itilleq Sarfannguillu meeqqueriviisa meerartaqarpiangitsut illutaasa atorluarnissaat eqqarsaatigalugu, atuartut minnerit atuareernerup kingorna ornitagassamik periarfissaqangitsut soorlu paaqqinnittarfinnik periarfissarsiuunneqarsinnaanerat misissorneqassasoq. Meeqqueriviit illutaasa atorluarneqarnissaat eqqarsaatigalugu.

3.

Pingajuattut Illoqarfiit Maniitsoq Sisimiut, illoqarfinni utoqqartagut periarfissittarpagut nunanut allanut angalasinnaanermik, uani nunaqarfitsinni utoqqaat aamma periarfissinneqarsinnaanissaat ilaasariaqarpoq illoqarfinniut angalanissaannut ilaatinneqarsinnaanerannik.

Naggataagut Qeqqata Kommuniani najugaqartut kaammattorusuppakka illoqarfinniippata nunaqarfinniippataluunniit Qeqqata Kommuniani periarfissaritinneqartut siunnersuisoqarfiit atorluaqqullugit soorlu innuutissarsiornermi siunnersortit, sulianik aallartitaqarsimagunik aporfeqartutullu inissisimallersimappata siunnersuisinnaasut pigaagut tamatta atorluarniartigit.

**Innersuussut**

Kommunalbestyrelsimut innersuussutigineqassaaq, suliassat oqaluuserineqareernerisigut ingerlateqqinneqassasut:

Siunnersuutit 1 aamma 2 Iliniartitaanermut Kulturimut Sunngiffimmullu ataatsimiititaliamut.

Siunnersuut 3 Ilaqutariinnermut ataatsiititaliamut.

**Aalajangiineq**

**Ilanngussat**

1. Evelyn Frederiksenip oktobarip aallaqqaataani 2010-mi e-mailerutaa.

**Imm. 31 Aningaasanik ikisilluni pinnguaatinik ikkussuinissamut akuersissummik qinnuteqaat**

*Journalnr. 70.03.10*

Tunuliaqutaq

Hotel Maniitsoq ApS-ip aningaasanik ikisilluni pinnguaatinik ikkussuinissamut akuersissummik qinnuteqaat septembarip 23-ani 2010-mi nassiupppaa.

Iluanaarniutigalugit pinnguaatit pingasut, imerniartarfimmi Moby Dick, B 650-imut Maniitsumiit-tumut ikkunnissaat qinnutigineqarpoq.

Maleruagassatigut tunngavissat

Aningaasanik ikisilluni pinnguaatinut akileraarutit pillugit Inatsisartut inatsisaat nr. 3, 17. maj 1990-imeersoq kingusinnerusukkut allannguutaasut ilanngullugit, "pinnguaatit aningaasanoorutit" pillugit Namminersornerullutik Oqartussat nalunaarutaat nr. 31, 17. december 1996-imeersoq, Akileraartarnermut pisortaqarfiup "pinnguaatit aningaasanoorutit" iluanaarutillu aningaasanngortittarneri pillugit ilitsersuutaa 1994-imeersoq.

Qeqqata Kommuniani aningaasanik ikisilluni pinnguaatinut akuersissutinik tunniussisarnermi najoqqutassia aggustip 25-ani 2009-meersoq.

Illuni kikkunnilluunniit, peqatigiiffinni ilaasortaasunit assigisaannillu iserfigineqarsinnaasuni aningaasanik ikisilluni pinnguaatinik inissiinissamut, illoqarfimmi innuttaasut inuiaqatigiittut ataatsimoortumik nalilernerat aallaavigalugu, akuersissutinik kommunalbestyrelsi tunniussisarpoq.

Kommunalbestyrelsip ammarsarfissatut akuerisai malillugit ammarsarnissamik piumasaqaatitalimmik akuersissut tunniunneqartassaaq. Kommunalbestyrelsip aggustip 25-ani 2009-mi aningaasanik ikisilluni pinnguaatit atorineqarsinnaaffii/ammarsarfissaat tulliuuttut aalajangersarpai: ullut tamaasa ullup-qeqqaniit matunissaap tungaanut, kingusinnerpaamilli unnukkut qulinut. Inissisimaffigisaq/-saat taaneqartup kingorna matusarpat, aningaasanik ikisilluni pinnguaatit unnukkut qulinut qaminneqassapput.

Taamatuttaaq akuersissut tulliuuttut piumasaqaatitalerlugu tunniunneqarpoq, tassa pinnguaatit parnaarneqarsinnaasumiitneqassasut, taamaalilluni ammarsarfissatut aalajangersakkat malinneqarsinnaaqqullugit. Tamanna pinnguaatit inimut paarnaarneqarsinnaasumut inissinnerisigut pisinnaalluni, imaluunniit pinnguaatit ammaffissaasa naanerini qamillugit.

Akuersissut ukiuni marlunni atuuttussatut tunniunneqassaaq aalajangersimasumillu inissinneqarnissaanut ilanngullu illup B-nr.-ua allanneqassalluni.

Pissutsit atuuttut

Qeqqata Kommuniani aningaasanik ikisilluni pinnguaatinut akuersissutinik tunniussisarnermi najoqqutassiat, aggustip 25-ani 2009-mi kommunalbestyrelsimi suliarinerini tulliuuttut allaqqapput:

*"Aningaasanik ikisilluni pinnguaatit amerlassusissaasa aalajangersaaffiginerat Siusinnerusukkut Sisimiut Kommuneani kommunalbestyrelsip aalajangersaaffigisimavaa, aningaasanik ikisilluni pinnguaatinut akuersissutit 39-unissaat. Taakkunanga 36-t akuerineqarsimallutik. Taakkuninngalu 25-t Sisimiut illoqarfianniillutik.*

*Siusinnerusukkut Maniitsup Kommuneani kommunalbestyrelsip aalajangersaaffigisimavaa, aningaasanik ikisilluni pinnguaatinut akuersissutit 4-nissaat. Taakkunanga 4-t akuerineqarsimalutik. Taakkulu tamarmik Maniitsup illoqarfianniillutik.*

*Allaffeqarfiup taperserlugu innersuussutigissavaa, siusinnerusukkut Sisimiut taamatullu Maniitsup Kommuneni akuersissutaasimasut Qeqqata Kommuniani ingerlatiinnarneqassasut, taamaalilluni Qeqqata Kommuniani aningaasanik ikisilluni pinnguaatit 39 + 4 = 43-t akuersissutaqasinnaallutik.”*

Aningaasanik ikisilluni pinnguaatinik pingasunik inissiiniarnermik qinnuteqaatikkut, kommunalbestyrelsimi amerlassusiliinermi taamani Maniitsup Kommunerisimasaani aalajangersakkanik qaangiisussaammat, suliaq kommunalbestyrelsimit aalajangiiffigisassatut saqqummiunneqarpoq.

Aningaasanik ikisilluni pinnguaatit Qeqqata Kommuniani amerlassusai, oktobarip 15-ani 2010-mi

18-it Sisimiuni

6-it Kangerlussuarmi

4-t Maniitsumi

Malittarisassalli naapertorlugit allaffeqarfiup suliasat saqqummertussat tamaasa isumagisalissavai, tamakku Qeqqata Kommuniani aningaasanik ikisilluni pinnguaatinik amerlassusiliussat iluaniikkaangata.

#### Allaffeqarfiup naliliinera

Maniitsumi Teknikkimut Avatangiisinullu immikkoortortaq naliliivoq, inip pineqartup angissusia aningaasanik ikisilluni pinnguaatinut pingasunut inissiivissatut naammattoq, tassa qatserisartut pisortaata takuniaareerneratigut uuttortaareerneratigullu.

#### **Innersuussut**

Kommunalbestyrelsimut akuereqqullugu innersuussutigineqassaaq

Aningaasanik ikisilluni iluanaaniutinik pingasunik imerniartarfimmi Moby Dick, B-650 Maniitsumi inissiinissaq akuersissutigineqassasoq.

#### **Aalajangiineq**

#### **Ilanngussaq**

1. Qeqqata Kommuniani aningaasanik ikisilluni pinnguaatit allassimaffiat 15.10.2010-meersoq.

#### **Imm. 32 Tamalaat**